



38945

key.

38945

2.47

Պ Ա Ր Տ Է Ջ
Հ Ո Գ Ե Ի Ո Ր

Տ Պ Ա Գ Ր Ե Ա Լ

Ի Հայրապետութեան

Տ. Տ. Գեորգայ Կաթողիկոսի

Ի Պատրիարքութեան

Ս. Երուսաղեմի

Տ. Տ. Եսայեայ Արքեպիսկոպոսի


ԵՒ

Ի Պատրիարքութեան

Կ. Պոլսոյ

Տ. Տ. Ներսիսի Ս. Պատրիարքի

Վարժապետեան



Կ. ՊՕԼԻՍ


ՏՊԱԳՐՈՒԹԻՒՆ Յ. ՓԱՓԱԶԵԱՆ


1882

5768E

ՀԱՅԿԱՍՏԱՆԻ
ԳՐԱԳՐԱԿԱՆ

ՀԱՅԿԱՍՏԱՆԻ ԳՐԱԳՐԱԿԱՆ
ԿԵՆՏՐՈՆ
— ԶԱՅՆ ԻՆՏԵՆՍԻՎ —





Օրհնութիւն Հօր եւ Արքայ եւ Հոգոյն
սրբոյ, այժմ՝ եւ միշտ եւ յստիակեան
աւիակն :

ՀՐԾԺՍՐՈՒՄՆ

Հրատարիմք 'ի սատանայէ
և յամենայն խարէութենէ
նորա . 'ի պատրանաց նորա .
'ի խորհրդոց նորա . 'ի գնա-
ցից նորա . 'ի չար կամաց
նորա . 'ի չար հրեշտակաց
նորա . 'ի չար պաշտօնէից
նորա . 'ի չար կամարարաց
նորա . և յամենայն չար զօ-
րութենէ նորա հրատարե-
լով հրատարիմք :

Զայս երեցս կրինէ՝ երես 'ի յա-
րեւձոպս և յեսս 'ի կոր ունելով՝
և ապա դասանաց յարեւել և սիլ-
ճանի շրտանանութիւնն ուղղափոստ

հասարոյ՝ բացաբլուխի և յեռնամած
կերպիւ և աւէ :

Խոստովանիմք եւ հաւա-
տամք ամենակատար սրտիւ
զՀայրն Աստուած անեղ ան-
ծին և անսկիզբն . այլ և ծը-
նող Որդւոյ և բղխող Հոգ-
ւոյն սրբոյ : Հաւատամք ըզ-
բանն Աստուած՝ անեղ ծըն-
եալ՝ և սկսեալ ՚ի Հօրէ նախ
քան զյաւիտեանս : Ոչ յե-
տոյ և ոչ կրտսեր . այլ որ-
քան Հայրն Հայր՝ ընդ նմին
և Որդին Որդի : Հաւատամք
զսուրբ Հոգին՝ անեղ անժա-
մանակ . ոչ ծնեալ՝ այլ բըխ-
եալ ՚ի Հօրէ . էակից Հօր և
փառակից Որդւոյ : Հաւա-
տամք զերրորդութիւնն
սուրբ՝ մի բնութիւն , մի

Աստուածութիւն . ոչ երեք
աստուածք , այլ մի Աստ-
ուած . մի կամք . մի թագա-
ւորութիւն . մի իշխանու-
թիւն . արարիչ երեւելեաց
և աներեւութից : Հաւա-
տամք յեկեղեցի սուրբ ըզ-
թողութիւն մեզաց հաղոր-
դութեամբ սրբոյ :

Հաւատամք զմինն յերից
անձանց զբանն Աստուած՝
ծնեալ ՚ի Հօրէ նախ քան
զյաւիտեանս . ՚ի ժամանա-
կի իջեալ յԱստուածածին
կոյսն Մարիամ . առեալ յա-
րենէ նորա՝ միաւորեաց ընդ
իւրում Աստուածութեանն .
իննամսեայ ժուժկալեալ
յարգանդի անարատ կու-
սին . և եղև Աստուածն

կատարեալ՝ մարդ կատարեալ. հոգևով և մտօք և մարմնով. մի անձն, մի դէմ և միաւորեալ մի բնութիւն : Աստուածն մարդացեալ առանց փոփոխման և առանց այլայլութեան . անսերմն յղութիւն և անսպական ծնունդ, որպէս ոչ է սկիզբըն Աստուածութեան նորա՝ և ոչ վախճան մարդկութեան նորա : (Զի Յիսուս Քրիստոս երէկ և այսօր՝ նոյն և յաւիտեան) : Հաւատամք զՏէրն մեր Յիսուս Քրիստոս շրջեալ ՚ի վերայ երկրի : Յետ եռեսուն ամաց եկեալ ՚ի մկրտութիւն : Հայր ՚ի վերուստ վկայեալ՝ Դա է որդի իմ սիրելի և

Հոգին սուրբ ազանակերպ իջեալ ՚ի վերայ նորա : Փորձեալ ՚ի սատանայէ և յաղթեալ նմա : Քարոզեալ մարդկան զփրկութիւն : Աշխատեալ մարմնով, վաստակեալ քաղցեալ և ծարաւեալ : Յետոյ եկեալ կամալ ՚ի չարչարանս . խաչեալ և մեռեալ՝ մարմնով . և կենդանի՝ Աստուածութեամբն : Մարմինն եղեալ ՚ի գերեզմանի՝ միաւորեալ Աստուածութեամբն . և Հոգևովն իջեալ ՚ի դժոխս՝ անբաժանելի Աստուածութեամբն : Քարոզեալ հոգևոցն աւերեալ զդժոխս՝ և ազատեալ զհոգիան : Յետ երից աւուրց յարուցեալ ՚ի մեռելոց և

երեւեալ աշակերտացն : Հա-
ւատամք զՏէրն մեր Յիսուս
Քրիստոս նովին մարմնովն
համբարձեալ յերկինս և
նստեալ ընդ աջմէ Հօր : Այլ
և գալոյ է նովին մարմնովն
և փառօք Հօր ՚ի դատել
զկենդանիս և զմեռեալս :
Որ և յարութիւն ամենայն
մարդկան : Հաւատամք և
զհատուցումն գործոյ , ար-
գարոցն կեանք յաւիտենա-
կան , և մեղաւորացն տան-
ջանք յաւիտենական :



Բայ շէիս զայս և ընկերացիս ա-
ռաջի Խոսարովանահօր + , երբ եր-
Բնցես Խոսարովանել զժող :

ԶԳՋՈՒՄՆ

Մեղայ ամենասուրբ Եր-
րորդութեանն Հօր և Որդ-
ւոյ և Հոգւոյն սրբոյ : Մե-
ղուցեալ եմ՝ Աստուծոյ :
Խոստովանիմ առաջի Աս-
տուծոյ՝ և սրբուհւոյ Աստ-
ուածածնին՝ և առաջի քոյ
Հայր սուրբ . զամենայն մե-
ղքս զոր գործեալ եմ : Քան-
զի մեղայ խորհրդով բանիւ
և գործով , կամայ և ակա-
մայ . զխտութեամբ և սն-
զխտութեամբ՝ մեղայ Աս-
տուծոյ : Մեղայ հոգւովս
և զօրութեամբ սորա՝ մի-

տօքս եւ շարժմամբ ստ-
րա . մարմնովս եւ զգայու-
թեամբ սորա : Մեղայ զօրու-
թեամբ հոգւոյս . խորա-
մանկութեամբ . անզգամու-
թեամբ . յանդգնութեամբ
և երկչոտութեամբ . շռայ-
լութեամբ եւ ժլատութե-
ամբ . դեղխութեամբ և ա-
նիրաւութեամբ . չարահա-
ւանութեամբ . յուսահա-
տութեամբ և թերամտու-
թեամբ՝ մեղայ Աստուծոյ :
Մեղայ չար խորհրդով մը-
տացս . նենգութեամբ . ա-
տերութեամբ . խեթիւ . մա-
խանօք . յաչախանօք . թու-
լութեամբ . պոռնկական
խորհրդով . արուական . ի-
գական . անասնական . գր-

րաստական . գաղանական .
'ի գիշերի և 'ի աուրնջեան
երազական գիծութեամբ և
յանրջական դարչ աղաեղու-
թեամբ՝ մեղայ Աստու : Մե-
ղայ ցանկութեամբ մարմ-
նոյս հեշտութեամբ . պղեր-
գութեամբ , յօրանջմամբ
քնոյ՝ շարժութեամբ մարմ-
նոյս և զաղրագործութեամբ
'ի պէս պէս ախտս . հեշտա-
լրութեամբ լսելեացս . ա-
րատութեամբ աչացս . ցան-
կութեամբ սրախս . իգու-
թեամբ ոնգացս . պաղչո-
տութեամբ բերանոյս . ան-
ժուժկալութեամբ . շռայ-
տութեամբ . և արբեցու-
թեամբ՝ մեղայ Աստու : Մե-
ղայ չարաբանութեամբ լեղ-

ուիս . ստախօսութեամբ .
 սուտ երդմամբ . երդմնա-
 զանցութեամբ . հակառա-
 կութեամբ . վիճարանու-
 թեամբ . բանսարկութեամբ .
 շողմնքութեամբ . քսու .
 դատարկաբանութեամբ . և
 ծաղու . զբախօսութեամբ .
 հերձախօսութեամբ . և ա-
 նիծաբանութեամբ . տրտըն-
 ջելով . դժգոհելով . բամբա-
 սելով . և հայհոյելով՝ մեղայ
 Աստ : Մեղայ գողութեամբ
 ձեռացս . ադահելով , զրկե-
 լով , հարկանելով , սպա-
 նանելով , և ընդ գարչս ա-
 ծելով՝ մեղայ Աստուծոյ :
 Մեղայ ամենայն յօղուա-
 ծովք շինուածոյս և ամե-
 նայն անդամօք մարմնոյս .

եօթնեակ զգայարանօքս և
 վեցեկի շարժմամբս . վերամ-
 բարձ ռոնահարութեամբ ,
 եւ վայրագարչ մեղկութե-
 ամբ . յաջ եւ յահեակ
 խոտորելով . առաջնոցն մե-
 ղանչելով , եւ վերջնոցն
 չար նշաւակ գողով՝ մե-
 ղայ Աստուծոյ : Այլ եւ
 մեղայ եօթնիցս յանցանօք
 մահացու մեղօք : Հպար-
 տութեամբ և մասամբ նո-
 րին : Նախանձու և մասամբ
 նորին : Բարկութեամբ եւ
 մասամբ նորին : Ծուլու-
 թեամբ և մասամբ նորին :
 Ադահութեամբ և մասամբ
 նորին : Որկրամոլութեամբ
 և մասամբ նորին : Բղջախո-
 հութեամբ և մասամբ նո-

րին՝ մեղայ Աստուծոյ :
 Այլ եւ մեղայ ամենայն
 պատուիրանացն Աստուծոյ .
 յանձնառելեացն եւ հրա-
 ժարելեացն . զի ոչ զյանձ-
 նառականն կատարեցի եւ
 ոչ ՚ի հրաժարելեացն հե-
 ուացայ : Զօրէնս առի՝ եւ
 յօրինացն հեղգացայ . ՚ի
 կարգս քրիստոնէութեան
 հրաւիրեցայ՝ եւ գործովս ա-
 նարժան գտայ : Գիտելով
 զչարն՝ կամաւ կորացայ . եւ
 ՚ի բարեաց գործոց ես ինձէն
 հեռացայ : Վայ ինձ , վայ
 ինձ , վայ ինձ : Զորն ասեմ՝
 կամ զորն խոստովանիմ . զի
 անթիւ են յանցանք իմ . ա-
 նասելի են անօրէնութիւնք
 իմ . աններելի են ցաւք իմ :

և անբժշկելի են վէրք իմ .
 մեղայ Աստուծոյ :
 Հայր սուրբ՝ զքեզ ունիմ
 միջնորդ հաշտութեան՝ եւ
 բարեխօս առ միածին Որ-
 դին Աստուծոյ . զի իշխա-
 նութեամբդ որ տուեալ է
 քեզ՝ արձակեցես զիս ՚ի
 կապից մեղաց իմոց աղա-
 չեմ զքեզ :

ԱՐՁԱԿՈՒՄՆ

Ողորմեցի քեզ մարդասէ-
 րն Աստուած , եւ թողու-
 թիւն շնորհեցի քեզ .
 յանցանքոց իմոց . խոստովա-
 նացելովդ . եւ մոռացելոցդ :
 Եւ ես կարգաւս քահանա-
 յակն իշխանութեան եւ

38945

ՀԱՅԿԱՍՏԱՆԻ ԱՍԵՆԱԿԱՆ
 ԳՐԱԴԱՐԱՆ
 — ՀԱՅԱԴԻՏԱԿԱՆ —

հրամանաւն Աստուածային
 թէ՛ (Զոր արձակիցեք յերկրի ,
 եղիցի արձակեալ յերկինս) :
 Նովին բանիւն արձակեմ
 զքեզ յամենայն մասնակ-
 ցութենէ մեզաց քոց , 'ի
 խորհրդոց 'ի բանից և 'ի
 գործոց . յանուն Հօր և Որդ-
 ւոյ և Հոգւոյն սրբոյ : Եւ
 դարձեալ՝ տամ զքեզ 'ի
 խորհուրդս սուրբ եկեղեց-
 ւոյ : Զի զոր ինչ գործիցես
 բարիս . եղիցի քեզ 'ի բարե-
 գործութիւն և 'ի փառս
 հանդերձեալ կենացն . ամէն :



Համբարձաւ Տէր յերկինս :

ԱՂՕԹՔ ԱՌԱԻՕՏԵԱՆ

ԻԻՐԱՐԱՆՁԻԻՐ ԱԻՈՒՐ



Յանուն Հօր և Որդւոյ և
Հոգւոյն սրբոյ ամէն :

Հայր մեր որ յերկինս ,
տուրք եղիցի անուն քո .
եկեսցէ՛ արքայութիւն քո .
եղիցին կամք քո որպէս
յերկինս և յերկրի . զհաց
մեր հանապազորդ՝ տուր
մեզ այսօր . թող մեզ ըզ-
պարտիս մեր՝ որպէս և մեք
թողումք մերոց պարտա-
պանաց . և մի՛ տանիր զմեզ

'ի փորձութիւն . այլ փրկեա՛ զմեզ 'ի չարէ . զի քո է արքայութիւն և զօրութիւն և փառք յաւիտեանըս յաւիտենից . ամէն :



Տէր՝ եթէ զըրթունս իմ բանաս , բերան իմ երգեսցէ զօրհնութիւնս քո :

Տէր՝ եթէ զըրթունս իմ բանաս , բերան իմ երգեսցէ զօրհնութիւնս քո :

Օրհնեալ համագոյ և միասնական անբաժանելի սուրբ երրորդութիւնն՝ Հայր և Որդի և Հոգի սուրբ , այժմ՝ և միշտ և յաւիտեանս յաւիտենից . ամէն :

Տէր՝ զի բազում եղեն նեղիչք իմ , և բազումք յարեան 'ի վերայ իմ :

Բազումք ասէին զանձնէ իմ մէ , թէ չիք փրկութիւն սորա առ Աստուած իւր :

Այլ դու Տէր օգնական իմ

ես, փառք իմ և բարձրացուցիչ գլխոյ իմոյ :

Զայնիւ իմով ես առ տէր կարդացի, և լուաւ ինձ 'ի լեռնէ սրբոյ իւրմէ :

Ես ննջեցի և 'ի քուն եղէ. զարթեայ և տէր ընդունելի իմ է :

Ոչ երկեայց ես 'ի բիւրաւոր զօրաց նոցա, ոյք շուրջանակի պատեալ պաշարեալ պահէին զիս :

Արի տէր և փրկեա զիս Աստուած իմ, զի դու հարբեր զամենեսեան ոյք էին ընդ իս թշնամութեամբ 'ի տարապարտուց և զատամունս մեղաւորաց փշրեսցես :

Տեառնդ է փրկութիւն 'ի վերայ ժողովրդեան քո օրհ-

նութիւն քո :

Տէր Աստուած փրկութեան իմոյ, 'ի տուէ կարդացի և գիշերի առաջի քո :

Մտցեն աղօթք իմ առաջի քո Տէր, խոնարհեսցի ունկրն քո 'ի խնդրուածս իմ :

Զի լցաւ չարչարանօք անձն իմ, և կեանք իմ 'ի դժոխս մերձեցան, և համարեցայ ես ընդ այնոսիկ որք իջանեն 'ի գուբ :

Եղէ ես որպէս մարդ առանց օգնականի, և 'ի մեռեալս ազատ :

Որպէս զվիրաւորս, որք նընջեն 'ի դերեզմանս :

Զորս դու ոչ յիշեցեր, նոքա 'ի ձեռանէ քումմէ մերժեցան :

Եդին զիս 'ի գբի ներքնու-
մըն, 'ի խաւարի և 'ի ըստ-
ուերս մահու:

Յիս հաստատեցաւ սրամտու-
թիւն քո, զամենայն զբո-
սանս քո ածեր 'ի վերայ իմ:
Հեռի արարեր յինէն զծա-
նօթս իմ, և եդին զիս նը-
շաւակ իւրեանց:

Մատնեցայ և ոչ ելանէի,
աչք իմ տկարացան յաղքա-
տութենէ:

Ազաղակեցի առ տէր զօր-
հանապաղ, եւ համբարձի
առ քեզ զձեռս իմ:

Միթէ մեռելոց առնիցեն
զսքանչելիս քո, կամ բը-
ժիշկք յարուցեալ՝ խոստո-
վան առնիցին առ քեզ:

Միթէ պատմեսցէ՞ ոք եր-

բէք 'ի գերեզմանի զողոր-
մութիւնս քո, կամ զճըշ-
մարտութիւնս քո 'ի կորըս-
տեան:

Միթէ ճանաչիցին 'ի խա-
ւարի սքանչելիք քո, կամ
արգարութիւն քո յերկիր
մոռացեալ:

Ես առ քեզ Տէր աղաղակե-
ցի, առաւօտու աղօթք իմ
ժամանեսցեն առ քեզ:

Ընդէր Տէր մերժես զանձն
իմ, կամ դարձուցանես զե-
րեսս քո յինէն:

Տնանկ և վաստակաւոր եմ
ես 'ի մանկութենէ իմմէ, 'ի
բարձրութենէ խոնարհեցայ
և ապշեցայ:

Յիս հաստատեցաւ բարկու-
թիւն քո, արհաւիրք քո

խռովեցուցին զիս :

Շրջեցան զինեւ որպէս ջուր ,
զօր ամենայն պաշարեցին
զիս ՚ի միասին :

Հեռի արարեր յինէն ըզ
բարեկամս իմ՝ և զճանօթս
իմ՝ վասն թշուառութեան
իմոյ :

Օրհնեա՛ անձն իմ զՏէր ,
և ամենայն ոսկերք իմ՝ զա-
նուն սուրբ նորա :

Օրհնեա՛ անձն իմ զՏէր ,
և մի մոռանար զամենայն
տուրս նորա :

Ո՛ր քաւէ զմեզս քո , բժշկէ
զամենայն հիւանդութիւնս
քո :

Ո՛ր վրկէ յապականութենէ
զկեանս քո , պսակէ զքեզ
ողորմութեամբ և գթու-

թեամբ :

Ո ընու ՚ի բարութենէ ըզ
յանկութիւն քո նորոգես-
ցի որպէս արժւոյ մանկու-
թիւն քո :

Առնէ ողորմութիւնս Տէր ,
և իրաւունս ամենայն զըր-
կելոց :

Եցոյց տէր զճանապարհս
իւր Մովսիսի , և որդւոցն
իսրայէլի զկամս իւր :

Գթած ողորմած է Տէր , եր-
կայնամիտ և բազումողորմ :

Ոչ իսպառ բարկանայ մեզ
Տէր , և ոչ յաւիտեան պա-
հէ ոխս :

Ոչ ըստ մեղաց մերոց ա-
րար մեզ Տէր , և ոչ ըստ
անօրէնութեան մերում հա-
տոյց մեզ :

Այլ որպէս բարձր են երկինք յերկրէ, այնպէս զօրացոյց Տէր զողորմութիւն իւր 'ի վերայ երկիւղածաց իւրոց:

Որչափ հեռի են արեւելք յարեւմտից, այնչափ հեռի արար 'ի մէնջ զանօրէնութիւնս մեր:

Որպէս գթայ հայր 'ի վերայ որդւոց իւրոց, այնպէս գըթացի Տէր յերկիւղածս իւր:

Զի նա գիտաց զստեղծուածըս իւր և յիշեաց թէ հող եմք:

Մարդոյ որպէս խոտոյ են աւուրք իւր, որպէս ծաղիկ վայրի այնպէս ծաղիկ:

Ենչէ 'ի նմա հողմ' և ոչ է:

և ոչ եւս երեւի տեղին նորա: Բայց ողորմութիւն Տեառն մնայ յաւիտեանս յաւիտեանից 'ի վերայ երկիւղածաց իւրոց, և արդարութիւն նորա յորդւոց մինչեւ յորդիս:

Ոյք պահեն զուխտս նորա, յիշեն զպատուիրանս նորա և առնեն զնա:

Տէր յերկինս պատրաստեաց զաթոռ իւր, արքայութիւն նորա ամենեցուն տիրէ:

Օրհնեցէք զՏէր ամենայն հրեշտակք նորա, հզօրք զօրութեամբ՝ ոյք առնէք զբան նորա՝ 'ի լսել ձայնի պատգամաց նորա:

Օրհնեցէք զՏէր ամենայն զօրութիւնք նորա, պաշ-

տօնեայք և արարողք կամաց նորա :

Օրհնեցէք զՏէր ամենայն գործք նորա, զի ընդ ամենայն տեղիս է տէրութիւն նորա, օրհնեա՛ անձն իմ

զՏէր :

Տէր՝ լուր աղօթից իմոց, ունկն դիր խնդրուածաց իմոց ճշմարտութեամբ քով : Լուր ինձ արդարութեամբ քով, և մի՛ մտաներ ՚ի դատաստան ընդ ծառայի քում : զի ոչ արդարանայ առաջի քո ամենայն կենդանի :

Հալածեաց թշնամին զանձն իմ, խոնարհ արար յերկիր զկեանս իմ, և նստոյց զիս ՚ի խաւարի որպէս մեռեալ յաւիտենից :

Չանձրացաւ յիս հոգի իմ և սիրտ իմ խռովեցաւ յիս : Յիշեցի զառուրան զառաջինըս, խորհեցայ յամենայն գործս քո . յարարածս ձեռաց քոց խորհեցայ, և համբարձի առ քեզ զձեռուս իմ : Անձն իմ որպէս երկիր ծարաւի է առ քեզ, վաղվաղակի լուր ինձ Տէր զի նըւաղեցաւ յինէն հոգի իմ : Մի՛ դարձուցաներ զերեսս քո յինէն . նմանիցիմ այնուցիկ ոյք իջանեն ՚ի գուբ : Լսելի արա ինձ առաւօտու զողորմութիւնս քո զի ես ՚ի քեզ տէր յուսացայ : Յոյց ինձ ճանապարհ յոր և գնացից, զի առ քեզ Տէր համբարձի զանձն իմ :

Փրկեա զիս 'ի թշնամեաց իմոց Տէր, զի զքեզ ապաւէն ինձ արարի:

Ուսո՞ ինձ առնել զկամս քո, զի դու ես Աստուած իմ: Հոգի քո բարի առաջնորդեսցէ ինձ 'ի յերկիր ուղիղ: Վասն անուան քո Տէր կեցուցէ զիս, արդարութեամբ քով հանցես 'ի նեղութենէ զանձն իմ:

Ողորմութեամբ քով սատակեա՞ զթշնամիս իմ, և կորո՞ զամենայն նեղիչս անձին իմոյ, զի ես ծառայ քո եմ:

Փառք քեզ Աստուած արթուն բնութիւն, որ ոչ երբէք ննջես պահապանդ իս:

րայելի: Որ յանմահ պաշտօնէից քոց՝ իմացական ձայնիւ անդադար օրհնաբանիս: Որ և զիս զհողեղէն ծառայս քո յանձնեցեր 'ի պահպանութիւն նոցա. և կարգեցեր քնածու բնութեանս՝ զարթուն ծառայս սրդ 'ի խնամակալութիւն: Չորս և շնորհեցեր թմրեցելոյս ձայնատու և զարթուցիչ իբրեւ զգիշերային խօսնակս, կանխել 'ի փառաբանութիւն անուան քո սրբոյ. զի և 'ի հողեղինացս հաճեցար առնուլ զօրհնութիւն: Գոհանամ զքէն անմատչելի լոյս սուրբ երրորդութիւն, որ զիս ազատեցեր 'ի խաւարադնաց դի-

ւաց՝ ՚ի թշնամեաց փրկու-
թեանս իմոյ . և ընդ ար-
թուն բնութիւն հրեշտա-
կացոց՝ օրհնաբանակից քեզ
արարեր : Զի՛նչ տաց քեզ
տրիտուր և փոխանակ բա-
րերարութեանդ . Տէր իմ,
կեանք իմ, լոյս իմ, և աղ-
բիւր ամենայն բարեաց .
եթէ ոչ զկեանս իմ՝ զոր ե-
տուր և շնորհեցեր ինձ ՚ի
գիշերիս յայսմիկ, քեզ նը-
ւիրեցից ՚ի մշտնջենաւոր
և յանդադար փառաբա-
նութիւն . թէպէտ չեմ բա-
ւական ըստ արժանեաց փա-
ռաց քոց օրհնել զքեզ :

Արդ՝ որպէս հրեշտակաց
քոց տաս նոր ՚ի նորոյ ըզ-
գանազան կերպ զքեզ օրհ-

նելոյ՝ և երեքսրբենիւ փա-
ռաբանելոյ, տուր և ինձ ա-
ղաչեմ զքեզ՝ արթնութիւն
մտաց, նոր օրհնութեամբ
զնորոգիչդ կենաց իմոց բա-
րեբանել : Դու Տէր՝ և զա-
ռաօտս խաղաղութեան
մինչեւ ցերեկոյ շնորհեա՛
ինձ առանց փորձանաց ան-
ցուցանել, որ խնդրեմս
զարքայութիւն քո ՚ի սկըզ-
բան ամենայն խնդրուածոց
իմոց :

Տէր երկնի և երկրի, և հը-
րամայող ծովու և ցամաքի,
դու և զայլ բարիս բնու-
թեան՝ շնորհաց և փառաց
ողորմութեամբ քով պար-
գեւեա՛ ինձ, և արդար վաս-
տակոց յաւուրս յայսմիկ

արժանի արա . որով և կարիք իմ և իմոցս լցցին , և աղքատք 'ի փշրանաց սեղանոյ մեծատանդ յաղեսցին . և օրհնեսցեն զքեզ այժմ և յաւիտեանս . ամէն :



ՀԱՆԳԱՆԱԿ ՀԱԻԱՏՈՅ

Հաւատամք 'ի մի Աստուած 'ի Հայր ամենակալ յարարչըն երկնի և երկրի , երեւելեաց եւ աներեւութից : Հաւատամք և 'ի մի Տէր Յիսուս Քրիստոս՝ յորդին Աստուծոյ ծնեալն յԱստուծոյ Հօրէ միածին , այսինքն յէութենէ Հօր : Աստուած յաստուծոյ , լոյս 'ի լուսոյ , Աստուած ճշմարիտ յԱստուծոյ ճշմարտէ , ծնունդ և ոչ արարած : Նոյն ինքն 'ի բնութենէ Հօր . որով ամենայն ինչ եղեւ յերկինս և յերկրի՝ երեւելիք և աներեւոյթք : Որ յաղագս մեր մարդկան՝ և վասն մերոյ

փրկութեան իջեալ յերկ-
 նից՝ մարմնացաւ, մարդա-
 ցաւ, ծնաւ կատարելապէս
 'ի Մարիամայ սրբոյ կուսէն՝
 Հոգւովն սրբով: Որով էառ
 զմարմին զՀոգի և զմիտս և
 զամենայն որ ինչ է 'ի մարդ՝
 ճշմարտապէս և ոչ կարծ-
 եօք: Չարչարեալ, խաչեալ,
 թաղեալ, յերրորդ աւուր
 յարուցեալ. ելեալ յերկի-
 նքս նովին մարմնով՝ նստաւ
 ընդ աջմէ Հօր: Գալոց է նո-
 վին մարմնովն և փառօք Հօր
 դատել զկենդանիս և զմե-
 ուեալս. որոյ թագաւորու-
 թեանն ոչ գոյ վախճան:
 Հաւատամք և 'ի սուրբ Հո-
 գին յանեղն և 'ի կատա-
 րեալն. որ խօսեցաւ յօրէնս:

և 'ի Մարգարէս և յԱւետա-
 րանս: Որ էջն 'ի Յորդանան
 քարոզեաց զԱռաքեալն. և
 բնակեցաւ 'ի սուրբն:
 Հաւատամք և 'ի մի միայն
 ընդհանրական և առաքե-
 լական Եկեղեցի:

Հաւատամք 'ի մի մկրտու-
 թիւն. յապաշխարութիւն՝
 'ի քաւութիւն և 'ի թողու-
 թիւն մեղաց: Ի յարութիւն
 մեռելոց. 'ի դատաստանն
 յաւիտենական հոգւոց և
 մարմնոց, յարքայութիւնն
 երկնից և 'ի կեանսն յաւի-
 տենականս:

Իսկ որք ասէնն, էր երբեմն
 յորժամ ոչ էր Որդի, կամ
 էր երբեմն յորժամ ոչ էր
 սուրբ Հոգին. կամ թէ յո-

չէից եղեն, կամ յայլմէն
ուրթենէ կամ 'ի գոյութե-
նէ ասեն լինել զանեղ Որ-
դին Աստուծոյ, կամ զսուրբ
Հոգին. և թէ՛ փոփոխելիք
են կամ այլայլելիք, զայն-
պիսի ասացողսն նղովէ կա-
թողիկէ և Առաքելական ե-
կեղեցի :

Ի սրբոյ Լուսաւորչեան վերակ ս-
ասցեսալ :

Իսկ մեք փառաւորեացուք
որ յառաջ քան զյաւիտեա-
նըս, երկիր պագանելով
սրբոյ Երրորդութեանն և
մի Աստուածութեանն Հօր
և Որդւոյ և Հոգւոյն սրբ-
բոյ, այժմ և միշտ և յա-

ւիտեանս յաւիտենից . ամէն :



ՓԱՌԱԲԱՆՈՒԹԻՒՆ

Փառք 'ի բարձունս Աստու-
ծոյ, և յերկիր խաղաղու-
թիւն, 'ի մարդիկ հաճու-
թիւն : Օրհնութիւն քեզ
'ի բարձունս, օրհնեալ ես
Տէր Աստուած մեր . օրհ-

նեմք զքեզ և գովեմք ըզ
քեզ : Խոստովանիմք Տէր
զքեզ, և երկիրպագանեմք
քեզ . փառաւորեմք զքեզ .
գոհանամք Տէր զքէն վասն
մեծի փառաց քոց :

Տէր թագաւոր սուրբդ երկ-
նային՝ Աստուած և Հայր ա-
մենակալ : Տէր և Որդի Հօր
միածին Յիսուս Քրիստոս և
սուրբ Որդի : Տէր Աստուած
դառն Աստուծոյ և Որդի
Հօր, որ առեր զմերս ՚ի կու-
սէն : Ողորմեցար բարձեր
զմեզս աշխարհի, և արդ
ընկալ զաղաչանս մեր :

Սուրբդ որ նստիս ընդ ալ-
մէ Հօր՝ ողորմեաց մեզ : Զի
դու միայն սուրբ, դու մի-
այն բարձրեալ ես, դու մի-


այն տէր մեր Յիսուս Քրիս-
տոս : Տէր և Հոգիդ սուրբ
որ ՚ի փառս Աստուած ընդ
Հօր . ամէն :

Եւ յամենայն ժամ օրհնեմք
զքեզ, և գովեմք զանուն
սուրբ քո յաւիտեան և յա-
ւիտեանս յաւիտենից : Ար-
ժանի՛ արա Տէր զօրս զայս
խաղաղութեամբ, և առանց
մեղաց պահեա՛ զմեզ : Օրհ-
նեալ ես Տէր Աստուած
հարցն մերոց, գովեալ և
փառաւորեալէ անուն սուրբ
քո յաւիտեանս . ամէն :

Օրհնեալ Տէր ուսո՛ ինձ
զարդարութիւնս քո . օրհ-
նեալ Տէր ուսո՛ ինձ զար-
դարութիւնս քո . օրհնեալ
Տէր ուսո՛ ինձ զարդարու-

Թիւնս քո : Տէ՛ր ապաւէն
 եղեր մեր ազգէ յազգ : Ես
 աղաչեմ Տէ՛ր ողորմեա՛ ինձ ,
 և բժշկեա՛ զանձն իմ , ես
 մեղայ քեզ : Յո՛յց մեզ Տէ՛ր
 զողորմութիւնս քո , և ըզ-
 փրկութիւնս քո տո՛ւր մեզ :
 Տէ՛ր ողորմութիւն քո յա-
 լիտեան , զգործս ձեռաց
 քոց մի անտես առներ : Տէ՛ր
 իմ զքեզ ապաւէն ինձ ա-
 բարի ուսո՛ ինձ առնել ըզ-
 կամս քո զի դու ես Աստ-
 ուած իմ :

Ի քէն է Տէ՛ր աղբիւր կեն-
 զանութեան , և լուսով ե-
 րեսաց քոց տեսանեմք ըզ-
 լոյս : Ծագեա՛ զողորմու-
 թիւնս քո՛ որք ճանաչեն
 զքեզ Տէ՛ր :



Կայնայ զձեռն Յիսուսի
գտնակոճեցին:



ԱՂՕԹԻՔ

Ա Պ Ա Շ Խ Ա Ր Ո Ւ Թ Ե Ա Ն

Ողորմեա ինձ Սասուած ըստ
մեծի ողորմութեան քում,
ըստ բաղում գթութեան
քում քաւեա զանօրէնու
թիւնս իմ:

Սաաւել լուս զիս յանօրէ-
նութենէ իմիէ, և ՚ի մեղաց
իմոց սուրբ արա զիս:

Զանօրէնութիւնս իմ ես ին-
ձէն գիտեմ, և մեղք իմ ա-
ռաջի իմ են յամենայն ժամ:
Քեզ միայն մեղաց Տէր, և
չար առաջի քո արարի:

Որպէս արդար եղիցիս ՚ի

բանս քո , և յաղթող 'ի
դատել դաս :

Անօրէնութեամբ յղացաւ ,
և 'ի մեղս ծնաւ զիս մայր
իմ :

Դու Տէր զճշմարտութիւն
սիրեցեր . զանյայտս և ըզ
ծածկեալս իմաստութեամբ
քով յայտնեցեր ինձ :

Յօղեա յիս մշտկաւ , և սուրբ
եղէց . լուա , և քան զձիւն
սպիտակ եղէց :

Լսելի արա ինձ զցնծութիւն
և զուրախութիւն , և ցըն-
ծասցեն ոսկերք իմ տառա-
պեալք :

Դարձո զերեսս քո 'ի մեղաց
իմոց , և զամենայն անօրէ-
նութիւնս իմ քաւեա յինէն :

Սիրտ սուրբ հաստատեալ

յիս Աստուած , և հոգի ու-
զիզ նորոգեա 'ի փօրի ի-
մում :


Մի' ընկենուր զիս Տէր յե-
րեսաց քոց . և զհոգի քո
սուրբ մի հաներ յինէն :

Տուր ինձ ցնծութիւն փըր-
կութեան քոյ , և հոգւով
պետութեան քոյ հաստա-
տեա զիս :

Ուսուցից անօրինաց զճա-
նապարհս քո . և ամբա-
րիշտք առ քեզ դարձցին :
Փրկեա զիս յարենէ Աստ-
ուած՝ Աստուած փրկու-
թեան իմոյ . ցնծասցէ լե-
զու իմ յարդարութեան
քում :

Տէր եթէ զըրթունս իմ բա-
նաս , բերան իմ երգեսցէ

զօրհնութիւնս քո :
 Թէ կամեցեալ էիր , պա-
 տարագս մատուցանէաք .
 բայց դու ընդողակէզս
 իսկ ոչ հաճեցար :
 Պատարագ Աստուծոյ հո-
 գի խոնարհ . զսիրտ սուրբ
 և զհոգի խոնարհ Աստուած
 ոչ արհամարհէ :
 Բարի արա Տէր կամօք քովք
 Սիօնի . և շինեսցին պա-
 րիսպքն Երուսաղեմի :
 Յայնժամ հաճեսցիս ընդ
 պատարագս արդարութ-
 եան . յորժամ ուխտից պա-
 տարագս հանցեն ՚ի սեղան
 քո զուարակս :



Մերկացողիև զևս 'ի հանդերձից ,
 ևս արկիև շնդ ևնս քղամխտ կարմիր :

ԱՂՕԹՓ

ՄԱՆԱՍԷԻ ԹԱԳԱՒՈՐԻՆ

Տէր ամենակալ Աստուած
 Աբրահամու՝ իսահակայ Յա-
 կոբայ և զաւակի նոցա ար-
 դարոց . ամենակալ Տէր՝
 Թող զմեզս իմ :

Որ արարեր զերկինս՝ և զեր-
 կեր , և զամենայն զարդ նո-
 ցա . ամենակալ :

Որ կապեցեր զծով բանիւ
 հրամանի քո . փակեցեր ըզ-
 խորս , կնքեցեր ահաւոր
 և փառաւորեալ անուամբ
 քով . ամենակալ :

Որ ամենայն ինչ սարսի և

դողայ յերեսաց ահի զօրու-
թեան քո . ամենակալ :

Անբաւ է մեծ վայելչու-
թիւն փառաց սրբութեան
քո , սաստիկ է բարկութիւն
սպառնալեաց քոց 'ի վերայ
մեղաւորաց . անչափ և ան-
քըննին են սղորմութիւնք ա-
ւետեաց քոց . ամենակալ :

Դու տէր բարձրեալ՝ գթած ,
երկայնամիտ , բազումսղորմ .
և զղջանաս 'ի վերայ չարեաց
մտորդկան . ամենակալ :

Դու Աստուած՝ ոչ եղեր ա-
պաշխարութիւն վասն ար-
դարոցն՝ Աբրահամու իսա-
հակայ և Յակոբայ , որք ոչ
մեղան քեզ . ամենակալ :

Այլ եղեր ապաշխարու-
թիւն վասն իմ՝ մեղաւորիս .

զի մեղայ աւելի քան զա-
ւազ ծովու , և բազմացան
անօրէնութիւնք իմ . ամե :
Չեմ արժանի հայիլ՝ և տե-
սանել զբարձրութիւնս երկ-
նից , 'ի բազմութենէ անօ-
րէնութեան իմոյ . ամենա :
կորացեալ եմ ես 'ի բռնու-
թենէ կապանաց երկաթից ,
և ոչ գոյ ինձ հանդիստ . ա :
Բարկացուցի զսրամտու-
թիւն , և զչար առաջի քո
արարի . կանգնեցի պատ-
կեր՝ և բազմացուցի զցա-
սումն անձին իմոյ . ամե :
Եւ արդ Տէր՝ խոնարհեցու-
ցանեմ՝ զծունր սրտի իմոյ ,
և հայցեմ 'ի քաղցրութե-
նէ քումմէ . ամենա :

Մեղայ Տէր մեղայ . և զա-

նօրէնութիւնս իմ ես ինձէն
դիտեմ. ամենակալ :

Աղաչեմ և խնդրեմ 'ի քէն՝
թող ինձ Տէր, թող ինձ,
և մի՛ կորուսաներ զիս ըստ
անօրէնութեան իմոյ . ամե :
Մի՛ յաւիտեան բարկանար
ինձ Տէր . և մի՛ յիշեր զչա-
րիան իմ . և մի՛ պարտաւո-
րեր զիս ընդ իջեալսն 'ի ներ-
քոյ երկրի չարեօք . ամե :
Զի դու Աստուած՝ Աստ-
ուած ապաշխարողաց ես,
և յիս ցոյց զբարերարու-
թիւնդ քո . որ անարժան
եմ. ամենակալ :

Կեցուսցես զիս ըստ բա-
զում ողորմութեան քում՝
և ես օրհնեցից զքեզ զա-
մենայն աւուրս կենաց ի-

մոց . ամենակալ :

Զքեզ Տէր՝ օրհնեն ամե-
նայն զուարթունք երկնից .
և քո են փառք յաւիտեա-
նքս . ամէն :

Փառք Հօր և Որդւոյ և Հոգ-
ւոյն սրբոյ : Այժմ՝ և միշտ
և յաւիտեանս յաւիտե :
Աղաչեմ և խնդրեմ 'ի քէն
Տէր, թող ինձ զմեղս իմ :
Բազում ողորմ՝ Տէր, ողոր-
մեա ինձ :

Աստուած՝ քաւես զիս ըզ-
մեղաւորս 'ի մեղաց և կեցո :
Աստուած՝ գթա յիս 'ի մե-
ղուցեալ ծառայս, և ողոր-
մեա ինձ բազմամեղիս :
Ամենօրհնեալ սրբուհի՛ եւ
միշտ կոյս Աստուածածին
Մարիամ . բարեխօսեա առ

Տէր վասն մեր :

Ամենայն սուրբք Աստուծոյ՝
բարեխօսեցէք առ Հայր 'ի
յերկինս վասն մեր մեղաւո-
րացս :

Քրիստոս որդի Աստուծոյ
անոխակալ, ընկալ զաղա-
չանս մեր. զի 'ի քեզ են ա-
պաւինեալ անձինք մեր :

Յաղթող զօրութեամբ սուրբ
և կենդանարար և պատուա-
կան իձաչիքս Տէր՝ պահ-
պանեա զմեզ :

Առաքեա Տէր զհրեշտակ
խաղաղութեան քո. որ ե-
կեալ պահեսցէ զմեզ անխը-
ռովս 'ի տուէ և 'ի գիշերի :
Եւ մարդատիրութեամբ քով
յիշեա զմեզ Տէր՝ յիշեա
զմեզ, յորժամ գաս արքա :

յութեամբ քով, և ողորմեա
մեզ :

Ք Ա Ր Ո Չ

Եկեալքս 'ի խոստովանու-
թիւն ապաշխարութեան՝
հաւատով զյոյս միածնի
որդւոյն Աստուծոյ զիցուք
'ի սիրտս մեր. խնդրելով 'ի
նմանէ զքաւութիւն և ըզ-
թողութիւն յանցանաց մե-
րոյ :

Վասն զինա ինքն է նախախ-
նամոզն Աստուած յաւիտե-
նական. որ եկն կամաւ Հօր
'ի փրկել զարարածս. և ա-
սաց՝ զինքն լինել քաւիչ մե-
ղաւորաց, յոյս ապաշխա-
րողաց. շնորհելով զհան-

գիտատ աշխատելոց . ընդունելով զծանրաբեռնեալքս և զտաժանեալքս մեղօք յապաշխարութիւն քաւութեան : Արդ՝ եկայք ամենեքեան . խոնարհեալ անձամբ՝ բեկեալ սրտիւք՝ անկցուք և լացցուք առաջի Տեառն արարչին մերոյ . զի անցուցէ 'ի մէնջ զցասումն պատուհասի յանցանաց մերոց բարերարութեամբն իւրով : Ամենակալ Տէր Աստուած մեր՝ կեցցի և ողորմեա :

Ա Ղ Օ Թ Ք

Տէր Աստուած փրկութեան մերոյ՝ որ ողորմածդ ես և զգթած՝ երկայնամիտ բազու-

մուղորմ և զղջանաս 'ի վերայ չարեաց մարդկան . որ ոչ կամիս զմահ մեղաւորին . այլ՝ զդառնալ նորա 'ի չար ճանապարհէն եւ զկեալն : Դու Տէր՝ առատ ողորմութեամբ քով մխիթարեա ըզժառայս քո . և տուր սոցատեղի ապաշխարութեան : Հաշտեա մարդասիրութեամբ քով . և արա զսոսա անդամն եկեղեցւոյ քում սրբոյ : Որպէս զի առողջացեալք հոգւով՝ խոստովանութեամբ և ապաշխարութեամբ մտցեն յեկեղեցի քո սուրբ :

Եւ ընդ ժողովրդեան քում քեզ հանցեն զօրհնութիւն և զփառս Հօր և որդւոյ և Հոգւոյդ սրբոյ այժմ և

միշտ և յաւիտեանս յաւի-
տենից . ամէն :



ՇԱՐԱԿԱՆՔ ԱՊԱՇԽԱՐՈՒԹԵԱՆ

Հայր բազումողորմ խոստու-
վանիմ՝ առ քեզ որպէս զա-
նառակ որդին՝ թող ինձ ըզ-
մեզս իմ և ողորմեա :

Տէր որ գթացար ՚ի կիսն ֆա-
նանացի . գթա՛ և յիս ՚ի
մեղաւորս և ողորմեա :

Տէր որ դարձուցեր զմա ք-
սաւորն ՚ի գիտութիւն ճշ-
մարտութեան , դարձս եւ
զիս զմոյրեալս և ողորմեա :
Մեղայ Տէր և անկանիմ ա-

ռաջի քո . մեղայ ողորմեա :

Մեղայ Տէր բազումողորմ
Աստուած մեղայ ողորմեա :
Մեղայ Տէր խոստովանիմ
զյանցանս իմ . մեղայ ողոր :

Մեղաք մինչեւ յերկինս և
զարդար զցասումն քո շար-
ժեցաք ՚ի մեզ . Տէր ըստ
մեծի քում ողորմութեանդ
ողորմեա մեզ : Իջաք մինչ
ի դժոխս ընկղմեալք յա-
նօրէնութեան մերում . Տէր
յիշեա զգինս արեան Որդ-
ւոյ քոյ և ողորմեա : Հա-
լածեա ՚ի մէնջ Տէր նշանաւ
իաչի քո զընդդիմամարտ
և զաներեւոյթ գազանն , և
մի՛ տար յապականութիւն
զքո ժառանգութիւնս :

Մեզք իմ բազում են յոյժ
 ծանր են քան զաւազ ծո-
 վու . քանզի քեզ միայնոյ
 մեղայ ողորմեա ինձ Աստ-
 ուած : Բաց Տէր զդուռն
 ողորմութեան որ ողբալով
 կարդամ առ քեզ . քանզի
 քեզ մի : Հեղ յիս զգթու-
 թիւնդ քո բազում ողորմ' և
 մարդասէր . քանզի :

Ողորմեա ինձ Աստուած՝ զի
 քեզ միայնոյ մեղայ : Առա-
 ւել լուայ զիս 'ի տղմոյ յան-
 ցանաց աղբիւր բժշկու-
 թեան և ողորմեա : Յարե-
 նէ փրկեա զիս հոգւոց և
 մարմնոց ունիս իշխանու-
 թիւն և ողորմեա :

Մաքսաւորն հառաչանօք 'ի

տաճարին էառ զքաւու-
 թիւն . նովին ձայնիւն և
 ես գուչեմ ողորմեա ինձ
 Աստուած : Աւազակն ա-
 զաղակէր 'ի խաչին յիշեա
 զիս Տէր . նովին : Անառակ
 որդին աղերսանօք աղաչէր
 զքեզ՝ Հայր մեղայ յերկինս
 և առաջի քո . նովին ձայնի :
 Անկանիմառաջի քո և խընդ-
 բեմ զթողութիւն յանցա-
 նաց իմոց . մի անտես առ-
 ներ Հայր զաղաչանս իմ :
 Աղաղակեմ որպէս մաքսա-
 ւորն և հեղում զարտասուս
 իմ առաջի քո որպէս պոռ-
 նիկն . մի անտես : Յանե-
 բեւոյթ թշնամւոյն պար-
 տեցայ՝ և 'ի գաղտնի նե-
 տից բանսարկուին վիրաւո-

ըեցայ . մի' անտես առներ
Հայր զաղաչանս իմ :

Ալիք յանցանաց զիս ալէ-
կոծեն և մեղք իմ բազում
զիս յանդիմանեն : Արդ-
զինչ արարից մեղուցեալ
անձամբս . որ չեմ ապրելոց
յահագին հրոյն : Մեղայ
քեզ Քրիստոս Որդի Աստու-
ծոյ . շնորհեա զթողութիւն
բազում յանցանաց իմոց :





Հայր , անցո քաժակս գայս յիևև ,
 ոչ եև իմ կամք , այլ բոյո յիցի :

ԱՂՕԹԻՔ

ՀԱՆԳՍՏԵԱՆ ԺԱՄՈՒՆ

ՅԱՆՈՒՆ ՀՕՐ ԵՒ ՈՐԴԻՌՅ ԵՒ
 ՀՈԳԻՌՅՆ ՍՐԲՈՅ ԱՄԷՆ

Հայր մեր որ յերկինս :

Առաքեա՛ Տէր զլոյս քո և
 զճշմարտութիւն քո , զի ա-
 ռաջնորդեացեն ինձ և հան-
 ցեն զիս ՚ի լեառն սուրբ և
 ՚ի յարկս քո :

Մտից առաջի սեղանոյ Աս-
 տուծոյ առ Աստուած , որ
 ուրախ առնէ զմանկութիւն
 իմ :

խոստովան եղէց քեզ օրհնութեամբ Աստուած Աստուած իմ :

Արդ ընդէր տրտում ես անձն իմ . կամ ընդէր խռովես զիս . յուսա առ Աստուած , խոստովանեանմա՛ փրկիչ երեսաց իմոց Աստուած է :

Փառք Հօր և Որդւոյ և :
Եւ եւս խաղաղութեան ըղՏէր ալա :

Օրհնութիւն և փառք Հօր և Որդւոյ և Հոգ :

Եկեսցէ ՚ի վերայ իմ ողորմութիւն քո Տէր , և փրկութիւն քո ըստ բանի քում :

Տաց պատասխանի ոյք նախատեն զիս բանիւք , զի ես

ի բանս քո յուսացայ :
Մի՛ ՚ի բացեայ առնէր ՚ի բերանոյ իմմէ զբան ճշմարտութեան մինչեւ յոյժ , զի յիրաւունս քո յուսացայ :

Պահեցի զօրէնս քո յամենայն ժամ , յաւիտեան և յաւիտեանս յաւիտենից :
Գնայի ես յանդորրու , զի զպատուիրանս քո խընդրեցի :

Խօսէի զվկայութիւնս քո առաջի թագաւորաց , եւ ոչ ամաչէի :

Խորհէի ՚ի պատուիրանս քո , զոր սիրեցի :

Համբարձի զձեռս իմ ՚ի պատուիրանս քո , զոր սիրեցի . եւ խորհէի յարդա-

բութեան քում :

Յիշեա՛ զբանն ծառայի քո՛ ,
յոր եւ յուսացուցեր զիս :
Սա մխիթարեցէ զիս ՚ի խո-
նարհութեան իմում , զի
բան քո կեցոյց զիս :

Ամբարտաւանք անիրաւե-
ցան յիս յոյժ , այլ յորի-
նաց քոց ես ոչ խոտորեցայ :
Յիշեցի զիրաւունս քո յաւի-
տենից Տէր , և մխիթարեցայ :
Տրտմութիւն կալաւ զիս ՚ի
մեղաւորաց , և ոյք թողին
զօրէնս քո :

Գողելի են ինձ իրաւունք
քո ՚ի տեղոջ պանդխտու-
թեան իմոյ :

Յիշեցի ՚ի գիշերի զանուն
քո Տէր , և պահեցի զօրէնս
քո :

Սա եղեւ ինձ ճանապարհ ՚ի
կեանս , զի զարդարութիւ-
նքս քո խնդրեցի :
Չանօրէնս ատեցի , և զօրէ-
նքս քո սիրեցի :
Օգնական և փրկիչ իմ ես
դու , և ես ՚ի բանս քո յու-
սացայ :

Ի բաց եղերուք յինէն չարք ,
և քննեցից զպատուիրանս
Աստուծոյ իմոյ :

Օգնեա ինձ ըստ բանի քում
և կեցո՛ զիս , և մի յամօթ
առներ զիս ՚ի յուսոյ իմմէ :
Օգնեա՛ ինձ և ապրեցո՛ զիս ,
և խոնարհեցայց յիրաւունս
քո յամենայն ժամ :

Անարգեցեր զամենեւեան՝
որք ապստամբ եղեն յար-
դարութեանց քոց , զի ա-

նիրաւութեամբք էին խոր-
հուրդք նոցա :

Յանցաւորս համարեցայ զա-
մենայն մեղաւորս երկրի .
վասն այսորիկ սիրեցի ըզ-
պատուիրանս քո :

Բեւեռեա՛ ընդ երկիւղ քո
զմարմին իմ՛, զի ՚ի դատաս-
տանաց քոց երկեաց յոյժ :
Մերձեոցին խնդրուածք իմ
առաջի քո Տէր , ըստ բանի
քում՛ իմաստուն արա զիս :
Մտցեն աղօթք իմ՛ առաջի
քո Տէր , և բանիւ քո փըր-
կեա զիս :

Բղխեսցեն շրթունք իմ՛ զօրհ-
նութիւնս քո , յորժամ ու-
սուսցես ինձ զարդարութիւ-
նըս քո :

Խօսեսցի լեզու իմ՛ զբանս քո ,

զի ամենայն պատուիրանք
քո արդարութեամբ են :
Եղիցի ձեռն քո ՚ի կեցու-
ցանեւ զիս , զի զպատուի-
րանս քո ընտրեցի :

Յանկացայ փրկութեան քում
Տէր , և օրէնք քո խօսք իմ՛
էին :

Կեցցէ անձն իմ՛ , օրհնեսցէ
զքեզ , և իրաւունք քո օգ-
նեսցեն ինձ :

Մոլորեցայ ես որպէս զոչ-
խար կորուսեալ , խնդրեա
զժառայս քո , զի զպատուի-
րանս քո ես ոչ մոռացայ :
Մի՛ եկեսցեն ՚ի վերայ մեր
ոտք ամբարտաւանից , և
ձեռք մեղաւորաց մի դողա-
ցուսցեն զմեզ :

Սնդ անկցին ամենքեան

ոյք գործեն զանօրէնու-
թիւն . մերժեսցին և այլ մի
կարասցեն հաստատիլ :

Էս 'ի տէր յուսացայ , ցըն-
ծացայց և ուրախ եղէց յԱս-
տուած փրկիչ իմ :

Տէր Տէր ետ ինձ զօրու-
թիւն և կացոյց զոտս իմ 'ի
հաստատութեան , 'ի վերայ
պարանոցի թշնամւոյն կա-
ցոյց զիս , և հանգոյց զիս
երազ երազ :

Որ բնակեալն է յօգնու-
թիւն բարձրելոյն , ընդ հո-
վանեաւ Աստուծոյ յերկինս
հանգիցէ :

Ասացէ Տեառն ընդունող
իմ ես , ապաւէն իմ Աս-
տուած և ես յուսամ 'ի նա :

Նա փրկեսցէ զիս յորողայ :

Թէ որսողին , և 'ի բանիցն
'ի խռովութենէ :

Ի թիկնամէջս իւր ընկալցի
զքեզ , 'ի հովանի թեւոց
նորա յուսացիս :

Որպէս զէն շուրջ եղիցի ըզ-
քեւ՝ ճշմարտութիւն նորա :
Ոչ երկիցես դու յերկիւզէ
դիշերի , եւ ոչ 'ի նետէ որ
թռչի 'ի տուէ :

Յիրէ որ չըջի 'ի խաւարի ,
'ի գայթակղութենէ դիւին
'ի հասարակ աւուր :

Անկցին 'ի կողմանէ քումմէ
հազարք , և բիւրք ընդ աջ-
մէ քումմէ , և առ քեզ ինչ
ոչ մերձեսցին :

Բայց միայն աչօք քովք հա-
յեսցիս դու , և զհատու-
ցումն մեղաւորաց տեսցես ,

զի դու տէր յոյս իմ ես :
 Զբարձրեալն արարերք քեզ
 ապաւէն , զի ոչ հասցեն
 առ քեզ չարք , և տանջանք
 մի մերձեցցին 'ի յարկս քո :
 Հրեշտակաց իւրոց պատ-
 ուիրեալ է վասն քո , 'ի պա-
 հել զքեզ յամենայն ճանա-
 պարհս քո :

Ի բազումս իւրեանց ընկալ-
 ցին զքեզ , զի մի՛ երբէք
 հարցես զքարի զոտն քո :
 Ի վերայ իժից եւ քարբից
 գնասցես դու , և առ ոտն
 կօխեսցես զառիւծն եւ ըզ-
 վիշապն :

Քանզի յիս յուսացաւ , եւ
 փրկեցից զնա . հովանի ե-
 շէց նմա . զի ծանեաւ զա-
 նուն իմ :

կարգասցէ առ իս՝ և ես
 լուայց նմա , և առ նմա
 եղէց 'ի նեղութեան :

Փրկեցից և փառաւոր արա-
 րից զնա , երկայն առուրք
 լցուցից և ցուցից նմա ըզ-
 փրկութիւն իմ :

Առ քեզ Տէր համբարձի զա-
 չըս իմ , որ բնակեալդ ես 'ի
 յերկինս :

Որպէս աչք ծառայի 'ի ձե-
 ուրն տեառն իւրոյ , և որ-
 պէս աչք աղախնոյ 'ի ձեռն
 տիկնոջ իւրոյ :

Այնպէս են աչք մեր առ
 քեզ Տէր Աստուած մեր ,
 մինչեւ ողորմեսցիս 'ի վերայ
 մեր :

Ողորմեա՛ մեզ Տէր ողորմեա
 մեզ , զի բազում լցաք ար-

Համարհանօք :

Եւս առաւել լցան անձինք
մեր նախատանօք , որք նա-
խատէին զմեզ և արհամար-
հանօք ամբարտաւանից :

Աստուած յանուան քում
կեցո զիս , և 'ի զօրութեան
քում իրաւ արա ինձ :

Աստուած լըր աղօթից ի-
մոց , ունկնդիր բանից բե-
րանոյ իմոյ :

Օտարք յարեան 'ի վերայ իմ'
և հզօրք խնդրեցին զանձն
իմ , և ոչ համարեցան զքեզ
Աստուած առաջի իւրեանց :

Ահա Աստուած օգնական
իմ , և Տէր ընդունող հոգ-
ւոյ իմոյ :

Ի դարձուցանել զչարն 'ի
թշնամիս իմ , ճշմարտու-

թեամբ քով սատակեա' ըզ-
նոսա :

Ես կամօք իմովք պատա-
րագս մատուցից քեզ , եւ
խոստովան եղէց անուան
քում Տէր , զի բարի է :

Յամենայն նեղութենէ իմ-
մէ փրկեցեր զիս , եւ 'ի
թշնամիս իմ' ետես ակն իմ :

Օրհնեալ ես դու Տէր Աստ-
ուած հարցն մերոց , գով-
եալ և առաւել բարձրաց-
եալ յաւիտեան :

Եւ օրհնեալ է անուն սուրբ
փառաց քոց , գովեալ և ա-
ռաւել բարձրացեալ յա :

Օրհնեալ ես 'ի տաճարի
փառաց սրբութեան քո ,
գովեալ և առաւել բարձ :

Օրհնեալ ես 'ի վերայ ա-

Թողոյ արքայութեան քո ,
գովեալ և առաւել բարձ :

Օրհնեալ ես որ նստիս 'ի
քրովբէս և հայիս յանդուն-
դքս , գովեալ և առա :

Օրհնեալ ես 'ի վերայ հաս-
տատութեան երկնից . գով-
եալ և առա :

Օրհնեցէք զԱստուած 'ի
սրբութեան նորա , օրհնե-
ցէք զնա 'ի հաստատութեան
'ի զօրութեան նորա :

Օրհնեցէք զնա 'ի զօրու-
թեան նորա , օրհնեցէք
զնա 'ի բազում մեծութեան
նորա :

Օրհնեցէք զնա 'ի ձայն օրհ-
նութեան , օրհնեցէք զնա
սաղմոսիւք և օրհնութեամբ :

Օրհնեցէք զնա ցնծու :

Թեամբ , գովեցէք զնա ու-
րախութեամբ :

Օրհնեցէք զնա 'ի բանս
բաղցր , գովեցէք զնա 'ի
բարբառ լսելի :

Օրհնեցէք զնա 'ի ձայն գո-
հութեան , ամենայն հոգիք
օրհնեցէք զՏէր :

Արդ արձակեալ զճառայս
քո Տէր ըստ բանի քում 'ի
խաղաղութիւն , զի տեսին
աչք իմ՝ զփրկութիւն քո
զոր պատրաստեցեր առաջի
ամենայն ժողովրդոց :

Լոյս յայտնեցար հեթանո-
սաց , և փառք ժողովրդ-
դեան քում իսրայելի :

Ձգեցեր զձեռն քո՝ և փրկ-
կեաց զիս աջ քո , և Տէր
հատուցէ ընդ իմ :

Տէր ողորմութիւն քո յա-
ւիտեան , զգործս ձեռաց
քոց մի անտես առներ :

Տէր հան 'ի բանտէ զանձն
իմ , գոհանամ զանուանէ
քու մէ :

Եւ քեզ սպասեն արդարք՝
մինչեւ հատուցես :

Մեծացուցէ անձն իմ ըզ-
Տէր , և ցնծացէ հոգի իմ
Ստուծով փրկչաւ իմով :

Այց արար 'ի վերայ խոնար-
հութեան աղախնոյ իւրոյ ,
այսուհետեւ երանիցեն ինձ
ամենայն ազգք :

Սրար ընդ իս մեծամեծս
հզօրն , և սուրբ է անուն
նորա :

Ողորմութիւն արար ազգաց
յազգս երկիւղածաց իւրոց :

արար զօրութիւն բազկաւ
իւրով :

Յրուեաց զամբարտաւանս 'ի
մտաց սրտից , և քակեաց
զհզօրս յաթոռոց :

Զխոնարհս բարձրացոյց՝ ըզ-
կարօտս ելից բարութեամբ ,
և զմեծատունս արձակեաց
ունայնս :

Պաշտպանեաց իսրայելի ծա-
ռայի իւրոյ , յիշելով զո-
ղորմութիւն իւր :

Որպէս խօսեցաւ առ հարսն
մեր՝ ընդ Սբրահամու եւ
զաւակի նորա յաւիտեան :

Տ՛ուր զօրութիւն ծառայի
քո , կեցո՛ զորդի աղախնոյ
քո , և արա՛ առ իս նշան
բարութեան :

Տեսցեն ատելիք իմ և ամա-

չեսցեն, զի դու Տէր օգնեցեր ինձ և մխիթարեցեր զիս :
Փառք Հօր և Որդւոյ և :



ՄԱՂԹԱՆՔ

Անձն իմ 'ի ձեռս քո է յամենայն ժամ, եւ 'ի սուրբ խաչ քո յուսացեալ եմ թագաւոր երկնաւոր, զբազ-

մութիւն սրբոց քոց բարեխօս ունիմ առ քեզ :
Որ երկայնամիտդ ես առ ամենեսեան . մի անտես առներ զապաւինեալս 'ի քեզ, այլ պահեան պատուական և սուրբ խաչիւ քո 'ի խաղաղութեան :

Ք Ա Ր Ո Չ

Աղաչեսցուք զամենակալն Աստուած և խնդրեսցուք 'ի նմանէ, զի առաքեսցէ զհրեշտակ խաղաղութեան, որ եկեալ պահեսցէ զմեզ յերկիւղական դիշերիս, 'ի դիւական խռովութենէ, ամբողջ պահելով զհօգի և զմարմին մեր՝ մինչեւ 'ի կա-

տարումն ժամանակի ամաց
մերոց : Ամենակալ Տէր Աս-
տուած մեր կեցո՞ւ և ողոր-
մեա՛ : կեցո՞ւ Տէր :

Զհանգիստ գիշերիս խաղա-
ղութեամբ անցուցանել հա-
ւատով 'ի Տեառնէ խնդրես-
ցուք : Շնորհեա Տէր :

Զհրեշտակ խաղաղութեան
պահապան անձանց մերոց 'ի
Տեառնէ խնդրեսցուք :

Զքաւութիւն և զթողու-
թիւն յանցանաց մերոց 'ի
Տեառնէ խնդրեսցուք :

Զսրբոյ խաչին մեծ և կա-
րող զօրութիւն յօգնու-
թիւն անձանց մերոց 'ի
Տեառնէ խնդրեսցուք :

Եւ եւս միաբան վասն ճրչ-
մարիտ և Սուրբ հաւատոյս

մերոյ զՏէր աղաչեսցուք :
Տէր ողորմեա :

Զանձինս մեր և զմիմեանս
տեառն Աստուծոյ ամենա-
կալին յանձն արատոյցուք :
Քեզ Տեառնդ յանձն եղի-
ցուք :

Ողորմեաց մեզ Տէր Աստ-
ուած մեր՝ ըստ մեծի ողոր-
մութեան քում. ասացուք
ամենեքեան միաբանութ-
եամբ :

Տէր ողորմեա՛. Տէր ողոր-
մեա՛. Տէր ողորմեա՛ :



Ա Ղ Օ Թ Ք

Տէր Աստուած մեր՝ դու պահեա՛ զմեզ խաղաղութեամբ ՚ի գիշերիս յայսմիկ եւ յամենայն ժամանակի : Ընդ սուրբ երկիւղ քո բեւեռեալ պահեա՛ զմիտս եւ զխորհուրդս մեր : Որպէս զի յամենայն ժամ քեւ պահպանեալ լիցուք յորդգայթից թշնամոյն :

Եւ քեզ հանցուք զօրհնութիւն եւ զփառս Հօր եւ Որդւոյ եւ Հոգւոյն սրբոյ . այժմ՝ եւ միշտ եւ յաւիտեանս յաւիտենից ամէն :

Խաղաղութիւն ամենեցուն

Հրեշտակի խաղաղութեան

յանձն արա զանձինս մեր զօրութեանց , որ եկեալ պահեսցէ զմեզ անխռովս ՚ի տուէ եւ ՚ի գիշերի , յարթնութեան եւ ՚ի հանգստեան մերում . զի դու ես արարիչ լուսոյ , եւ հաստիչ գիշերի : Եւ այժմ՝ աղաչեմք զքեզ Տէր Աստուած մեր , զհանգիստ գիշերիս շնորհեա խաղաղութեամբ անցուցանել . եւ հասանիլ ՚ի պաշտօն առաւօտու յերկրպագութիւն եւ ՚ի փառաբանութիւն ամենասուրբ երրորդութեանդ , այժմ՝ եւ միշտ եւ յաւիտեանս յաւիտենից . ամէն :

ՍԱՂՄՈՍ Դ.

Խաղաղութեամբ յայս և 'ի սոյն ննջեսցուք և զարթիցուք . զի դու Տէր միայն առանձին յուսով քո բնակեսցեր զմեզ :

Ի կարգալ իմում լուար ինձ Աստուած ըստ արդարութեան . 'ի նեղութենէ ինձ անդորր արարեր . ողորմեա ինձ և լուր ազօթից իմոց :

Որդիք մարդկան մինչեւ յերբ էք խստասիրտք , ընդէր սիրէք զնանրութիւն , և խնդրէք զստութիւն :

Ծաներովք զի սքանչելիս արար Տէր սրբոյ իւրում , և Տէր լուիցէ ինձ 'ի կար-

դալ իմում առ նա :

Բարկանայք՝ և մի մեղանչէք զոր ինչ ասէք 'ի սիրտըս ձեր՝ յանկողինս ձեր զղջացարուք :

Մատուցէք պատարագս արդարութեան և յուսացարուք 'ի Տէր :

Բազումք ասէին , թէ ոչուցցէ մեզ զբարութիւն Տեառն , նշանեցաւ առ մեզ լոյս երեսաց քոց , և ետուր ուրախութիւն սրտից մերոց :

Ի պտղոյ ցորենոյ գինւոյ և ձիթոյ իւրեանց լցուցեր ըզնոսա :

Խաղաղութեամբ յայս եւ 'ի սոյն ննջեսցուք և զարթիցուք , զի դու Տէր մի-

այն առանձին յուսով քով
բնակեցուցեր զմեզ :

Ալէլուիա Օրթի :
Խաղաղութիւն ամենեցուն :
Եւ ընդ հոգւոյդ քում :
Երկիւղածութեամբ լուա-
րուք :

Սրբոյ Աւետարանիս՝ որ ըստ
Յովհաննու :

Փառք քեզ Տէր Աստուած
մեր :

Պաօսխումէ :
Ասէ Աստուած :



Տէրն մեր Յիսուս Քրիստոս
ասէ :

Ամէն ամէն ասեմ ձեզ. ե-
թէ ոչ հատն ցորենոյ անկ-
եալ յերկիր մեռանիցի,
ինքն միայն կեայ. ապա ե-
թէ մեռանիցի՝ բազում ար-
դիւնս առնէ : Որ սիրէ զան-

ձըն իւր՝ արձակէ զնա . և որ ատեայ զանձն իւր յաշխարհիս, յայսմիկ, ՚ի կեանսն յաւիտենականս պահեացէ զնա : Եթէ ոք զիս պաշտիցէ, զկնի իմ եկեացէ . և ուր ենն եմ, անդ և պատօնեայն իմ եղիցի . եթէ ոք զիս պաշտիցէ, պատուեացէ զնա Հայրն իմ :



Փառք բեզ Տէր Աստուած մեր :

Սուրբ Խաչիւս աղաչեսցուք զՏէր, զի սովաւ փրկեսցէ :

զմեզ ՚ի մեղաց՝ և կեցուցէ շնորհիւ ողորմութեան իւրոյ : Ամենակալ Տէր Աստուած մեր . կեցո՛ւ և ողորմեա : Պահպանեա զմեզ Գրիստոս Աստուած մեր՝ ընդ հովանեաւ սուրբ և պատուական Խաչիւդ քով ՚ի Խաղաղութեան, փրկեա՛ յերեւելի եւ յաներեւոյթ թշնամւոյն : Արժանաւորեա դոհութեամբ փառաւորել ըզբեզ ընդ Հօր և ընդ սուրբ Հօգւոյդ, այժմ և միշտ :

Օրհնեալ Տէր մեր Յիսուս Գրիստոս . ամէն :

Հայր մեր որ յերկինս :

Անկանիմք առաջի քո սուրբ Աստուածածին և աղաչեմք :

զանարատ զկոյսդ, բարե-
խօսեա՛ վասն անձանց մե-
րոց, և աղաչեա զմիածին
Որդիդ, փրկել զմեզ ՚ի
փորձութենէ և յամենայն
վտանգից մերոց:



Մաղթանք զօրաւորք՝ արհաւ-
րաց զիշերայնոյ, ասացեալ սըր-
բոյն Գրիգորի նարեկացւոյ: ԺԲ:

Ընկալ քաղցրութեամբ Տէր
Աստուած հզօր զդառնացու-
ղիս զաղաչանս. մատիր գը-
թութեամբ առ պատկառ-
եալս դիմօք, փարատեա՛ ա-
մենապարգեւ զամօթական
տխրութիւնս. բարձ յինէն
ողորմած՝ զանբերելի ծան-
րութիւնս. անջրպետեա՛ հը-
նարաւոր՝ զմահացու կրք-
թութիւնս. աւարեա՛ միշտ
յաղթող՝ զխաբողին հա-
ճութիւնս. բացաղբեա
վերնային՝ զմոլերոյն մառա-
խուղ. կնքեա՛ կեցուցիչ՝ ըզ-
կորուսչին ընթացմունս.
Երուեա՛ ծածկատես՝ զըմ-

բըռնողին չար գամունս .
խորտակեա՛ն անքննին՝ զմար-
տողին գիմեցմունս : Տեառ-
նադրեա քո անուամբդ ըզ-
լուսա՛ցոյց երդ յարկիս .
պարփակեա՛ քո ձեռամբդ
զառաստաղ տաճարիս . գը-
ծագրեա՛ քո արեամբդ ըզ-
մուտ սեմոց սենեկիս . կեր-
պացո՛ զքո նշանդ՝ ՚ի հետս
ելից մաղթողիս . ամրացո՛ քո
աջովդ զհանգստեանս խըչ-
տի . մաքրեսցես ՚ի յաղբից
զծածկարան անկողնոյս . պա-
հեսցես քո կամօքդ զտա-
ռապեալ անձն ոգւոյս . ան-
խարդախ արասցես զքո շը-
նորհեալ շունչ մարմնոյս .
կացուսցես շրջափակ զպար-

թորուդ երկնայնոյ . կարդես-

ցես ՚ի դիմի ընդդէմ՝ դիւա-
ցըն դասու : Տուր հան-
գիստ բերկրութեան մահա-
հանգոյնս նիրհման ՚ի խո-
րութեան գիշերիս , բարե-
խօսութեամբ հայցուածոց
սրբոյ Աստուածածնիդ՝ եւ
ամենայն ընտրելոց : Ամիոփ-
եալ պարուրեա՛ զպատու-
հան տեսութեանց զգայա-
րանացս իմաստից անզար-
հուրելի զետեղմամբ՝ ՚ի
ծփական խռովութեանց ,
կենցաղական զբաղմանց ,
անըջական երազոց , խօլա-
կանաց ցնորից , յիշատա-
կաւ քո յուսոյդ անվնասե-
լի պաշտպանեալ : Եւ ըս-
թափեալ վերստին ՚ի նընջ-
մանէ ծանրութեան , ամե-

նազդաստ արթնութեամբ՝
հոգենորոզ իմաստութեամբ
'ի քեզ արձանացեալ, զայս
ձայն մաղթանաց՝ բուրմամբ
հաւատոց քեզ ամենօրհնեալ
թագաւոր փառաց անճա-
ռից փառափանոզաց երկնա-
գումար խմբից երգակցեալ՝
յերկինս առաքել: Չի դու՝
փառաւորեալ ես յամե-
նայն արարածոց յաւիտեա-
նըս յաւիտենից . ամէն :



Աղօթք նորին սրբոյն Գրիգորի
նարեկացւոյ : ԽԱ :

Որդի Աստուծոյ կենդան-
ւոյ օրհնեալ յամենայնի՝ Հօ-
րրդ ահաւորի անքննին ծր-

նսւնդ , որ տկարանայ առ
 'ի քէն և ոչինչ . որ 'ի ծա-
 գել անստուեր նշուլից ո-
 զորմութեան քո փառաց՝
 հալին մեղք , հալածին գեւք ,
 ջնջին յանցանք , խզին կա-
 պանք , խորտակին շղթայք ,
 կենդանածնին՝ մահացեալք ,
 բժշկին հարուածք , ողջա-
 նան վէրք , բառնին ապա-
 կանութիւնք , տեղի տան
 տխրութիւնք , նահանջին
 հեծութիւնք , փախնու խա-
 ւարն , մեկնի մէզն՝ , մերժի
 մառախուղն , փարատի մը-
 ուայլն , սպառի աղձամուղջն ,
 վերանայ՝ մութն , գնայ գի-
 շերն , տարագրի տագնապն ,
 չքանան չարիքն , հալածին
 յուսահատութիւնքն , եւ

թագաւորէ ձեռն քո ամե-
 նակար՝ քաւիչդ ամենայնի :
 Որ ոչ երբէք կորուսանես
 զմարդկան ոգիս՝ այլ կեցու-
 ցանես . թող ինձ զանթիւ
 չարիսն իմ բազում՝ ողորմու-
 թեամբդ : Ձի դու միայն ես
 յերկնի անճառ , և յերկրի
 անզննին , 'ի տարր գոյի , և
 յեզրս ծագաց աշխարհի ,
 սկիզբն ամենայնի և յամե-
 նայնի . ամենայն լրմամբ ,
 օրհնեալ 'ի բարձունս , և
 քեզ ընդ Հօր և Հոգւոյդ
 սրբոյ փառք յաւիտեանս .
 ամէն :





Աղօթք նորին սրբոյն Գր գորի
նարեկացւոյ : ԶԹ :

Աստուած և Տէր , կեանք
և արարիչ , ողորմած , զը-
թած , լոյս , երկայնամիտ ,

անոխակալ , [մարդասէր , ամենագութ , պարգեւատու ,
փրկիչ , օրհնեալ , գովեալ ,
բարեբանեալ : Դարան ամ-
բութեան , պատուպարան
վստահութեան առանց նեն-
գութեան բարի , առանց
խաւարի ճառագայթ , քա-
ւիչ մեղաց , ողջացուցիչ վի-
րաց , անհասանելեաց հը-
նարք , անմատչելեաց հպա-
ւոր , անյուսութեան ելք ,
անուն քո խոստովանեալ Աս-
տուծոյ որդի . և Հօր քո
ընդ քեզ հզօրի և ահաւորի ,
և Հոգւոյդ ամենակալի և
ընդ քեզ երկրպագելոյ՝
փառք և պաշտօն գոհա-
բանութեան յաւիտեանս .
ամէն :



Աղօթք նորին սրբոյն Գրիգորի
նարեկացւոյ : ՂԴ :

Աստուած յաւիտենական ,
բարերար եւ ամենակալ,
ստեղծիչ լուսոյ և յօրինիչ
գիշերոյ . կեանք 'ի մահու

և լոյս 'ի խաւարի . յոյս ակն
ունողաց եւ երկայնատու-
թիւն տարակուսելոց , որ
ամենարուեստ իմաստու-
թեամբ քո դարձուցանես
յայգ զստուերս՝ մահու , ան-
նուաղ ծագումն և անմուտ
արեգակն . քանզի ոչ զօրէ
ծածկել զվառս տէրութեան
քո խաւար գիշերոյ ,
որում կրկնի ծունր երկըր-
պագութեան ամենայն ե-
ղելոց՝ երկնաւորաց և երկ-
րաւորաց և սանդարամետա-
կանաց . որ լսես զհեծու-
թիւն կապելոց , և հայիս
յաղօթս խոնարհաց , և ըն-
դունիս զխնդրուածս նոցա .
Աստուած իմ՝ և թագաւոր
իմ , կեանք իմ և ապաւէն իմ :

յոյս իմ և վտահուծիւն իմ, Յիսուս Քրիստոս Աստուածդ ամենայնի, սուրբդ հանգուցեալ 'ի հոգիս սրբոց մխիթարութիւնն վշտաց և քաւարան մեղուցելոց, որ գիտես զամենայն յառաջ քան զլինել նոցա. առաքեա՛ զպահպանողական զօրութիւնն աջոյ քո, և փրկեա՛ զիս յերկիւղէ գիշերի և 'ի գիւէ չարէ, որպէս զի զյիշատակ սոսկալի և սուրբ քո անուանդ միշտ համբուրեալ շրթամբք հոգւոյ ըզձութեան շնչոյ, կեցից պահպանեալ ընդ այնոսիկ՝ որ կարդան գրեզ 'ի բոլոր սրտէ :

Եւ 'ի գրոշմէ Խաչի քոյոյ :

նշանիդ, զոր աստուածային արեամբ քո ներկեալ նորոգեցեր, և 'ի նոյն շնորհ որդեգրութեան զմեզ մկրտեցեր, և 'ի փառս պատկերի քո նկարեալ յօրինեցեր, այսու պարգեւօք աստուածականօք ամաչեսցէ սատանայ, քակտեսցին մեքենայքն, բարձցին որոգայթքն, պարտեսցին մարտուցեալքն, պակասեսցին զէնքն սայրասուրք, մերժեսցի մէգն, փարատեսցի խաւարն, մեկնեսցի մառախուղն : Բազուկ քո հովանացի, և աջ քո կնքեսցէ վասն զի գթած ես և ողորմած, և անուն քո կոչեցեալ է 'ի վերայ ծառայից քոց :

եւ քեզ ընդ Հօր հոգւովդ
սրբով՝ փառք և իշխանու-
թիւն յաւիտեանս յաւիտե-
նից . ամէն :



Աղօթք հարկաւոր իւրաքան-
չիւր անձանց հաւատացելոց
'ի Քրիստոս : Արարեալ սրբոյն
Ներսիսի Շնորհալոյ Հայոց
Կաթօղիկոսի :

Հաւատով խոստովանիմ
եւ երկիր պագանեմ՝ քեզ՝
Հայր և Որդի և սուրբ Հո-
գի, անեղ և անմահ բնու-

թիւն , արարիչ հրեշտակաց
և մարդկան և ամենայն ե-
ղելոց . ողորմեա քո արարա-
ծոց և ինձ բաղմամեղիս :
Հաւատով խոստովանիմ՝ և
երկիրպագանեմ՝ քեզ՝ ան-
բաժանելի լոյս , միասնական
սուրբ երրորդութիւն և մի
Աստուածութիւն , արարիչ
լուսոյ և հալածիչ խաւարի .
հալածեա 'ի հոգւոյ իմմէ
ղխաւար մեղաց և անդի-
տութեան , և լուսաւորեա
զմիտս իմ՝ 'ի ժամուս յայսմիկ
աղօթել քեզ 'ի հաճոյս , և
ընդունել 'ի քէն զինդ բուա-
ծըս իմ . և ողորմեա քո ա-
րարածոց և ինձ :

Հայր երկնաւոր Աստուած
ճշմարիտ որ առաքեցեր զոր-

դիզ քո սիրելի 'ի խնդիր մու-
լորեալ ոչխարին, մեղայ յեր-
կինս և առաջի քո . ընկալ
զիս որպէս զանառակ որդին,
և զգեցո ինձ զպատմութեանն
զառաջին՝ զոր մերկացայ
մեղօք . և ողորմեա քո ա :
Որդի Աստուծոյ Աստուած
ճշմարիտ՝ որ խոնարհեցար
'ի հայրական ծոցոյ՝ և առեր
մարմին 'ի սրբոյ կուսէն Մա-
րիամայ վասն մերոյ փրկու-
թեան, խաչեցար թաղեցար
և յարեար 'ի մեռելոց՝ և
համբարձար փառօք առ
Հայր, մեղայ յերկինս և ա-
ռաջի քո . յիշեա զիս որպէս
զաւազակն՝ յորժամ դաս
արքայութեամբ քով . և ո-
ղորմեա քո ա :

Հոգի Աստուծոյ Աստուած
ճշմարիտ՝ որ իջեր 'ի Յոր-
դանան և 'ի վերնատունն,
և լուսաւորեցէր զիս մկր-
տութեամբ սուրբ Աւաղա-
նին, մեղայ յերկինս և ա-
ռաջի քո . մաքրեա զիս վե-
րբստին Աստուածային հը-
րով քով՝ որպէս հրեղէն
լեզուօք սուրբ զԱռաքեալ-
սն . և ողորմեա քո ա :
Անեղ բնութիւն, մեղայ
քեզ մտօք իմովք . հոգւով
և մարմնով իմով . մի յիշեր
զմեզս իմ զառաջինս՝ վասն
անուանդ քում սրբոյ . և :
Տեսող ամենայնի, մեղայ
քեզ խորհրդով բանիւ եւ
գործով . շնչեա զձեռագիր
յանցանաց իմոց, և գրեա

զանուն իմ՝ ՚ի դպրութեան
կենաց . և ողոր :

Ֆննող գաղտնեաց , մեղայ
քեզ կամաւ և ակամայ , գի-
տութեամբ եւ անգիտու-
թեամբ . թողութիւն շնոր-
հեա մեղաւորիս , զի ՚ի ծը-
նընդենէ սուրբ Աւազանին
մինչեւ ցայսօր մեղուցեալ
եմ՝ առաջի Աստուածու-
թեանդ . քօ զգայարանօք ի-
մովք , և ամենայն անդամօք
մարմնոյս . և ողորմեա :

Ամենախնամ Տէր , գիր պա-
հապան աչաց իմոց զերկիւզ
քօ սուրբ՝ ոչ եւս հայիլ յա-
րատ , և ականջաց իմոց՝ ոչ
ախորժել լսել զբանս չարու-
թեան . և բերանոյ իմոյ՝
ոչ խօսիլ զստութիւն . եւ

սրտի իմոյ՝ ոչ խորհիլ զչա-
րութիւն . և ձեռաց իմոց՝
ոչ գործել զանիրաւութիւն .
և ստից իմոց՝ ոչ գնալ ՚ի ճա-
նապարհս անօրէնութեան .
այլ ուզդեա զչարժումն սո-
ցա լինել միշտ ըստ պատ-
ուիրանաց քոց յամենայնի .

և ողորմեա քօ ա :

Հուր կենդանի ֆրիստոս ,
զհուր սիրոյ քօ՝ զոր արկեր
յերկիր , բորբոքեա յանձն
իմ , զի այրեսցէ զախտ հոգ-
ւոյ իմոյ , և սրբեսցէ զխիղճ
մտաց իմոց և մաքրեսցէ ըզ-
մեզս մարմնոյ իմոյ , և վա-
ռեսցէ զլոյս գիտութեան
քօ ՚ի սրտի իմում . և ողոր-
մեա քօ ա :

Իմաստութիւն հօր Յիսուս

տուր ինձ իմաստութիւն ըզբարիս խորհիլ և խօսիլ և գործել առաջի քո յամենայն ժամ. 'ի չար խորհրդոց 'ի բանից և 'ի գործոց փրկեա զիս . և ողոր :

Կամեցող բարեաց Տէր կամարար , մի թողուր զիս 'ի կամս անձին իմոյ գնալ . այլ առաջնորդեա ինձ լինել միշտ ըստ կամաց քոց բարեսիրաց . և ողորմեա :

Արքայ երկնաւոր , տուր ինձ զարքայութիւն քո՝ զոր խոստացար սիրելեաց քոց , և զօրացո զսիրտ իմ՝ ատել զմեզս , և սիրել զքեզ միայն , և առնել զկամս քո . և ողորմեա քո ա :

Խնամող արարածոց , պա-

հեա նշանաւ խաչի քո զհոգի և զմարմին իմ՝ 'ի պատրանաց մեղաց , 'ի փորձութեանց դիւաց , և 'ի մարդոց անիրաւաց , և յամենայն վտանգից հոգւոյ եւ մարմնոյ . և ողորմեա :

Պահապան ամենայնի ֆրիտոս , աջ քո հովանի լիցի 'ի վերայ իմ՝ 'ի տուէ և 'ի գիշերի , 'ի նստիլ 'ի տան , 'ի գնալ 'ի ճանապարհ , 'ի ննջել և 'ի յառնել , զի մի երբէք սասանեցայց , և ո : Աստուած իմ , որ բանաս զձեռն քո , և ընուս զամենայն արարածս ողորմութեամբ քով , քեզ յանձն առնեմ զանձն իմ . դու հո-

գա և պատրաստեա զպէտս

հոգւոյ և մարմնոյ իմոյ յայ-
սրմհետէ մինչեւ յաւիտ-
եան . և ողորմեա .

Դարձուցիչ մոլորելոց , դար-
ձս զիս 'ի չար սովորութեանց
իմոց 'ի բարի սովորութիւն ,
եւ բեւեռեա 'ի հոգի իմ'
զսոսկալի օր մահուն , և զեր-
կիւղ գեհենին , և զէր ար-
քայութեանն , զի զղջացայց
'ի մեղաց' և գործեցից զար-
գարութիւն . և ողորմեա :

Աղբիւր անմահութեան , աղ-
բերացո 'ի սրտէ իմմէ զար-
տասուս ապաշխարութեան
որպէս պոռնկին . զի լուա-
ցից զմեզս անձին իմոյ յա-
ռաջ քան զելանելն իմ յաշ-
խարհէս . և ողորմեա :

Պարգեւիչ ողորմութեան

պարգեւեա ինձ ուղղափառ
հաւատով և բարի գործով ,
և սուրբ մարմնոյ և արեան
քո հաղորդութեամբ գալ
առ քեզ . և ողորմեա :

Բարերար Տէր , հրեշտակի
բարւոյ յանձն արացես զիս'
քաղցրութեամբ աւանդել
զհոգի իմ' , և անխռով ան-
ցուցանել ընդ չարութիւն
այսոցն' որ են 'ի ներքոյ
երկնից . և ողորմեա :

Լոյս ճշմարիտ ֆրիստոս , ար-
ժանաւորեա զհոգի իմ ու-
րախութեամբ տեսանել ըղ-
լոյս փառաց քոց 'ի կոչման
աւուրն , և հանգչիլ յուսով
բարեաց յօթեվանս արդա-
րոց մինչեւ յօր մեծի գա-

լըստեան քո , և ողորմեա :

Դատաւոր արդար, յորժամ
 գաս փառօք Հօր դատել ըզ-
 կենդանիս և զմեռեալս, մի
 մտաներ 'ի դատաստան ընդ
 ծառայի քում. այլ փրկեա
 զիս 'ի յաւիտենական հրոյն,
 և լսելի արա ինձ զերանա-
 ւէտ կոչումն արդարոց յերկ-
 նից արքայութիւնդ. և ո:
 Ամենողորմ Տէր, ողորմեա
 ամենայն հաւատացելոց 'ի
 քեզ. իմոց և օտարաց, ծա-
 նօթից և անծանօթից, կեն-
 դանեաց և մեռելոց. շնոր-
 հեա և թշնամեաց իմոց և
 ատելեաց զթողութիւն որ
 առ իս յանցանաց. և դար-
 ձո զնոսա 'ի չարեացն զոր
 ունին վասն իմ, զի ողորմու-
 թեանդ քում արժանի ե-

ղիցին, և ողորմեա:
 Փառաւորեալ Տէր, ընկալ
 զաղաչանս ծառայիս քո և
 կատարեա 'ի բարի զխընդ-
 բուածս իմ բարեխօսու-
 թեամբ սրբուհւոյ Ստողա-
 ծածնին և Յովհաննու Մը-
 կրրաչին և սրբոյն Ստեփան-
 նոսի նախավկային և սրբոյն
 Գրիգորի մերոյ Լուսաւորչին,
 և սրբոց Առաքելոց՝ Մար-
 դարէից՝ Վարդապետաց՝
 Մարտիրոսաց՝ Հայրապե-
 տաց՝ Ճգնաւորաց՝ Կուսա-
 նաց՝ և ամենայն Սրբոց քոց
 երկնաւորաց և երկրաւո-
 րաց: Եւ քեզ փառք և եր-
 կրրպագութիւն անբաժա-
 նելի սուրբ Երրորդութեա-
 նըդ յաւիտեանս յաւիտե-

նից . ամէն :

Վ անն սրբուհւոյ Աստուածածնին բարեխօսութեանն՝
Տէր ընկալ զաղաչանս մեր ,
և կեցոյ զմեզ :



Սուրբ զԱստուածածինն և
զամենայն սուրբս բարեխօս
արասցուք առ Հայր 'ի յեր-
կինս , զի կամեցեալ ողոր-
մեսցի՝ և գթացեալ կեցուս .

ցէ զարարածս իւր : Ամե-
նակալ Տէր Աստուած մեր
կեցոյ և ողորմես :

Ընկալ Տէր զաղաչանս մեր
բարեխօսութեամբ սուրբ
Աստուածածնին՝ անարատ
ճնողի Միածնի որդւոյ քո ,
և աղաչանօք ամենայն սըր-
բոց քոց : Լուր մեզ Տէր և
ողորմես , ներես , քաւես
և թող զմեզս մեր : Արժա-
նաւորես գոհութեամբ փա-
ռաւորել զքեզ ընդ Որդւոյ
և ընդ սուրբ Հոգւոյ :

Օրհնեալ Տէր մեր Յիսուս
Իրիստոս ամէն :

Հայր մեր որ յերկինս :

Չհանգստեան զաղօթս եւ
զաղաչանս ընկալ մարդասէր :

Աստուած 'ի հաճոյս բարե-
րար կամաց քոց, և մեր
մեղաց և բազում յանցա-
նացն թողութիւն շնորհեա .
և քեզ փառք յաւիտեա-
նըս . ամէն :

Փառք քեզ Տէր Աստուած
մեր, որ պարգեւեցեր զօ-
րըս զայս բարեաւ և խա-
ղաղութեամբ անցուցանել :
Մարդասէր Աստուած, զա-
ռաջիկայ գիշերս որ 'ի վե-
րայ մեր դալոց է, 'ի մե-
ղաց փրկեա, 'ի չարեաց ա-
զատեա, և 'ի գործս բա-
րիս առաջնորդեա :

Առաւօտու օրհնութեանցն
և փառաբանութեանցն ար-
ժանի արա զամենայն հա-

ւատացեալս անուանդ քում
սրբոյ, և պահեա 'ի խաղա-
ղութեան :

Տէր Աստուած մեր՝ տուր
դքս խաղաղութիւնդ ամե-
նայն աշխարհի, բարձ զցա-
սումն և զպատուհասն 'ի յա-
րարածոցս :

Ողորմեա հարց և եղբարց
մերոց՝ կենդանեաց և հան-
գուցելոց :


Ողորմեա զեկեղեցի շինո-
ղաց, երախտաւորաց և այ-
նոցիկ որք տան զտուրս ո-
ղորմութեան դպրատանց,
և ջանան միշտ հաստատուն
պահել :

Տէր Աստուած՝ օգնեա թա-
գաւորացն քրիստոնէից, և
իշխանացն բարեպաշտից,

զօրաց և զաւակաց նոցին՝
 պահելով 'ի խաղաղութեան :
 Տէր Աստուած մեր՝ պահեա
 զմեզ ամենայն պարագա-
 յիւք՝ ամբողջ և անխռով
 'ի կամս ողորմութեան քոյ :
 Նշանաւ սուրբ և պատուա-
 կան խաչիւ քոյ՝ հալածեա
 զերեւելի և զաներեւոյթ
 թշնամին 'ի սահմանաց մե-
 րոց և 'ի բնակութենէս մեր-
 մէ . փրկեա զմեզ 'ի հրոյն
 յաւիտենից , և արժանի ա-
 րա երանաւէտ կենացն ան-
 վախճանից , և քեզ փառք
 յաւիտեանս . ամէն :



Աղակերպութիւնն Յիսուսի :



ԱՂՕԹՔ

ԿԻՒՐԱԿԷՒ ԱՒՈՒՐ



ՅԱՆՈՒՆ ՀՕՐ ԵՒ ՈՐԴԻՈՅ ԵՒ
ՀՈԳԻՈՅՆ ՍՐԲՈՅ ԱՄԷՆ

Հայր մեր որ յերկինս :



Աղօթք առ Հայրն երկնաւոր ,
'ի բանից երանելոյն Յովհանն-
նու Գառնեցոյ :

Յաւիտենից Աստուած և ա-
րարիչ բոլորից , որ ամենա-
կարող զօրութեամբ քով 'ի
սկզբանէ արարեր զերկինս :



եւ զերկիր, յայսմ աւուր
գոյացուցեր զլոյս հրամա-
նաւ քով, և որոշեցեր զլոյսն
'ի խաւարէն: Ահա խաւա-
րեայս ազգի ազգի անօրէ-
նութեամբ, աղաչեմ զքեզ
Տէր իմ եւ Աստուած իմ,
բարերար և բազումողորմ,
ծագեա առ իս զողորմու-
թեան զլոյս քո, և մերժեա
յինէն զխաւարային խոր-
հուրդս չարին, որով անկ-
եալ կործանեցայ յանդուն-
դըս կորստեան, և կամ 'ի
տարակուսի:

Որ յամենայնի կարող ես և
հզօր, լոյս անստուեր, աղ-
բիւր անսպառ բարեաց,
կենդանութեան պարգեւա-
տու, ցոլացոյ յիս զփայլու-

մըն սրբարար շնորհաց հոգ-
ւոյդ քո սրբոյ, և մաքրեա
գսիրա իմ և զհոգի 'ի մթու-
թենէ մեղաց իմոց և յա-
մենայն աղտեղութենէ, ո-
րով շլացեալ ոչ կարեմ հա-
յիլ 'ի լոյս Աստուածային
պատուիրանաց քոց, և գը-
նալ 'ի ճանապարհս արդա-
րութեան: Ամենահայեաց
ակն և աննիրհելի պահա-
պան նորոյս իսրայելի, որ
նստիս 'ի քրովբէս և հայիս
յանդունդս. նայեաց աչօք
քաղցրութեան յապիկար
ծառայս քո, որ խորասուզ-
եալ յանդունդս մեղաց
չունիմ կամ և զօրութիւն
եղանել ինքնին, և չիք իմ
ձեռնտու և օգնական ա-

զատել զիս յանհնարին տա-
րակուսանացս . այլ դու ա-
նարգամեծար Տէր՝ լեր ինձ
այցելու և պաշտպան , և
զերծո զիս 'ի խորոց աստի
չարեացս անբաւից աննա-
հանջելի հրամանաւ քով .
զի չիք ինչ որ արգելուլ կա-
րիցէ զամենակարող զօրու-
թիւն քո :

Ազաչեմ զքեզ ողորմած՝ ա-
ռաքեա առիս զհոգի աս-
տուածութեան քո , որ շըր-
ջելով 'ի վերայ ջուրց կեն-
դանագործէր զարարածս
քո , զի ծննդաբեր արասցէ
զամլութիւն մտաց իմոց 'ի
հաճոյական բանից մաղթա-
նըս յընդունելութիւն կա-
մաց բարձրելոյդ . զի ես ին-


ձէն առանց նպաստից նո-
րին զոր ինչ արժան է հայ-
ցել՝ ոչ գիտեմ :

Ձի նա որ քննէ զամենայն
և զխորս Աստուծոյ , գիտէ
նա և զպէտս մեր և զկա-
րիս առաւել քան զոր խընդ-
րեմք և իմանամք , և գթա-
ցեալ 'ի տկարութիւնս մեր
ուսուցանէ մեզ զնոսին հայ-
ցել հաւատով , և գտանել
առ 'ի քէն հանդերձ թո-
ղութեամբ մեղաց մերոց :
Մի՛ ընկենուր զիս յերեսաց
քոց բարեբանեալ՝ որ ոչ
կացի յուխտին իմում՝ զոր
ուխտեցի քեզ յաւուրն
փրկութեան , և ոչ զգու-
չացայ կալ 'ի ճանապարհս
օրինաց քոց . այլ իշխանին

մուրութեան անսացեալ
խրատու՝ զառածեցայ երկ-
նագնաց պողոտայէդ՝ ՚ի փը-
շայեղ մացառս մեղաց եւ
մահու . այլ դու խնամա-
կալ՝ որ ոչ ձանձրանաս ՚ի
բարերարելոյ , և ոչ յազիս
յողորմածութենէ , հոգւով
պետութեան քո հաստա-
տեա զիս ՚ի պատուիրանս
քո անդրդուելի՝ ուղղել
վերստին զգնացս ոտից իմոց
առ տուխչդ կենաց : Արդ
դու կարող և մարդասէր ,
որ յառաջ քան զլինելու-
թիւն երկնի և երկրի պատ-
րաստեցեր զարքայութիւ-
նըդ ՚ի ժառանգութիւն սրբ-
բոց քոց . սրբեա եւ զիս
յամենայն անօրէնութենէ

իմմէ . և արժանաւորեա ընդ
նոսին յարքայութեան քում
յերկինս գոհութեամբ փա-
ռաւորել զամենազօր տէ-
րութիւնդ . յաւիտեանս յա-
ւիտենից . ամէն :





Արարի՛ւ իմ՝ եւ յոյս տեք
Յիսուս Գրիստոս :




ԱՂՕԹԻՔ

ԵՐԿՈՒՇԱԲԹԻ ԱՒՈՒՐ



ՅԱՆՈՒՆ ՀՕՐ ԵՒ ՈՐԴԻՈՅ ԵՒ
ՀՈԳԻՈՅՆ ՍՐԲՈՅ ԱՄԷՆ

Հայր մեր որ յերկինս :



Աղօթք առ սուրբ Երրորդու-
թիւնն, ի բանից երանելոյն
Յովհաննու Գառնեցոյ :

Բարերար և ամենակալ յոյս
ապաւինի ամենայն տարա-
Յկուսեցոյ Տէր իմ և Աստ-

ուած իմ, արարիչ էից յանէից և նախախնամող բուրբից . որ յայսմ աւուր հըրամանաւ քով բաժանեցեր զբազմութիւն ջուրց , ըզքաղցունսն ամբարձեր 'ի վեր յամպս տեղալ 'ի վերայ երկրի . 'ի բղխել զաղբիւրս և խաղաղացուցանել զգետս և զաղտաղտինս թողեր յերկիր ստորին անսահման իմաստութեամբ . և արկեր անջրպետ 'ի մէջ նոցա լոյծ և հոսանուտ զհաստատութիւն օգոյ , զի փոխադարձ տուրեւառութեամբ ջուրց մշտնջենապէս հաղորդիլ կարասցեն ընդ միմեանս վերինքն և ստորինք յօգուտ համօրէն

տիեզերաց , և 'ի պէտս ազգի մարդկան՝ զոր հանդերձեալ էիր արարչագործել 'ի վայելումն երանաւէտ փառաց աստուածութեանդ քո : Արդ՝ ես որ կամ իբրեւ զջուր ստորին աղտեղեալ 'ի ճահիճս զանազան մեղաց գարշութեամբ , եւ ապականեալ բազմօրինակ անօրէնութեամբ , առ քեզ պաղատիմ արարիչ իմ եւ յոյս , բարեգութ կամօքդ վերառեալ զմիտս իմ 'ի ըստորէ՝ մաքրագործեա որպէս զջուրսն ամպոց յամենայն աղտեղութեանց քոյովրդ սրբութեամբ . և զգառնութիւն նեխութեան իմոյ 'ի բաց արա յինէն քոյովդ


քաղցրութեամբ, լինել հա-
ճոյ աստուածութեան քո
կամաց՝ ՚ի գովեստ փառաց
անբաւ շնորհաց քոց: Մի՛
հայիր ՚ի բազմութիւն անօ-
րէնութեան իմոյ որ անար-
ժան եմ գթոյ, և մի՛ գար-
չիր յինէն վասն զազրու-
թեան յանցանաց իմոց յո-
րում կամ շաղախեալ. այլ
մատիր առ իս անճառելի
գթութեամբդ, և ողորմեա
ինձ ըստ բազում ողորմու-
թեան քում, զի քաղցր ես
առ ամենեօին որք կարդան
առ քեզ, և ապաւինին ՚ի
քո մարդասիրութիւնդ:
Դու Տէր՝ զանձրեւ գթու-
թեան կամաց քոց՝ եւ զա-
ռատագեղ ողորմութեան քո

զցող անձրեւեա ՚ի սիրտ իմ՝
որ ՚ի սաստիկ ցանկութենէ
չարեաց եւ ՚ի տապոյ անօ-
րէնութեան երաշտացեալ՝
չունի ինչ բերս պաղոց բա-
րութեան. և ոռոգեալ պա-
րարտացո շնորհօք մարդա-
սիրութեան քո՝ բերել զար-
դիւնս անեղծանելիս ՚ի պա-
շար մշտնջենաւոր և անեղ-
բական կենաց:

Լուր ինձ բարերար, քաւ-
եա անյիշաչար, և արա ըզ-
ծառայս քո արժանի վերին
օթեվանացդ ընդ սիրելիս
անուան քո սրբոյ և ընդ կա-
մարարս հաճոյից աստուա-
ծութեանդ քո որ յերկինս
և որ յերկրի. զի ընդ նո-
սին փառաւորեցից անլուե-

լի օրհնաբանութեամբ ըզ-
Հայր և զՈրդի և զսուրբ
Հոգիդ . այժմ՝ և միշտ և
յաւիտեանս . յաւիտենից .
ամէն :





Թող տուր մանկտուղի գալ առ իս,
եւ մի՛ արգելուր զրուս. զի աչրպիս-
եացոյ է արքայոյթ իռնն երկնից :

ԱՂՕԹԻՔ

ԵՐԵՒՇԱԲԹԻ ԱՒՈՒՐ



ՅԱՆՈՒՆ ՀՕՐ ԵՒ ՈՐԴԻՈՑ ԵՒ
ՀՈԳԻՈՑՆ ՍՐԲՈՑ ԱՄԵՆ

Հայր մեր որ յերկինս :

Աղօթք առ Հայրն երկնաւոր՝
'ի բանից երանելւոյն Յովհան-
նու Գառնեցւոյ :

Արարչագործ Աստուած և
ամենախնամ, որ յայսմ ա-
ւուր գթութեամբ կամաց
քոց ժողովեցեր զջուրս որ
'ի վերայ երկրի՝ 'ի խորս ծո-

փու . և զատուցեր զցամաքն
 'ի ջուրց . և զարգարեցեր
 զայն զանազան բանջարօք և
 ծաղկագեղ վայելչութեամբ
 և ազգի ազգի պտղաբեր
 ծառովք : Իսկ արգ երկիրս
 անձնաւոր՝ փոխանակ բա-
 րերոյս սերմանց առաքի-
 նագործ արգասեաց՝ բու-
 սուցի փուշս մեղաց խոցո-
 տիչս հոգւոյ իմոյ , և փո-
 խանակ բերոցն քաղցրու-
 թեան՝ պտուղս անօրէնու-
 թեան դառինս և մահա-
 բերս ինձ գոյացուցի :

Այլ դու անօխակալ Տէր՝
 հայեաց քաղցրութեամբ առ
 իս յարարածս քո , և մի՛
 անտես առներ զգործս ձե-
 ուաց քոց . խլեա յինէն ըզ-

փուշս չարեաց և զարգասիս
 անօրէնութեան զոր ես ին-
 ձէն պտղաբերեցի . և սեր-
 մանեա վերստին 'ի միտս և
 'ի կամս իմ՝ զբարին , և զօգ-
 տակարն հոգւոյ իմոյ , յօ-
 ժարիլ և ընտրել զայն , և
 առնել կամարար սիրով : Ա-
 նօրէնութիւնք իմ բարձրա-
 ցան քան զգլուխ իմ , եւ
 տղմաշաղախ ջուրց մեղաց
 ծածկեցին զանձն իմ . և ա-
 հա առ քեզ առ բարեգութ
 Տէրդ իմ՝ պաղատիմ՝ , երե-
 ւեցո զիս իբրեւ երկիր ցա-
 մաք , և նորոգեա զսիրտ իմ
 բերել պտուղս բարիս զկա-
 նուին եւ զանազան ըստ
 հաճոյից քոց մարդասէր :

Երկիրս բանաւոր՝ զոր զար-

դարեցեր բնաբոյս առաքինութեամբ, ցամաքեա ՚ի հրատապ հրապուրանաց իշխանինն օդոյս այտորիկ որպէս դալարի ՚ի սաստիկ տօթոյ, եւ թօթափեցան ծաղիկք հոգւոյս. գոսացան ոստք առաքինութեան, և խամրացան բողբոջք բարեաց:

Եւ ահա կորացեալ անձամբ առ քեզ աղաղակեմ պարգեւիչդ կենաց, ցողեա՛ յիս զցող խնամոց մարդասիրութեան քո, զի չորացաւ որպէս խեցի զօրութիւն իմ, և որպէս խոտ տանեաց ցամաքեցայ, և նորոգեա՛ զիս նորոգութեամբ շնորհաց քոց ըստ առաջնումն պայծառութեան:

Արարեր զիս այգի վայելուչ ցանկով օրինաց պատսպարեալ՝ առ ՚ի բերել ողկոյզս քաղցրութեան ՚ի հաճոյս տնկագ ործողիդ իմոյ Աստուծոյ. իսկ ես ապստամբ կամօք արհամարհեալ զօրէնս քո, խոպանացայ չարաչար գնացիւք, և պտղաբերեցի խաղող դառնութեան բազմօրինակ անօրէնութեան: Եւ արդ մարդասէր խնայեա յիս գթութեամբ, և դարման տար այգւոյս այսմիկ զոր տնկեաց աջ քո. ամբացո զիս վերստին օրինօքդ կենաց, և ՚ի բաց արա յինէն զբաղձանս չարեաց որք ստեղնին ՚ի կամս իմ:

Որպէս զի վաստակեալ յար-

դիւնս առաքինութեան՝
 արժանի եղէց ընդունիլ
 զօրհնութիւն առ ՚ի քէն և
 վայելելս յանճառ բարիսդ
 ընդ սուրբս քո՞ յերկինս, և
 գոհութեամբ փառաւորել
 զամենազօր տէրութիւն քո՞,
 յաւիտեանս յաւիտենից .
 ամէն :





Վերափոխումն Ս. Աստուածածնայ
յերկրէ յերկինս :

ԱՂՕԹԻՔ

ՉՈՐԵՔՇԱՐԹԻ ԱԻՈՒՐ

ՅԱՆՈՒՆ ՀՕՐ ԵՒ ՈՐԴԻՈՑ ԵՒ
ՀՈԳԻՈՑՆ ՍՐԲՈՑ ԱՄԵՆ

Հայր մեր որ յերկինս :

Աղօթք առ Հայրն երկնաւոր ,
'ի բանից երանելոյն Յովհանն
նու Գառնեցւոյ :

Հաստիչ ամբաւաղօր լուսաւորացն երկնից , և ճարտարապետ ամենիմաստ տանըս աշխարհի . որ յայսմ աւուր կարգեցեր զլուսա-

ւորսն 'ի հաստատութեան
երկնից՝ զարեգակն և զու-
սին և զաստեղացն պարս՝
'ի նշանս և 'ի ժամանակս և
յաւուրս և 'ի տարիս :

Արդ աղաչեմ զքեզ Աստ-
ուած կենարար՝ հաճոյական
պարգեւօք հոգեծիր շնոր-
հաց քոց շարժեա զմիտս և
զկամս իմ՝ սիրել զքեզ յա-
մենայն սրտէ , և ուղղեա՛
զընթացս անձին իմոյ անհեր-
քելի զօրութեամբ քով՝ գը-
նալ անխոտոր 'ի ճանապարհս
հրամանաց քոց : Կապեալ
կամ անզերծ շղթայիւք յան-
ցանաց իմոց , ազատեա՛ զիս
ամենակար : Անկեալ դան-
դաչեմ 'ի հաղթս կորստեան
գաղտնի որսողին , հան՛ զիս

բարեգութ :

Ի բանտ աներանելի խաւա-
րին դործոց կաշկանդեալ
տանջիմ՝ ծագեա առ իս ըզ-
լոյս շնորհիդ , և զերծո՛ զիս
խնամակալ՝ յազատութիւն
կենաց անվախճանից :

Դու ես յոյս իմ և ապաւի-
նութիւն . դու իմ փրկու-
թիւն . քեզ ակնկալեալ սպա-
սէ ամենամեղ անձն իմ՝ ֆեզ
փափաքի իմ մարդասէր , որ-
պէս փափաքի եղջերու յաղ-
բերս շուրջ : Ծարաւի եմ
ոլորմութեան քում՝ արբո՛
զիս տանջեալ 'ի սովէ՝ յեղ-
ջերաց խողիցն կերակրիմ՝
զհացդ երկնաւոր ջամբեա՛
ինձ : Մրուր դառնութեան
մեզաց և մահու արբեալ

տազնապիմ չարաչար, զբա-
 ժակդ կենաց մատուակեա
 րնձ: Մերկացեալ դողամ յա-
 նադորուն աւաղակաց իշխա-
 նին մահու, զգեստիւք խնա-
 մոց քոց ծածկեա զիս: Վի-
 րաւորեալ եմ ՚ի թունաւոր
 նետից աներեւոյթ թշնամ-
 ւոյն, բժշկեա զհարուածս իմ:
 Եւ արա զիս զապախտաւոր
 ծառայս որ կարդամ առ
 քեզ՝ արժանաւոր երկնային
 հարսնարանին և անմահա-
 կան սեղանոյն՝ ընդ այնոսիկ
 որք սիրեցին զքեզ ՚ի բոլոր
 սրտէ և պահեցին զպատուի-
 րանս քո. զի ընդ նոսին փա-
 ռաւորեցից զամենագութ
 մարդասիրութիւն քո, յա-
 ւիտեանս յաւիտենից. ամէն:




Համբարձաւ Տէր յերկինս :




ԱՂՕԹԻՔ

ՀԻՆԳՇԱԲԹԻ ԱԻՈՒՐ



ՅԱՆՈՒՆ ՀՕՐ ԵՒ ՈՐԴԻՈՅ ԵՒ
ՀՈԳԻՈՅՆ ՍՐԲՈՅ ԱՄԷՆ

Հայր մեր որ յերկինս :



Աղօթք առ Հայրն երկնաւոր ,
ի բանից երանելոյն Յովհանն
նու Գառնեցոյ :

Որ արարչական գթով կեն
՛ղանաճնես զարարածս քո և

խնամես քաղցրութեամբ՝
Աստուած իմ և Տէր . որ
յայսմ առուր ամենազօր հը-
րամանաւ քով հաներ ՚ի
Զուրց զեռունս շնչոց կեն-
դանեաց , և զկէտս մեծա-
մեծս , և զթռչունս թեւա-
ւորս , և Աստուածային օրհ-
նութեամբ քով օրհնեցեր
զնոսա ածիլ և բաղմանալ
՚ի վերայ երկրի :

Արդ աղաչեմ զանփոփոխե-
լի տէրութիւն բարերարու-
թեան քո , օրհնեա և զիս
զստեղծուածս ամենակալ
ձեռին քո ծննդաբեր լինել
գործոց առաքլինութեան :
Եւ զսերմն հոգեւոր կենաց՝
զոր անդստին բնաւորեալ
ես ՚ի խորս մտաց իմոց՝ զօ-

րացո զիս աճեցուցանել
կենսաբեր խորհրդով ՚ի ձե-
ռքն շնորհաց և ողորմու-
թեան քո , զոր տաս ամե-
նայնի և ոչ նախատես . զի
դու նոյն ես , և ամբ քո ոչ
պահատին . բանաս զձեռն
քո , և լցուցանես զպէտս և
զկարիս ամենեցուն յանըս-
պառ դանձուց քոց : Մի՛
թողուր զիս Տէր իմ՝ ամուլ
և անբեր գործոց բարու-
թեան . մի՛ անտես առներ
զտառապեալս ՚ի քոց խնա-
մոց վասն բազմութեան յան-
ցանաց իմոց : Խօնարհեցո
զունկն քո և լուր ինձ , զի
աղքատացայ ՚ի բարեաց .
ստունգանեցի կենարար պա-
տուիրանաց քոց . և յօժա-

ըեցայ հաճել զկամս անձին
խմյ :

Յարդարեցեր զիս տաճար
կենդանի արարչութեան
քում . և ես զանձն իմ պատ-
րաստեցի բնակարան ատե-
լեաց քոց դիւաց : Պատմու-
ճան լուսազգեստ զգեցու-
ցեր ինձ 'ի հոգեւոր ծնըն-
դեան , եւ ես արկի զան-
ձամբ հանդերձ խաւարի
մեղաց եւ մահու : Ետուր
ինձ սիրտ մարմնեղէն խոկալ
, յօրէնս քո յամենայն ժամ ,
և ես աման խորհրդոց անօ-
րէնութեան յօրինեցի : Կար-
գեցեր յիս լսելիս 'ի լուր
պատուիրանաց քոց , և ես
բացի առ հրապոյրս բան-
սարկուին : Կազմեցեր յիս

լեզու գործի օրհնութեան ,
և ես չարաչար վարեալ՝ ա-
րարի զէն անիրաւութեան :
Սերմանեցեր 'ի միտս իմ
սերմն բարի առաքինու-
թեան . և ես փուշս դժնդակ
մոլութեան բուսուցի ընդ-
այն : Ջբարիսն զոր պարգե-
ւեցեր ինձ շահիլ նոքօք ըզ-
կեանս , անմտութեամբ ի-
մով վատնեալ 'ի սնտախս՝
ստացայ ինձ մահ և կորուստ :
Տիրական իշխանութեամբ
և փառօք պատուեցեր զիս ,
և ես կամաւ մատնեցի զան-
ձըն իմ 'ի ծառայութիւն մե-
ղաց : Եւ այժմ՝ առ քեզ ա-
պաւինեալ աղաչեմ՝ բարե-
գութ՝ քաւեա զյանցանս
իմ , և նորոգեա զիս շնոր-

հօք ողորմութեան քո : Ծա-
 րաւի եմ առ քեզ Աստուած
 իմ, արբո ինձ զջուրդ կեն-
 դանարար : Ժանգահար ե-
 ղէ ցանկութեամբ չարեաց,
 արկ զիս 'ի բովս հալոցաց .
 և սրբեա հրով սիրոյ քոյ :
 Բաղձանք երկրաւորացս տա-
 րագիր արար զիս առ 'ի քէն,
 կարկառեա առիս զաջդ ա-
 մենազօր, և մատո զիս առ
 քեզ : Փոխանակ մշտնջենա-
 ւոր և անանց փառաց, ըզ-
 դիւրեղծական և զապակա-
 նացուն սիրեցի, մի թողուր
 զիս 'ի կամս իմ : Տեղացին 'ի
 վերայ իմ թունաւոր նետք
 աներեւոյթ թշնամոյն, լեր
 ինձ վահան ամրութեան և
 տեղի ապաւինի ապրեցու-

ցանել զիս : Խորհուրդք
 չարեաց հարին զհոգիս 'ի
 հարուածս անողջանալիս .
 մատիր առ իս դթութեամբ,
 եւ բժշկեա՝ ամենահնար :
 Թշնամիք զանձն իմ պաշա-
 րեցին և 'ի լարս խարէու-
 թեան իւրեանց արգելին,
 զարթո՞ զզօրութիւն քո եւ
 եկ 'ի կեցուցանել զիս : Մեր-
 կացուցին զիս անագորունք,
 և վէրս 'ի վերայ վիրաց յա-
 ւելին . զի ոչ զգեցայ զզրահն
 արդարութեան, և ոչ եղի
 'ի գլուխս իմ զսաղաւարտն
 յուսոյն փրկութեան . ոչ ա-
 ուի զվահանն հաւատոյ, եւ
 ոչ զսուր բանին Աստուծոյ .
 այլ դու հզօր և ամենակար՝
 առ զէն և զասպար քո, և

արի՛ յօգնել ինձ . խորտակեա՛ զզօրութիւնն հպարտացեալ բռնաւորին , և ասա՛ դու ցանձն իմ թէ՛ փրկութիւնն քո ես եմ :

Տրտմեալ է անձն իմ մինչեւ ՚ի մահ , մխիթարեա զծառայս քո : Ապերախտ գտայ առ երախտաւորդ , և բարկացուցի զանբարկանալի բռնութիւնդ . այլ դու անյիշաչար՝ մի հատուցաներ ինձ ըստ անօրէնութեան իմում , այլ ողորմութեամբ քո քաւեա զիս :


Առ քեզ աղաղակեմ ՚ի խորոց անդնդոց յոր ընկզմեալս եմ , որպէս Յովնան ՚ի փորոյ կիտին . հան զիս ՚ի վհէս խաւարի , վերաբերեալ ՚ի լոյս :

կենացդ յաւիտենից : Խորասուզեալ եմ յանդունդս մեղաց կորստեան , մատոզաջգ ամենազօր , և փրկեա զիս :

Տանջիմ հանապազ ՚ի խղճէ մտաց՝ զի դառնացուցի ըզքաղցրագութ՝ Տէրդ իմ . և յոյզք վարանական խորհրդոց աններելի տանջանաց՝ որ պատրաստեալ և մնայ ինձ , իբրեւ լեռնացեալ ամեհի ալեօք հողմակոծեն զանձն իմ . բարերար և անոխակալ՝ հզօր այցելու օգնեա ինձ , և հանդարտեցի զմտքիկեալ ալիս խռովութեան մտացս ցօղով գրթութեան քո :

Բազմութիւն անօրէնու-

Թեան իմոյ՝ որպէս հեղեղք
 պղտորեալք գարնանաղայր
 գետոց ողոյեցին զմեղու-
 ցեալս . այլ դու մարդասէր՝
 չնչեա զհողմն քաղցրու-
 Թեան կամաց քոց , և ցա-
 մաքեցո զհոսանս չարեաց
 իմոց . և ողորմութեամբ
 քով քաւեա զանօրէնու-
 Թիւնս իմ , և թուակից ա-
 րա սիրելեաց անուանդ
 քում սրբոյ . զի ընդ նոսին
 փառաւորեցից զանոխակալ
 մարդասիրութիւն քո , այժմ՝
 և միշտ և յաւիտենից յա-
 ւիտեանս . ամէն :



Տե՛ր , Թող դոցա , զի ոչ գիտեն
զինչ գործեն :

ԱՂՕԹԻՔ

ՈՒՐԲԱԹԻ ԱԻՈՒՐ

ՅԱՆՈՒՆ ՀՕՐ ԵՒ ՈՐԳԻՈՅ ԵՒ
ՀՈԳԻՈՅՆ ՍՐԲՈՅ ԱՄԷՆ

Հայր մեր որ յերկինս :

Աղօթք առ Հայրն երկնաւոր ,
ի բանից երանելոյն Յովհանն
նու Գառնեցոյ :

Էապէս բարի և ամենակա-
րող զօրութիւն Աստուած
յաւիտենական , որ յայսմ
Զաւուր հրամայեցեր երկրի ,

և եհան զանասունս և զտղունս և զգազանս ըստ ազգի. և չհանդուրժեալ բնութեամբ բարիդ՝ արարեր ըզմարդն 'ի հողոյ 'ի պատկեր և 'ի նամութիւն արարչապետիդ տիեզերաց և կացուցեր տէր և իշխան բոլորեցունց քո արարածոց . և զգուշացուցեր զնա կալ 'ի պատուիրանի քում և 'ի վայելել զբարիսն զորս ետուր նմա ձրի և առանց փոխարինի 'ի քումմէ առատութենէ: Եւ արդ Տէր իմ և Աստուած իմ՝ որ զիս հողս անարգութեան այսպիսի անկշռելի բարութեամբ բարգաւաճեցեր, ես ինքնին հրապուրանաց թշնամւոյն կենաց

անսացեալ՝ պատուիրանաց կենարարիդ հետտեցի, և օտարացայ 'ի նմանութենէ հաստողիդ իմոյ Աստուծոյ: Եղծի զգեղեցկութիւն կերպարանաց հոգւոյս ազգի ազգի անօրէնութեամբ, և ոչ զարհուրեցայ:

Պերճացուցեր զիս իմացական մտօք խորշիլ 'ի չարէն և ընտրել զբարին, իսկ ես վարեալ անմտութեամբ՝ յօժարեցայ 'ի չարիս: Ամբարձեր զիս 'ի նմանութիւն աստուածութեանդ քո անձնիշխան կամօք. և ես ծառայեղեալ կրից մարմնոյս՝ հաւասարեցայ անասնոց անբանից: Թողի զլոյս հրամանաց քոց՝ զոր ետուն ինձ առաջ


նորդել նովաւ զգնացս ոտից
իմոց 'ի ճանապարհ ուղիղ
երկնից օթեւանին . և ես
ընդ խաւար գնացեալ ան-
կայ 'ի խորխորատ անեւանե-
լի կորստեան վհի :

Այլ դու մարդասէր և եր-
կայնամիտ՝ մի իսպառ բար-
կանար ինձ , և մի ռիս պա-
հեր յաւիտեան . զի 'ի քեզ
անկայ ես յարգանդէ , և
դու ես Աստուած իմ և
Տէր : Գթա յիս 'ի գործս
ձեռաց քոց . և նորոգեա
զխանգարեալ մեղօք պատ-
կերս բարերարութեան քո
'ի ձեռն աստուածեղէն շը-
նորհաց քոց : Լուսաւորեա
զաչս մտաց իմոց ուղղել
զշաւիղս իմ 'ի ճանապարհս

օրինաց քոց : Սանձակոծեա
զերկրաքարչ բաղձանս եւ
զանբան կրիցս բռնութիւն
երկիւղիւղ քով սրբով :
Վառեա զհոգի իմ սիրով
աստուածութեանդ քո՝ մա-
տուցանել պատարագ օրհ-
նութեան ըստ հաճոյից բա-
րերարութեան քո : Մի թո-
ղուր զիս 'ի ձեռս թշնամ-
ւոյն փրկութեան իմոյ , որ
հանդերձեալ է արկանել
զիս 'ի խաւարն արտաքին .
այլ լեր այցելու բարեգթու-
թեամբ քով , և փրկեա զիս :
Անկաւ բեկաւ զօրութիւն
իմ 'ի մահաբեր հարուածոց
հակառակորդին , և մէջք իմ
կցեցան 'ի հող 'ի ծանրու-
թենէ բեռանցս մեղաց . այլ

դու ողորմած, յարձ զբազմամեղ անձն իմ, և զօրացո զիս թօթափել զչարիս, և խոկալ զհրամանս օրինաց քոց: Հարայ ՚ի թունոյ աներեւոյթ վիշապին, և մահ անմեռ կայ առաջի իմ յամենայն ժամ. գթա յիս օրհնեալ և ամենողորմ, և մատո ինձ զգեղթափ ապաքինիչ երկնաձիր շնորհաց քոց. զի կեցից և փառաւորեցից զանճառ մարդասիրութիւն քո այժմ եւ յանվախճան յաւիտեանս. ամէն:





Էն հասկիկն զպատմութեանն ևնորս :

ԱՂՕԹՔ

ՇԱԲԱԹԻ ԱԻՈՒՐ

ՅԱՆՈՒՆ ՀՕՐ ԵՒ ՈՐԴԻՈՅ ԵՒ
ՀՈԳԻՈՅՆ ՍՐԲՈՅ ԱՄԷՆ

Հայր մեր որ յերկինս :

Աղօթք առ Հայրն երկնաւոր ,
'ի բանից երանելոյն Յովհան-
նու Գառնեցւոյ :

Աստուած ամենակալ՝ ան-
բաւելի և անճառելի , ա-
նաշխատ բնութիւն և ան-
տկարանալի զօրութիւն , որ
յայսմ աւուր հանգեար յա-

մենայն գործոց քոց զոր ա-
բարեր, և օրհնեցեր զնա
և սրբեցեր ամենիմաստ խոր-
հրդով և կանխագիտու-
թեամբ քով:

Արդ ես ծնունդս մեզաց՝
անկեալ կամ յախտ դառնա-
զին ցաւոց հոգեկան փա-
սուց. զոր շնչեաց յիս հոգմն
մահածին իշխանին խաւա-
րի, և ոչ գոյ ինձ հանգիստ
'ի դժնդակ տանջանացս:

Այլ դու ամենազօր՝ ապա-
քինեա զանբժշկելի հիւան-
դութիւն հոգւոյս աննա-
հանջելի հրամանաւ քով, և
հանգո զիս յանհնարին տան-
ջանացս՝ որով հասեալ կամ
'ի դրունս մահու. զի ամե-
նայնի կարող ես և հզօր, և

չիք քեզ իր անհնարաւոր:
Սէր երկրաւորացս և բաղ-
ձանք հեշտալեաց գերեալ
գերբեալ զմիտս իմ՝ չարա-
չար վշտօք ծառայեցուցա-
նեն զիս հանապազօր 'ի ըզ-
դալիս և 'ի սնտախ, և ոչ
երբէք տան դուլ և դադար
ոգի առնուլ, և խոկալ խոր-
հիլ զելս ազատութեան յան-
տանելի կրիցս կարեաց եւ
դառն աշխատութեանցս:
Եւ ահա աղաչեմ՝ զքեզ բա-
րերար՝ որ փրկութիւնդ ես
յամենայնի և դիւիչ վշտաց
նեղելոց, տուր ինձ գտա-
նել ելս 'ի տառապանաց աս-
տի յազատութիւն մշտնջե-
նաւոր կենաց եւ անանց
հանգստեան, յորմէ մեր-

ժեալ են ցաւք և հեծու-
թիւնք :

Ալիք յանցանաց յուզեալք
'ի հողմոյ հրապուրանաց
բանսարկուին բաղխեն զնա-
ւակ մարմնոյս շինուածոյ ,
և սպառնան խորասոյզ առ-
նել յանդունդս խաւարի
անզերծ տանջանաց : Իսկ
դու բարեգութ փրկեա զիս
'ի վշտացս ամենազօր աջովդ
չնորհի . և հասո 'ի նաւա-
հանգիստն խաղաղութեան
երկնային յարկի , ուր ամ-
բարեալ պահին ամենայն
դանձք բարեաց և անզբաղ
բերկրութիւնք :

Մի' թողուր զիս Տէր Աս-
տուած իմ 'ի կամս անձին
իմոյ , զի մի' ըստ յօժարու-

թեան ապականեալ բնու-
թեանս ստորաքարչ եղէց
յանցաւորս և 'ի մնտիս .
և մի ի բացեայ առներ յի-
նէն նահանջելով զնպաստս
չնորհաց և ողորմութեան
քովասն անօրէնութեան ի-
մոյ . այլ ըստ սովորական
մարդասիրութեան քում
խնայեա յիս 'ի ստեղծուա-
ծըս քո՝ որ առ քեզ աղա-
ղակեմ կողկողագին հեծու-
թեամբ :

Լուր ինձ անոխակալ , գթա
մարդասէր , ներեա անյի-
շաչար , և ողորմեա բազմա-
մեղ անձին իմոյ , ըստ մեծի
ողորմութեան քում . արա
առիս նշան բարի 'ի փառս
անուանդ քում սրբոյ , և

քաւեա զմեզս իմ՝ ՚ի ձեռն
ամենաբաւական շնորհաց
քոց . զի քաղցր ես դու Տէր ,
և գթութիւն քո անչափ :
Աղաչեմ գրեզ մարդասէր՝
մի մատնեք զիս ՚ի ձեռս դը-
ժոխորովայն գազանաց , որ
բացեալ զկոկորդս իւրեանց՝
խնդրեն կեղեքել զհոգի իմ
ամենաձախ ժանեօք . հա՛ր
զնոսա զօրութեամբ բազկի
քո ՚ի հարուածս անողջա-
նալիս , և զերծս զիս զժա-
ռայս քո ՚ի մահաբեր վտան-
գէս . զի դու ես փրկու-
թիւն իմ և կեանք , և առ
՚ի քէն է օգնութիւն իմ յա-
մենայն ժամ : Տարակուս-
եալ վարանիմ վասն բազ-
մութեան մեղաց իմոց , յոր-

ժամ նկարեմ առաջի աչաց
տեսութեան մտացս զդա-
տաստանն անաչառ , զմեր-
կապարանոց յանդիմանու-
թիւնն ամենայն գործոց ,
զպատիժն սոսկալի մեղա-
ւորաց և անդարձից , զհու-
րըն անշէջ , զորդնն անմահ ,
եւ զդատապարտութիւնն
յաւիտենական :

Եւ քանզի ոչ կարեմ իմովս
զօրութեամբ թօթափել
յանձնէ զբռինս մեղաց ,
եւ ազատիլ յարժանահաս
պատժոցս . վասն որոյ ան-
ձամբ բեկելով գոչեմ առ
քեզ մարդասէր , գործակից
լեր ինձ ՚ի դառնալ յետս
յանօրէնութեան գնացից ի-
մոց՝ և գիմել առ քեզ յա-

մենայն զօրութենէ և 'ի մը-
տաց, և սրտառուչ զըղջ-
մամբ գտանել զթողութիւն
եւ զշնորհս, եւ ողորմու-
թեամբ քով արժանաւորիլ
ընդ սուրբս քո մշտնջենա-
ւոր հանգստեան յարքայու-
թեան քում յերկինս, եւ
ընդ նոսին փառաւորել ան-
լըռելի գոհաբանութեամբ
զամենագոր տէրութիւն քո
յամենայն յաւիտեանս .

ամէն :





Եւ հաւնիս զնա ստացի Պիղատոսի :

ԱՂՕԹԻՔ

Ի ԴԵՄՍ

ՍՈՒՐԲ ՊԱՏԱՐԱԳԻՆ

Եբք աւէ Գահանայն . Տէր Աստուած մեր որոյ կարողութիւնդ անքննին է :

Դոս առ :

Տէր իմ՝ անքննելի է Աստուծոյդ իմոյ կարողութիւն . եւ անմահ եւ անհասանելի են փառք քո . որպէս ողորմութիւնդ անչափ է , նոյնպէս և զթութիւնդ անբաւ :

Աղաչեմ՝ զքեզ՝ բարեխօսութեամբ սրբոյ քահանայիս, յառատ ողորմութենէդ նա յեաց 'ի սուրբ տաճարս և յամենայն ժողովուրդս. նա և յիս անարժանս, և համարեա զիս աղօթակից սոցին, և պարգեւեա առատապէս զողորմութիւնդ քո. վասն զի փառաբանիչ եմ սուրբ երրորդութեանդ:

Երբ ասեն զՍուրբ Աստուածն, և Ձեռներն համբուրէ զԱւետարանն:

Համբուրելով ողջունեցից բանից սրբոց աւետարանչացն, վասն զի կարօտ եմ 'ի լսել զգործս Աստուծոյ:

Քահանայն 'ի Ձեռներն ասէ. Տէր Աստուած մեր զբազկատարած զաղաչանս:

Արարիչդ իմ Աստուած՝ որ զմեր հողեղէն բնութիւնս արժանաւորեցեր ըստ դասուց վերնոցն քեզ փառաբանութիւն մատուցանել, արժանի արա զանպիտան ծառայս քո՝ հղօրիդ փառս տալ այժմ և յաւիտեանս:

Դպիրքն՝ Տէր ողորմեա:

Ակն ունիմ առ քեզ Տէր և աղաչեմ. ողորմեա ինձ 'ի մեծ ողորմութենէդ քում մէ՛ գթալով 'ի ծառայս քո. և առաքեա 'ի վերայ իմ զողորմութիւնդ քո:

Քահանայն՝ Զի ողորմած և մար :

Մարդասիրին Աստուծոյ և
ողորմածին տաց փառս և
պատիւ այժմ և :

Երբ հարբան զԱւետարանն :

Աղաչեմ զքեզ Տէր իմ Յի-
սուս ֆրիստոս . բաց զլսե-
լիս իմ . սրբեա զմիտս իմ .
արժանի արա լսելոյ բանից
սրբոյ աւետարանիս քոյ ,
անմոռանալի մոօք պահել
զհրամայեալսն ՚ի սմանէ . յո-
րում փառք քեզ Աստուած :

Եսաս զհաւատամբն լման , և
երբ ասեն Եւ եւս խաղաղու :

Խաղաղութեանց տուող

Հայր Աստուած . մաքուր և
անբիծ հաւատով ՚ի ժամ
պաշտամանց աղօթից՝ աղա-
չեմ զքեզ . որպէս զի ար-
ժանի ընդունելութեան ա-
րասցես եւ լուիցես զձայն
աղաչանաց իմոց . և ողոր-
մութեամբ քով թողուցուս
զյանցանս իմ . Տէր իմ ա-
ղաչեմ զքեզ՝ զի յամենայն
ժամ մտցէ յաղերս անարժա-
նիս առաջի քոյ . զի ահաւոր
և մեծ է տէրութիւնդ քո .
և տուր ինձ միաբան լինիլ
ընդ սուրբս քո ՚ի մի հաւա-
տըս վաստակիլ բարեմտու-
թեամբ ՚ի գործս արդարու-
թեան , և պահեսցես ՚ի վե-
րայ իմ զչնորհս արդարու-
թեան և ողորմութեան քոյ :

Աստուած ամենակալ աղա-
չեմ՝ կեցո և ողորմեա :

Քահանայն՝ Ի Զաճուհի՝ Տէր մեր և
փրկիչ :

Քրիստոս Որդի Աստուծոյ՝
որ վասն մէր համբերեցեր
մահու և Խաչի . և զչարչա-
րիլ յանձն առեր . և զառա-
տապարդել սուրբ Հոգին
հանդուցեր յառաքեալսն :
Աղաչեմ՝ զքեզ՝ արժանի ա-
րա և զիս առատ քոյին պար-
գեւացդ մաքրելով՝ ի մեղաց :

Քահանայն՝ Որպէս զի արժանա :

Ընդ ամենեսեան արժանա-

ւորապէս փառաւորեմ ըզ-

Հայր և զՈրդի և զսուրբ
Հոգին այժմ՝ և յաւիտեանս .
ամէն :

Քահանայն՝ Խաղաղութիւն
ամենեցուն :

Քեզ փրկչիդ իմոյ անկեալ
երկիրպագանեմ . վասն զի
գիտող ես ամենայն խորհր-
դոց և գործոց : Աղաչեմ
զքեզ՝ պահեա զիս յերկիւ-
ղէ չարեաց , և նման քոյին
ճշմարիտ երկրպագողաց զիս
զանարժանս համարեա . զի
և ես ճշմարիտ հոգւով քը-
րիստոսի Աստուծոյդ իմոյ
այժմ և միշտ և հանապազ
երկիւղիւ երկիրպագանեմ .
վասն զի քեզ սուրբ երրոր-

դու թեանդ վայելէ փառք
պատիւ այժմ՝ և միշտ և :

Սարկաւան՝ Մի ոք յերախայից ,
մի ոք 'ի թերահաւատից :

Աղաչեմ զքեզ Տէր՝ մի հա-
մարիք զիս ընդ երեխայսն ,
և մի ընդ այնոսիկ՝ որք թե-
րագոյնք են 'ի հաւատս դա-
ւանութեան . այլ 'ի յազ-
դէ մինչեւ յազգ զքեզ ծա-
նեայ հարցն մերոց Աստուած
և ճանաչեմ Աստուած Աբ-
րահամու և Աստուած Իսա-
հակայ և Աստուած Յակո-
բայ . և աղաչեմ՝ զի մի ընդ-
անմաքուր ապաշխարողս
համարեսցիս զմերձ կալս իմ
առաջի քոյ :



Դուրն՝ Մարմին տէրունական :

Քրիստոսի Աստուծոյ տէ-
րունական մարմնոյդ և փր-
կական արեանդ առաջի՝
հրեշտակային զօրութիւնքն
յաներեւոյթս երգեն , որ-
պէս քեզ վայելէ՝ սրբասա-
ցութիւն Տեառնդ զօրու-
թեանց . և որ զիմ նուա-
ստութիւնս արժանաւորե-

ցեր փառաբանիչ լինել. ընդ
նոսին նուագելով, սուրբ
Տէր՝ սուրբ Տէր՝ սուրբ Տէր,
և Որդի Աստուծոյ և Տէր
զօրութեանց. քեզ փառք
յաւիտեանս. ամէն :



Սարկաւոյն՝ Սաղմոս ասացէք
տեառն Աստուծոյ :

Քրիստոս Աստուած՝ որ խո-
նարհեցար մարմնով և ար-
եամբ քով գալ 'ի պատա-
րագիլ գառնդ անարատ,
և հրեշտակային սպասաւո-
րութեամբ լցեր զեկեղեցի
քո սուրբ. և զիս զանար-
ժանս արժանաւորեա ընդ
նոսին զսրբասացութիւն քեզ
մատուցանել. ամէն :

Դոյլերն եղանակն, զՍրբասացու-
թիւնն :

Տէր իմ Յիսուս Քրիստոս
փառք քեզ. որ վասն մեր
փրկութեան խոնարհեցար

և յանձն առեր պատարագիլ 'ի միջի մերում մարմնով և արեամբ քով սրբով :

Սարկաւոբն՝ եւ եւս խաղաղու :

Խաղաղութեանց տուող Բրիստոս Աստուած՝ անկանիմ՝ յաղօթս առաջի սուրբ սեղանոյդ Աստուծոյ . և աղաչեմ՝ զքեզ ահիւ մեծաւ , ոչ խղճիւ գայթակղելով , ոչ սրտիւ խորամանկելով , ոչ պատրանօք խաբողին , և ոչ երկմիտ և թերի հաւատով . այլ աղաչեմ՝ յաղթեա խաբողին , և պահեա յուղիղ վարս , 'ի պարզ միտս , և միամիտ սրտիւ ունիլ զկատարելապէս հաւատս հա-

տուցանել զփոխարէն սիրոյ քոյ : Շնորհեա ինձ Տէր առաւելուլ 'ի յամենայն գործքս բարութեան . անկեալ կամ յաղօթս առաջի սուրբ սեղանոյդ Աստուծոյ իմոյ . և խնդրեմ՝ գտանել զոգորմութիւն քո 'ի մեծի աւուր յայանութեան քո , Յիսուս Բրիստոս փրկիչ իմ կեցո և ողորմեա :

Բահանայն 'ի Ժածուէ՝ Տէր Աստուած զօրութեանց եւ :

Թագաւոր յաւիտեանց՝ քո են ամենայն արարած և զօրութիւնք . և զմեր հողեղէն նուաստութիւնս սիրեցեր մարդասիրութեամ :

բըդ . և խոնահեցար 'ի մեր
մարդկային սպասաւորելն :
Աղաչեմ զքեզ Տէր՝ զի եւ
ինձ լիցիս 'ի բժշկութիւն շը-
նորհօք մարդասիրիդ Աս-
տուծոյ եւ Տեառնդ իմոյ
Յիսուսի Քրիստոսի . ընդ
որում քեզ Հօր և Հոգւոյդ
որբոյ փառք յաւիտեանս .
ամէն :

Սարկաւաբն՝ Ողջոյն տուք միմ-
եանց :

Մերձ առ դուռն կենաց
անկեալ կամ առաջի Տեառ-
նըդ իմոյ աղօթելով և ա-
ղաչեմ արժանաւորեա զիս
Տէր Աստուածային խոր-
հրդոյս :

Սարկաւաբն՝ Ահիւ կացցուք եր-
կիւղիւ կացցուք :

Մեծ է ահ և երկիւղ քո 'ի
վերայ իմ շնորհեա բարւօք
զգուշանալ ինձ առ քեզ՝
Տէր իմ և Աստուած :

Սարկաւաբն՝ Պատարագ Քրիս-
տոս մատչի :

Քրիստոս դառն Աստուծոյ՝
որ մատչիս պատարագ վասն
փրկութեան մերոյ . դու ես
ողորմութիւն և պատարագ
խաղաղութեան , և արժա-
նի օրհնութեան :

Բահանայն՝ Ծնորհք սէր և Աստ-
ուածային :

Հայր և որդի և սուրբ Հո-

զի՛ հանգո ՚ի վերայ իմ ըզ-
 շնորհս և զսէր քո Աստուա-
 ծային զօրութեանդ՝ զօրե-
 տուր մեզ պատարագիլ ՚ի
 քահանայէս, հատո զփո-
 խարէն ընդ հոգւոյ սորա :

Սարկաւանքն՝ Զգրունս զգրունս
 ամենայն :

Աստուած իմ առ քեզ ՚ի
 վեր ընծայեցից զմիտս իմ
 սրբութեամբ Աստուածա-
 յին երկիւղիւղ . և առ քեզ
 ունիմ յոյս իմ Տէր ամե-
 նակալ :

Սարկաւանքն՝ Եւ գոհացարուք
 զՏեառնէ :

Պահանամ արժանաւորա :

պէս բոլորով սրտիւ իմով
 զմխիթարիչ սուրբ Հոգ-
 ւոյդ :

Բահանայն ՚ի Զաւանկ՝ Արժան է
 ստուգա :

Պիտեմ Տէր՝ վասն զի ոչ
 բաւէ հանդուրժել եւ կալ
 առաջի քոյ երամ դասուց
 հրեշտակաց ՚ի լուսափայլ
 շնորհաց Աստուածութեա-
 նըդ . ով Տէր Աստուած իմ՝
 մեծ են շնորհք Աստուա-
 ծութեանդ քոյ . զի զմեզ
 արժանի արարեր զքոյին
 Աստուածային մարմինդ ՚ի
 միջիմերում պատարագ մա-
 տուցանել, և հաճելի եղել
 մեր սպասաւորելն Աստ-

ուածութեանդ քում ընդ
սերովբէիցն եւ քերովբէի-
ցրն միաձայն համարձակե-
լով եւ ընդ նոսին ասելով .
սուրբ սուրբ սուրբ Տէր զօ-
րութեանց՝ լի են երկինք եւ
երկիր փառօք քո :

Քահանայն 'ի Ժաժուկ՝ Սուրբ
սուրբ սուրբ եւ ճշմարտապէս
և :

Օրհնեմք զքեզ Աստուած
Հայր ընդ Որդւոյ միածնի
և ազատիչ սուրբ Հոգւոյդ .
որ ոչ անտես արարեր ըզ-
պարտեայն 'ի ձեռաց մա-
հու զնախնի հայրն մեր .
և զամենեսեանս , զորս քեզ
յորդեգրութիւն կոչեցրե-

մկրտութեամբ սուրբ ա-
ւազանին . եւ վասն մերոյ
փրկութեան առաքեցեր
զՈրդիդ սուրբ մարմնանալ
'ի սուրբ կուսէն , բառնա-
լով զդատապարտութիւն
յանցանաց նախամօրն մե-
րոյ , որ վասն մեր 'ի մար-
դոյս զչարչարիլն մարդա-
պէս կրեաց եւ զմեռանիլն
կամաւ Հօրդ յանձն էառ :
Զքեզ որդի Աստուծոյ փա-
ռաւրեմ , որ ետուր մեզ
հաւատացելոցս 'ի մխիթա-
րութիւն ընդ սրբոյ մարմ-
նոյ քում եւ ընդ պատուա-
կան արեանդ զհացն կենաց ,
և զբաժակն փրկութեան 'ի
մաքրումն . աղաչեմ զքեզ
Տէր՝ արժանաւորեա զիա-

զանարժանս լինիլ տաճար
մարմնոյդ սրբութեան , և
բաժակի սրբոյ արեանդ բը-
նակարան :

Յայտնի է Տէր՝ զի ոչ կա-
րէ կեալ առաջի քոյ երկինք
երկնայնօք , և երկիրս երկ-
րայնօք . այլ վասն զի քո
եղեւ կամքդ :

Քահանայն՝ Առէք կերէք , և
Սրբէք ՚ի սմանէ :

Աստուած մարդասէր՝ որ
առաքեցեր զՈրդիդ քո , և
նորին Աստուածային կարո-
ղութեամբն զհայրական գը-
թութիւն քո ծանեաք . վա-
սրն զի Աստուածապէս էր
խաչին կամօք վասն մեր .

սոյնպէս ժուժկալութիւն ե-
րեքօրեայ թաղմանն , և ե-
րանաւէտ յարութիւնն . և
Աստուածային համբարձումն
փառօք Հօրդ , և ընդ աջմէ
քումնէ նստիլն . զորս հա-
ւատամ և երկիրպագանեմ :



Քահանայն 'ի ծածոհի' Զահաւոր
և զփառաւորեալ զմիւսան :

Զքեղ Քրիստոս որդի Աստուծոյ՝ յանարատ կուսէն ծնեալ հաւատամ. և միւսանգամ գալստեանդ ակն ունիմ. և զքեղ փառաւորելով օրհնեմ յամենայնի օրհնեալ :

Քահանայն 'ի ծածոհի' Զքեղ արդարեւ Տէր Աստուած մեր :

Տէր՝ մեծ եւ ահաւոր է խորհուրդս այս խոնարհութեանդ քում. օրհնեմք ըզքեղ. զի սովաւ զմեզ զունայնացեալս ոչ անտես աբարեր. այլ սեպհականե.

ցեր. և զքեզ Տէր Աստուած գովեմք եւ փառաւորեմք յաւիտեանս. ամէն :

Քահանայն 'ի ծածոհի' Երկիրպահանեմք և աղաչեմք և :

Յիշեա Տէր՝ զի դու միայն ես մաքուր 'ի մեղաց անարատ եւ անապական հոգի Աստուծոյ. քանզի ամենքեան 'ի սաստէ քումմէ որպէս մոմ՝ 'ի հուր հալիմք. և ունիմք զքեզ միջնորդ և վասն մեր բարեխօս և պատարագիչ փրկական մարմնոյ եւ արեան փառակցին քում սրբոյ՝ ընդ ձեռամբ սուրբ քահանայիս :

Աղաչեմք զքեզ Տէր, զի

մարդասիրութեամբդ քո
արժանաւորեցեր հանգու-
ցանել 'ի վերայ սորա զը-
նորհս հոգւոյդ սրբոյ, վա-
սըն զի մեր ամենայն հա-
ւատացելոցս 'ի քեզ՝ յիւ-
րաքանչիւր կերպս և 'ի կա-
րիս որք կենդանիքս եմք
այժմ, և որք հանգուցեալք
են 'ի քեզ, ընդհանուր ա-
մենեքեանս սորին պատա-
րագչութեամբն հաստատ-
եալ կամք 'ի յոյս և 'ի հա-
ւատս մեր :

Քահանայն՝ Ընդ որս և մեզ այց
արասցես :

Աղաչեմ՝ ներեա Տէր, այց
արա և ինձ մեղուցելոյս :

որպէս զի լուացայց 'ի մե-
ղաց յառաջ քան զելանելն
իմ՝ յաստեացս և այլ ոչ եւս
դարձայց :



Քահանայն՝ Աստուածածին սրբոյ կուսին և Յով:

Ի սուրբ պատարագիս յիշատակեսցի ամենասուրբ մայրդ Աստուծոյդ . և ամենագովելի մկրտիչն . եւ նախավկայն քո . աղաչեմ յիշեա քրիստոս Աստուած և զիս զանարժանս ննջեցելովք իմովք և ողորմեա ինձ :

Սարկաւաֆն՝ Առաքելոց սրբոց :

Յիշատակաւ սուրբ առաքելոցն՝ որք դարձուցին զաշխարհս ՚ի կռոցն ՚ի պաշտելութենէ յԱստուածգիտութիւն , աղաչեմ յիշեա

զիս զանարժանս ննջեցելովք իմովք :

Սարկաւաֆն՝ Առաջնորդացն մե .
րոց :

Սուրբ առաջնորդացն եւ մերոյ հայրապետացն՝ եւ որք զմեզ լուսաւորեցին ՚ի հաւատս սուրբս . յիշատակաւ նոցին աղաչեմ յիշեա և զիս Տէր զանարժանս նրն .
ցելովք իմովք ՚ի սուրբ պատարագս :

Սարկաւաֆն՝ Միանձնացելոց :

Աղաչեմ զքեզ Տէր , աղօթիւք սրբոց միանձանց ճրգնաւորացն , եւ սրբոց նոցա

աշակերտեցան . սուրբ պատարագիս յիշատական զանարժանս ննջեցելովք իմովք յիշեա :

Սարկաւաքն՝ Թագաւորաց հաւատացելոց :

Ըստ որում յիշատակէ սուրբ պատարագս զթագաւորան և զհաւատացեալ իշխանան , աղաչեմ և զանարժանս իմովք ննջեցելովքս , յիշեցես ողորմութեամբ քով :

Սարկաւաքն՝ Ընդհանուր ամենայն հաւատացելոց :

Տէր Աստուած՝ յուսովն ամեր ակն ունիմք ՚ի շնորհս

սուրբ պատարագիս . զի սովաւ եղիցի յիշատակութիւն ընդհանուր հաւատացելոց ՚ի քեզ . և ոչ անտես առնելով զարս և զկանայս , զծերս և զմանկունս , և որք ՚ի չափ հասակի առ քեզ են հանգուցեալք : Աղաչեմ զքեզ Բրիստոս Աստուած , զի և ինձ անարժանիս՝ և ամենայն հաւատացեալ ննջեցելոցն սուրբ պատարագս եղիցի յիշատակ . Տէր Աստուած կեցո և ողորմեա :

Բահանայն ՚ի Զաքոնի՝ Յիշեա Տէր :

Աստուած յաւիտենական աղաչեմ զքեզ յերեսս անկեալ մաղթանօք . զի շնոր-

հօք ողորմութեանդ քոյ պահեցես անշարժ հաստատութեամբ զբնակարան երկնաւոր զօրութեանցդ՝ զտեղի ապաստանիս զսուրբ և զառաքելաշնորհ կաթուղիկէ եկեղեցիս, եպիսկոպոսապետ և եպիսկոպոսօք, քահանայիւք և սարկաւազօք, և զամենայն ժողովուրդն. ամէն :

Սարկաւազօ՝ Գոհութիւն և փառափանութիւն :

Քեզ Աստուծոյդ իմոյ տաց զանչափ գոհութիւն և ըզփառափանութիւն, որ արժանաւորեցեր զմեզ սրբոյ պատարագիս : Դու Տէր՝ որ ի յերկնից իջեր ի վերայ

երկրիս, խնդրելով զկորուսեալ և զմոլորեալ ոչխարս. վասն զի դու ես հովիւ բարի՝ որ եղեր զանձն քո ՚ի վերայ բանաւոր հօտիս. եւ յաշխարհ եկիր՝ զի զմեղաւորսն կեցուցես սրբութեամբ. որ և առաջինն ես եմ կորուսեալ. ողորմած, եւ յարարածս քո գթա, գթասէր. ողորմեա և ըստեղծուածոյ ձեռին քոյ, և Հայրապետիս մեր (այս անուն) կեալ որպէս վայելէ հայրապետաց սրբոց : Ընդ նմին պարգեւեա շնորհս քահանայից՝ որք այժմ աստ, և ընդ ամենայն տիեզերս սրբոյ պատարագի մատուցանողք են : Դարձեալ աղա-

չեմք զքեզ Տէր. զի տացես
 յաղթութիւն թագաւորաց
 քրիստոնէից՝ կալ ՚ի պատե-
 րազմի ընդդէմ հակառակի
 խաչին Քրիստոսիդ: Դար-
 ձեալ աղաչեմ զքեզ սուրբ
 երրորդութիւն, վասն ա-
 մենայն հաւատացելոց ննջե-
 ցելոց. առաւելապէս և
 վասն թագաւորաց մերոց,
 որք վերստին հաստատեցին
 զազգս Հայոց. սոյնպէս և
 զիս զանարժանս այժմ՝ մա-
 նաւանդ եւ զննջեցեալսն
 մեր, գթալով յիշեսցես,
 հանգո Քրիստոս և ողոր-
 մեաց ամենայնի:



Քահանայն 'Էթաթուհ' Յիշեա Տէր:

Աղաչեմ, յիշեա Տէր և ո-
 ղորմեաց այնոցիկ՝ վասն ո-
 րոց սուրբ պատարագս մատ-
 չի. և մեզ ամենեցուն գը-
 տանել զհոգեւոր պէտս և
 զմաքրութիւն մարմնոյ: Ա-
 ղաչեմ, հան յինէն զսիրտ
 քարեղէն. և շնորհեա առա-
 տաձեռն լինիլ ինձ առպէտս
 սրբոյ եկեղեցւոյ քոյ՝ տալ
 և աղքատաց վասն սիրոյ՝ և
 զհարիւրապատիկն առից.
 հանգո և զննջեցեալսն մեր,
 վասն զի ՚ի քեզ յանձն ա-
 րարաք յիշատակութիւն. և
 քեզ փառք յաւիտեանս.
 ամէն:

Քահանայն՝ եւ եղիցի ողորմու :

Օրհնեալ ես քրիստոս Աստուած մեր, որ արժանաւորեցեր զմեզ շնորհաց եւ ողորմութեան քում, պարգեւիլ մեզ սուրբ քահանայիւս : Վասնորոյ՝ զքեզ՝ ընդ Հօր եւ սուրբ Հոգւոյդ փառաւորեսցուք, այժմ՝ եւ յաւիտեանս. ամէն :

Քահանայն՝ ՚ի ԶաԶու-կ՝ Աստուած ճշմարտութեան եւ Հայր ողոր :

Տէր իմ եւ արարիչդ՝ որ ոչ գարչեցար ՚ի մէնջ կոչել ըզմեզ յորդեգրութիւն Հօրդ երկնաւորի . եւ մեք այսուհետեւ համարձակեցաք Հայր

ասել, թէպէտ եւ ոչ եմք արժանի : Բայց արդ՝ այժմ սկըսայց խօսիլ առ Տէրդ իմ. քանզի ես հող եմ եւ մոխիր իսկ, որդն եմ եւ ոչ եմ՝ մարդ, նախատինք մարդկան եւ արհամարհանք ժողովրդոց . տուր ինձ բան՝ որ բանայ զբերան իմ. զի ՚ի քէն են ամենայն տուրք բարեաց . եւ ամենայն պարգեւք կատարեալք ՚ի վերուստ իջեալ ՚ի Հօրէն լուսոյ : Պաղատիմ՝ արժանապէս եւ աղաչեմ աղերսանօք, զի մի դարձայց տառապանօք, այլ հանդիպիլ արժանաւորեցայց . յոր յուսամ . եւ այսպէս եկից ուրախութեամբ եւ հաստատեալ սրտիւ իմով :

առ քեզ: Ողորմեա ինձ Աստուած ըստ մեծի ողորմութեան քում, զի ՚ի քեզ յուսացաւ անձն իմ. ողորմեա ինձ Տէր զի հիւանդ եմ ես. ով բժիշկ հոգւոց և մարմնոց՝ ահա մերձ կամ ահաւոր բեմիդ քոյ. բուռն հարեալ զանարատ օտից քոց, այսպէս պաղատիմ և աղաչեմ հանդերձ սրտիւ բեկելով եւ խոնարհութեամբ. քաւեա զիս զմեղաւորս. թողութիւն արա ինձ անպիտանիս և տառապելոյս. նայեաց ՚ի սուրբ բնակութենէ քումմէ ՚ի վերայ իմ եղկելոյս:

Քահանայն՝ եւ սուր մեզ համարձակածայն բարբառով:

Ամենակալ Աստուած՝ և ամենայն գոյիցս արարիչ, որ զայս հրամայեցեր որդւով քով ուսանիլ մեզ աղօթելով առ Հայրդ. ոչ առաւելաբանել իբրեւ զՏեթանոս, այլ ասեմք. Հայր մեր որ յերկինս. սուրբ եղիցի անուն քո. եկեսցէ արքայութիւն քո. եղիցին կամք քո որպէս յերկինս և յերկրի. զհաց մեր հանապազօրդ՝ սուր մեզ այսօր. թող մեզ զպարտիս մեր՝ որպէս և մեք թողումք մերոց պարտապանաց. և մի տանիք զմեզ ՚ի փորձութիւն:

այլ փրկեա զմեզ 'ի չարէ .
զի քո է արքայութիւն և
զօրութիւն և փառք յաւի-
տեանս յաւիտենից . ամէն :

Քահանայն 'ի Զաճուհ' Տէր տէ-
րանց Աստուած Աստուծոց :

Յամենայնի Տէր մեր Յի-
սուս Քրիստոս՝ զքեզ ազա-
չեմ . մի տար զիս 'ի փոր-
ձութիւն և մի 'ի դատա-
պարտութիւն . այլ ողորմեա
և փրկեա և ապրեցոյ յամե-
նայն չարեաց . վասն զի քո
է արքայութիւն և փառք
յաւիտեանս . ամէն :



Քահանայն 'ի Զաճուհ' Որ աղ-
բիւրդ ես կենաց և բղխումն :

Բղխեա ծարաւելոյս 'ի շը-
նորհաց սուրբ հոգւոյդ .
վասն զի քո առաջի անկեալ
երկիրպագանեմարժանաւո-
րիչ Աստուածային լուսոյդ :

Քահանայն՝ Քրիստոսիւ Յիսու :

Քրիստոսի Յիսուսի որդւոյդ
Աստուծոյ տացուք փառք
Տեառնդ մերոյ այժմ և
յաւիտեանս :

Սարգիստիս՝ Պրօսխումէ :

Խոստովանիմ և հաւատամ
զի դու ես որդի Աստուծոյ :

որ ըարձեր զմեզս աշխարհի .
դու ես միայն սուրբ .
դու ես միայն Տէր Յիսուս
Քրիստոս :



Յորժամ Գահանայն Բարյրացոցանէ
շախեն ակներե ժողովրդեանն :

Երկիրպագանեմք քեզ Քրիստոս՝
փրկութիւն աշ-

խարհի , բան հօր , պատարագ
կենդանի , ճշմարիտ մարմին
անարատ աստուածութեան , եւ
կատարեալ մարդ . որպէս բերանովս
խոստովանիմ , նոյնպէս եւ հոգևովս
դաւանեմ և հաւատամ : Աղաչեմ
դքեզ Որդի սուրբ Աստուած Տէր
ամենակալ՝ շնորհել մեզաց իմոց
թողութիւն , եւ տալ ծառայիս
հոգի զգաստութեան . որ և փրկեցայց
քեւ ի յաւիտենական հրոյն վասըն
կամաւոր չարչարանաց քոց , զի
դու ես ճշմարիտ դառն Աստուծոյ՝
որ բաշխիս ի փրկութիւն ազգի
մարդկան , և բառնաս զմեզս
աշխարհի : Հաւատամ յամե-

Նասուրբ Երրորդութիւնն 'ի
Հայր և յՈրդի և 'ի սուրբ
Հոգին. հաւատով ճաշակեմ
զսուրբ եւ զկենդանարար
մարմինդ քո 'ի քաւութիւն
և 'ի թողութիւն մեղաց ի-
մոց. հաւատով ըմպեմ զա-
նապական և զմեղսաքաւիչ
արիւնդ քո սուրբ 'ի թողու-
թիւն մեղաց իմոց :

Քահանայն՝ Օրհնեալ Հայր սուրբ:

Օրհնեմք զքեզ Հայր սուրբ
Աստուած ճշմարիտ. և հա-
ւատամ ընդ Որդւոյ և ընդ
սուրբ Հոգւոյդ :

Քահանայն՝ Օրհնեալ Որդիդ
սուրբ :

Օրհնեմք զքեզ Որդի սուրբ

Աստուած ճշմարիտ. և հա-
ւատամ ընդ Հօր և ընդ
Հոգւոյն սրբոյ :

Քահանայն՝ Օրհնեալ Հոգիդ
սուրբ :

Օրհնեմք զքեզ Հոգի սուրբ
Աստուած ճշմարիտ և հա-
ւատամ ընդ Հօր և ընդ Որ-
դւոյ : Խոստովանիմ զերրոր-
դութիւնդ անբաժանելի և
զմիասնական Աստուածու-
թիւնդ . ամէն :

Քահանայն 'ի շաշուկ՝ Նայեաց
Տէր մեր Յիսուս Բրիստոս :

Որ 'ի Հօրէ ոչ մեկնեցար
Որդիդ Աստուծոյ . այժմ 'ի
միջի մերում շնորհք սուրբ

Հողւոյդ , արժանաւորեա
 և զիս զանարժանս՝ գտա-
 նել ողորմութիւն 'ի քէն :

Քահանայն 'ի Զաթուկ՝ Տէր Աստ-
 ուած մեր որ կոչեցեր զմեզ :

Աստուած յաւիտենից . որ
 շնորհիւ սուրբ Աւագանին
 'ի քրիստոնէութիւն կոչե-
 ցայ , և արժանի եղէ տեսա-
 նել զՊատկերդ փրկական .
 վասն զի յանճառելի միու-
 թենէդ սրբոյ երրորդու-
 թեանդ խոնարհեցար 'ի
 մարդկեղէն բնութիւնս մեր
 և մարմին ստացար յանա-
 րատ կուսէն Մարիամայ վա-
 սըն փրկութեան մերոյ 'ի
 յանցանաց . և ետուր մեզ

մխիթարութիւն : Եւ որպէս
 առեր հաց և գինի՝ յԱստ-
 ուածային մարմին և յարին
 յօրինեցեր . և ետուր քոյին
 գնեալ արեամբդ հաւատա-
 ցեալ ծառայիցդ , յիշատակ
 քեզ մնալոյ , և փրկութեան
 մերոյ : Եւ ես մեղաւորս ար-
 տասուալից հառաչմամբ գո-
 չելով այդպէս կեմ՝ առ ճշմա-
 րիտ նախատիպ և յարացոյց
 պատկերդ Քրիստոս . և որ-
 պէս զի կարող ես Տէր փըր-
 կեա զիս :

Քահանայն 'ի Սուրբ 'ի Սուրբ
 պատուական մարմնոյ և :

Սուրբ Սուրբ Սուրբ է մար-
 մինդ Տէրունական . որ վասն

մեր իջեր յերկնից և բաշխիս 'ի միջի մերում, զքեզ գիտեմ կեանք իմ և յոյս յարութեան . դու քաւիչ մեզաց իմոց և մաքրութիւն յանցանաց . և քեզ վայելէ երկնաւոր թագաւորիդ ամենայն քաղցր սաղմոսերգութիւնք և հոգեւոր պաշտօնք :

Դպիրն՝ Քրիստոս պատարագեալ :

Ով անբաւ բարեաց տեառնըդ, անկեալ երկիրպագանեմ : վասն զի սոսկալի է խորհուրդ որդւոյդ Աստուծոյ, որ այսօր պատարագեցար 'ի միջի մերում . և ըզմարմին քո բաշխելով ետուր :

մեզ 'ի կերակուր, և զԱրիւն քո սուրբ նոյնպէս ցօղեցեր 'ի մեզ : Արժանաւորեա կոչմանս 'ի ճաշակումս աղաչեմ Տէր . վասն զի քաղցրես՝ ալէլուիա . ընդ հրեշտակս քո օրհնեմք, ալէլուեա . և ընդ ամենայն քո զօրութիւնսդ՝ ալէլուիա :

Քահանայն 'ի Զաթուկ՝ Հնյր սուրբ որ անուանեցեր :

Օրհնեալ ես Հայր տեառն մերոյ Յիսուսի Քրիստոսի . որ զմեզ որդիս քո անուանեցեր մկրտութեամբ սուրբ աւազանին . և այժմ՝ անկեալ աղաչեմ զքեզ Տէր՝ արժանաւորեա փրկագործ :

սուրբ խորհրդոյդ, որպէս
 զի լիցի ինձ 'ի քաւութիւն .
 պարգեւեա 'ի շնորհաց սուրբ
 Հոգւոյդ հալածել յինէն
 զխաւար մեզաց . աղաչեմ
 Տէր՝ ամենայն կարօտելոց
 առնել զբարիս . վասն զի
 դու Տէր՝ խոստացար մեզ՝
 որոց արժանաւորին՝ զկեա-
 լըն . և եւս գոհութեամբ
 փառաւորեմք զչայր և զՈր-
 դի և զՍուրբ Հոգիդ . ամէն :

Քահանայն 'ի ԺաԺուհի՝ Հաւատով
 հաւատամ ամենասուրբ :

Չերբորդութիւնդ և զՄի-
 աստուածութիւնդ հաւա-
 տամ զչայր և զՈրդի և ըզ-
 սուրբ Հոգիդ . ամէն : Հա-

ւատով հաւատամ և երկիր-
 պագանեմ անմահիդ Աս-
 տուծոյ եւ արարչիդ ամե-
 նայն եղանակացս, որ ըզ-
 պատուական մարմինդ եւ
 զարիւնդ ոչ խնայեցեր վա-
 սըն մերոյ փրկութեան . ա-
 ըա արժանի զանարժանս .
 և ողորմեա . ամէն :

Սարկապն՝ երկիւղիւ և հաւա :

Տէր իմ եւ Աստուած իմ
 մի՛ յիշեր զմեզս իմ, զի ոչ
 եմ բաւական . ես որպէս
 զմարդ մեղայ, և դու աս-
 տուածապէս թողութիւն
 շնորհեա :

Երբ հաւարդիս ասա :

Չբերանս իմ բացի և առի

զհոգի . 'ի պատուիրանս քո
փափաքեցաւ անձն իմ :

Քահանայն՝ կեցո Տէր զժողո :

Օրհնեալ ես Աստուած ճըշ-
մարիտ որ արժանի արարեր
զիս անարժանս հաղորդիլ
մարմնոյ և արեան քում . և
կեցուցես զիս կեալ ժա-
ռանգութեամբ քո . և զօ-
րութեամբ քո բարձրացայ
'ի վերայ թշնամեաց իմոց .
լցայց 'ի բարութենէդ քում
մէ Տէր ճաշակմամբդ քոյ
սրբոյ՝ փառք 'ի բարձունս
կերակրողիդ Աստուծոյ . եւ
ակն ունիմ, զի եւ հանա-
պազ հոգեւոր օրհնութեամբ
բըդ կերակրես զմեզ . եւ

քեզ Քրիստոս Աստուած
փառք յաւիտեանս . ամէն :

Սարկաւան՝ եւ եւս հաւատով :

Մեք՝ որք ընկալաք արժա-
նաւորապէս զանմահ և զա-
նապական խորհուրդ սրբոյ
Պատարագիս՝ զՏեառնէդ
մերմէ Յիսուսէ Քրիստոսէ
գոհանամք և փառաւորեմք :

Քահանայն 'ի շաշուհ՝ Գոհանամ
զքէն Քրիստոս թագաւոր :

Քրիստոս Աստուած՝ զքէն
գոհանամ, որ արժանաւո-
րեցեր զիս զանարժանս այս
մեծի շնորհացս . այլ եւս
աղաչեմ զքեզ՝ զի սովաւ

պահեցես զիս աներկիւղ
յամենայն կրից բանսարկ-
ուին : Հովիւ բարի՝ որ վասն
հօտիդ քոյ զմահ ճաշակե-
ցեր, և ոչ կամեցար լուծա-
նիլ ՚ի հօտէդ քումմէ . այլ
արժանի արարեր քեզ հե-
տեւելոյ Աստուած իմ և Տէր
Յիսուս Քրիստոս քեզ փառք
յաւիտեանս . ամէն :

Քահանայն՝ Որ օրհնես զայնոսիկ :


Օրհնեմ զքեզ Քրիստոս Աս-
տուած, և յուսացեալ կամք
՚ի քեզ . զի և զմեզ կեցուս-
ցես փառաւորել զժառան-
գութիւնս քո . պահեա և
հաստատեա զսէր եկեղեց-
ւոյ քոյ սրբոյ, կատարել

զրումն ողջունի քոյ . աղա-
չեմք՝ և զմեզ փառաւորեա
յԱստուածային զօրութե-
նէդ քումմէ մի թողուր ըզ-
մեզ Տէր, աղաչեմ զքեզ
տուր զքո խաղաղութիւնդ
ամենայն եկեղեցեաց քոց,
և աշխարհի, և քահանա-
յից, և մերոյ թագաւո-
րիս, և ամենայն թագաւո-
րաց քրիստոնէից և զինուոր-
եալ մանկանց նոցա, և ամե-
նայն ժողովրդեանս : Վասն
զի ամենայն բարի և պարզ և
ի հօրէ Աստուծոյ ՚ի քեզ կա-
տարեալ հանգեաւ Որդի Աս-
տուծոյ Քրիստոս Աստուած,
քեզ փառք այժմ և յաւիտե-
անս յաւիտենից . ամէն :

Քահանայն՝ կատարուն օրինաց :

Քրիստոս Որդի Աստուծոյ՝ որ կատարեցեր զօրէնս եւ լցեր զամենայն ասացեալս ՚ի մարգարէիցն , լնլով ըզքոյին հայրակամ տնօրէնութիւնդ , լից և զմեզ հոգւովդ քով սրբով . եւ քեզ փառք յաւիտեանս . ամէն :





Ահա Գառն Աստուծոյ, որ բառնայ
զմեզս աշխարհի :

Ազօթք սրբոյն Յովհաննու
Գառնեցւոյ ասացեալ առ Տէ-
րըն մեր Յիսուս Քրիստոս 'ի
ժամ սուրբ Պատարագին :

Գառն Աստուծոյ Տէր իմ
և Աստուած Յիսուս Քրիս-
տոս, որ զենար 'ի վերայ
Խաչին և բարձեր զմեզս աշ-
խարհի : Մեղուցեալ ծա-
ռայս և ծանրաբեռնեալս
յանցանօք մեղաց անկեալ
աղաչեմ զքեզ Տէր իմ և
Աստուած իմ : Ողորմեա ինձ
որպէս ողորմեցար համօրէն
ամենայն աշխարհի, զի դու
ես յոյս և լոյս աշխարհի,
ճանապարհ և ճշմարտու-
թիւն և կեանք :

Զմահացեալս մեղօք և զանօրինեալս յանցանօք՝ մի անտես առներ Տէր իմ. այլ ողորմեա ինձ վասն ամենայն տնօրինական կրիցդ՝ որոց տարար համբերութեամբ բազմաւ :


Յիշեա ամենակեցոյց Տէր՝ զիջումն քո ՚ի հայրական ծոցոյ, եւ զմարմնանալն ՚ի սուրբ կուսէն Մարիամայ : Յիշեա ամենօրհնեալ Տէր՝ զըջիլն քո որպէս զմարդ ՚ի մէջ մեղաւորացս մարդկան : Յիշեա ամենեցունց սուրբ Տէր զմկրտիլն քո ՚ի Յորդանան ՚ի Յովհաննէ : Յիշեա ամենագէտ Տէր՝ զգորովանան ՚ի դպրացն, և զփորձանան ՚ի փարիսեցւոց : Յիշ-

եա յառաջատես Տէր՝ ըզմատնիլն ՚ի Յուդայէ, և ըզքամահիլն ՚ի քահանայիցն : Յիշեա ամենօրհնեալ Տէր զըմբռնիլն ՚ի պարտիզին, և զձեռնակապիլն ՚ի խուժանէն :

Յիշեա ամենակարող Տէր զկալն առաջի կայիափայի, և զհարցումն ՚ի յԱննայէ : Յիշեա անոխակալ Տէր՝ զապտակն և զկառափն ՚ի կատաղեացն : Յիշեա արքայ արքայից՝ զկապանօք կապիլն ՚ի յատենի Պիղատոսի, և զգանիլն ՚ի նմանէ : Յիշեա երկայնամիտ Տէր՝ ըթուքն յեփրայեցւոց, եւ զձեճն եղեգամբ : Յիշեա անմուռաց Տէր՝ զքղամիթն :

կարմիր, և զպսակն փշեղէն :
 Յիշեա անյիշաչար Տէր՝ ըզ-
 ժամն զայն յորժամ՝ բար-
 ձեր զոթաչափայտն կենսա-
 բեր ուսովդ : Յիշեա բարձ-
 րեալ՝ զբարձրանալդ քո՝ ի
 վերայ կենսաբեր սուրբ իա-
 չին, և զպարապնդ իլն բե-
 ւեռօք : Յիշեա մի՛ մոռա-
 նար զպասքումն ծարաւոյն՝
 զճաշակ լեղւոյն և զքացա-
 խոյն : Յիշեա մի՛ մոռանար
 զձայնն էլի՛ էլի՛ և զխոցումն
 ՚ի զինուորէն : Յիշեա մի՛ մո-
 ռանար զհոսումն վարդա-
 գոյն սուրբ արեանդ, և զխո-
 նարհիլն աստուածացեալ
 գլխոյդ : Յիշեա կենդանիդ
 յաւիտենից զթաղումն ե-
 րեքօրեայ և զյարութիւնդ

աստուածապէս, և զհամ-
 բարձումնդ հրաշափառ :
 Յիշեա յիշատակդ յաւիտե-
 նից՝ զկորուսեալս, քանզի
 վասն մեղաւորացս յանձն
 առեր զայս ամենայն ամե-
 նագութդ Տէր : Արդ՝ զայս
 ամենայն ունիմք առ քեզ
 միջնորդ և բարեխօս, բա-
 զումնորմ, ողորմեա ինձ և
 թող զամենայն յանցանս
 իմ. սրբեա ՚ի մեղաց. ա-
 զատեա յամենայն վշտաց
 գեհենոյն. և տուր ինձ տե-
 ղի յարքայութեան քում.
 զի դու ես մարդասէր Տէր՝
 և քեզ վայելէ փառք իշխա-
 նութիւն և պատիւ այժմ և
 միշտ և յաւիտեանս. ամէն :



Եւ հասնին զՅիստոս առաջի Պիղատոսի :

ԱՂՕԹՔ

ՆԱԽ ՔԱՆ ԶՀԱՂՈՐԴՈՒԹԻՒՆՆ



ԻՒՌՈՑ ՍՐՏՅՑ ԽՅՍՔ ԸՆԴ ԱՍՏՈՒԵՌՈՑ
ԲԱՆ ԻԿ:

Ա. Եւ քանզի ընդ ողբա-
ձայնիցն բանաստեղծու-
թեանց վերընձայելոց զԳը-
րութիւն թուոցս յարմա-
րեցի կական և հեծութիւն,
հառաչանք կողկողագինք,
դառնութեան լալումն եւ
արտասուաց երգ, դարձ-
եալ սկսայց զճառ պաղա-
տանացս խոստովանօրէն

զղջականաբար զգալտնա-
ծածուկն յայտնաբարբառ .
զի անդրադարձութեամբ
սկզբմամբն . և վերջաւորո-
քըն բառիւք . զնոյն համա-
ձեւութիւն 'ի մի թախանձ
նմին մաղթանաց հոգեկե-
ցոյցն խոնարհութեան աս-
տանօր եղից :

Բ. Մեղայ մեծիդ բարերա-
րութեան՝ անարգս մեղայ .
մեղայ ծագմանդ ճառագայ-
թից՝ խաւարս մեղայ . մե-
ղայ շնորհացդ անբաւ ե-
րախտեաց՝ արդարեւ մե-
ղայ . մեղայ սիրոյդ վերնում՝
գթութեան՝ յայտնապէս մե-
ղայ . մեղայ ստացողիդ յո-
չէութենէ՝ ստուգապէս մե-
ղայ . մեղայ գերունակ գո-

գոյդ գրկանաց՝ անբաւս մե-
ղայ . մեղայ աննուազ լու-
սոյդ վայելման՝ նենգօղս մե-
ղայ . մեղայ ճաշակման ան-
ճառդ կենաց՝ բազումս մե-
ղայ . մեղայ անհաս պարգե-
ւացդ ձրից՝ հանապազ մե-
ղայ . մեղայ գովեալ մարմ-
նոյդ Աստուծոյ՝ մահու չափ
մեղայ . մեղայ պաշտելի ար-
եան արարչիդ՝ իսկապէս մե-
ղայ : Ահա արդարեւ օրհ-
նեալ է հաստուած բանի
յուսադրական սրտի այսր
մեղայի , սոյն սա պատուե-
լի աւանդ , անմուաց պատ-
ուէր , հայրենեացն տուր ,
նախահարցն օրէն , համայ-
նից թոշակ , անհերքելի
բան , զօրաւոր պատասխա-

նի , կենդանութեան կամուրջ , ախորժելի վերնոյն , սիրելի սրբոց , անխղելի կապ , հրաշալի բարբառ , անշրջելի պատճառ , բաղձալի աղերս , փափաքելի սեղան , սրտաբեկ հնչումն , անհրնարին ճարակ , կարծրութեան վանիչ , աստուածապաշտից սահման , հեթանոսաց դիրք , վաղնջուց կանոն , քրիստոնէից հարազատ , արարչութեանն յաղթող , անջրպետ հզօր , խրտրոց ահաւոր , արուեստ բարձրութեան , խորութիւն անչափ , հիացման տեսիլ , խորհուրդ կնքեալ , ընդ որ չիք ումք անցանել , եթէ ոչ անըմբռնելի

մտաց արագման զսա ծանիցէ : Չայն բարեպատեհ հրաշաւորական , որ ոչ յիշատակեցաւ 'ի վերջին դատակնիք դասուն լքելոյ . գուցէ առ նմին խղեալ համառօտ զվրիժակն իրաւանց մահուն հասելոյ , յորմէ ընտրութիւնն ապագործ եղեալ , զսահմանն յաւիտենական քակտեսցէ : Զարդ փառաց մեծութեան , որով նոյն ինքն Աստուածութեանըն պսակեալ բարդաւաճի : Քանզի ո՞վ ոք դիմեալ կալաւ զեղջերաց սեղանոյ այսր սրբութեան , և ոչ առ ժամայն պրծեալ 'ի պատժոց անարատ գտաւ : Իսկ եթէ Աքար զարմեան , և

Սաւուղ կիսեան, և Յուդա սիմոնեան. ասելով զսոյն ոչ արդարացան, և ես վկայեմ իրաւամբք խոստովանեալ զայս պայման բանի, զի ահամայիցն բռնադատելոց ոչ է կատարեալ սէր, ուստի և ոչ բովանդակապէս փրկութիւն: Իսկ ես կամաւ համբուրեմ դարձեալ կրկնելով զերջանիկ բանիդ զմկրտութեան հարազատս:

Գ. Մեղայ երախտեացս մուռացութեան՝ վերստին մեղայ. մեղայ մարմնոյ ձեռն հոգի հարեալ՝ յիմարս մեղայ. մեղայ առ կեանսդ դրժողութեան՝ իսկ և իսկ մեղայ. մեղայ բանիդ ա-

պախտ առնելոյ՝ չարաչար մեղայ. մեղայ ՚ի հօր սատակման ինձէն ստիպեալ վատթարս մեղայ. մեղայ պարտականս անկենդան մահուն՝ ձաղելիս մեղայ. մեղայ անպատկառս քո բարձրութեան՝ տաղտկալիս մեղայ: Վերջին ինձ կրկին աշխարհ հոգեւոր՝ զի ՚ի կորուստ և ՚ի կործանումն ինձ երեւեցաւ, զի անդարձս վարատեցայ, զի որդիս թշնամի զբեցայ, զի ՚ի բարձանցն երկնից ընկեցայ, զի փուշս վարուց դիզի: Եւ ես առ սմին ողբք աղաղակի, զի անձամբ զանձըն անարդեցի, զի բագին կորուսչին գտայ: Ա. յլ իմն

կսկիծ դժնդակ սրտի , զի զիս ունին առ որ չեմ , զարտաքնայարդար բաժակս անմաքուր , զբռեալ որմն գարշունակ , զսին պարծանօք պաճուճեալս , զլոյսս ՚ի մռայլ շրջեալ , զգերանակիր ակնս՝ թշուառացեալ , զջահս փառաց՝ շիջեալ , զամենայնիւս յամենայնի ամենայն իրօք մնասակարս , առ տնօրինականսն տէրունականս , առ յայտնութիւնսն Աստուածայինս , առ երեւմունսն արարչագիրս , առ խոնարհութիւնսն սարսափելիս , առ այն զոր տեսի աչօք իսկ իմովք , առ որ մեծ է պատասխանատուութիւնս քան առ

համօրէն աւետարանին զարմանս , հիացմունս , հոգս հալողականս , անդամունս անհնարաւորս , թուականութիւնս մտաց անբարգելիս , ելմունս անկատարս , իջմունս անհաստատս , յուսահատութիւնս յարմարականս , յանդիմանութիւնս պատշաճականս , ձաղանս պատեհագոյնս , նզովս իրաւացիս , անէծս արժանահատոյցս : Արդ այսօքիկ են մեղաւորիս իմ կշտամբութիւնք , և ինքնահարուած տանջանաւորութիւն :


Դ. Եւ քանզի կարող ես զայս ամենայն զպարտս թողուլ և զխայթուածս մահու բռտըչկել , Տէր ողորմութեանց ,

Աստուած բոլորից , Քրիստոս թագաւոր բարձրեալ Հօր որդի , ստեղծիչ գթած բարերար , օրհնեալ առատ հարուստ . ահաւոր հզօր ողորմած , տեսուչ ձեռնկալ հաստիչ , ապրեցուցիչ դարմանիչ կեցուցիչ , երկայնամիտ անոխակալ ապաւէն , բժիշկ գովեալ երկնաւոր , անճառ լոյս կեանք , յարութիւն նորոգութիւն քաւութիւն . եթէ հայեսցես մարդասիրութեամբ , ըստ որում քոյդ են սովորութիւնք , նայեցեալ ի քեզ կողկողիմ և ես . եթէ լուրցես , հառաչեմ . եթէ ունկըն մատուցանիցես , պաղատիմ . եթէ անսայցես , ա-

ղերսեմ . եթէ ներեսցես , աղաչեմ . եթէ առ իս դառնայցես , գոչեմ : Ապա եթէ անտես առնիցես , կործանիմ . իսկ եթէ առ ոտն հարկանիցես , լամ . եթէ զողբպահն ոչ ընծայեսցես , մեռանիմ . ապա եթէ ահարկու դէմն ցուցանիցես , սատակիմ . իսկ եթէ սաստեսցես , դողամ . եթէ խեթիւ տեսանես , սոսկամ . ապա եթէ սաստկանաս , սարսափեմ . եթէ հալածես , հեծեմ . իսկ եթէ ընդ վայր հարկանիցես , հերքիմ . եթէ զողբոց վհատութիւնս ոչ առցես , տագնապիմ . եթէ խոստանաս , փախնում . ապա եթէ սպառնաս , ընկ-

ճիմ: իսկ եթէ քննես, քարկոծիմ. ապա եթէ ուժգինս ակնարկես, սուզանիմ. եթէ ոչ անխայեսցես, մերժիմ. եթէ կոչեսցես, խիթամ. իսկ եթէ աչս յառեսցես, ամաչեմ. եթէ ձայն տացես, երկնչիմ: Զբարեացն պարգեւ մատնեալ, զերանութիւնն թողեալ, զչնորհն լքեալ, զուխտն ցրեալ, զաւանդն կենաց մոռացեալ, զհամարձակութեանն վստահութիւն կորուսեալ, զստեղծիչդ էիցս բարկացուցեալ, զանճառութիւն շնորհին ընդ ուտընեալ, զպատուոյն պատկեր այլայլեալ: իսկ եթէ առայս խեղդ մահու հեծու

թեան ցաւոյ մարդասիրեալ՝ առ իս ժամանեցուցես, Տէր Յիսուս Գրիստոս զազդեալն գիր ընանիլ 'ի յիս, եթէ բժշկութիւն զաղարեցուցանէ զմեղս մեծամեծըս, որով ամենառատ քաղցրութեամբ պատուատեալ 'ի քեզ զքոյդ կերպարան լուսոյ նկարեալ յողի՝ վերստին գտեալ պընդեցայց քաւեալ. և ստեղծեալ կրկին 'ի փրկութիւն անմահից կենացն անախտականաց. և քեզ ընդ Հօր հոգւովդ սրբով փառք յաւիտեանս. ամէն:



Ահա Գառն Աստուծոյ, որ խառնայ
զմեզս աշխարհի :

ԱՂՕԹԻՔ

ՅԵՏ ՀԱՂՈՐԴՈՒԹԵԱՆ



Ի ԽՈՐՈՑ ՍՐՏԵՑ ԽՅՍՔ ԸՆԴ ԱՍՏՈՒԾՈՅ
ԲԱՆ Ե :

Ա. Եւ արդ ես երկրածինս
մարդ՝ կենցաղականաւ ան-
կայուն քոյիւ զբաղեալ. եւ
յիմարութեամբ պատրողա-
կանաւ դինեաւս յիմար-
եալ, որ ամենայնիւ ստեմ
և ոչ միով իւիք ճշմարտեմ :
Քանզի որովք դիմօք վերա-
գրեցելովք նշանակօք ա-

ղարտեցելովք՝ յանդգնեցայց լինել յանդիման քում՝ դատաստանիդ ով իրաւադատ ահաւոր, անճառ, անպատում, հզօր Աստուած բոլորից: Քանզի դասեալ աստրատին՝ ՚ի սոյն զապերախտութիւն մեղուցեալ անձինս առ քումդ երախտիս, ցուցից զիրաւունս քո միշտ զօրացեալ և զանիրաւութիւնս իմ՝ յաւէտ պարտաւորեալ: Որ արարեր զիս ՚ի քո պատկեր պանծալի՝ ՚ի ձեռն վեհիդ տպաւորութեան ըզտկարս օժանդակելով:

Բ. Չարդարեցեր բանիւ, փայլեցուցեր փշմամբ, մրտօք ճոխացուցեր, իմաստիւք աճեցուցեր, հանճա-

րով հաստատեցեր. ՚ի շնչականացն որոշեցեր, հոգւով իմանալեալ խառնեցեր, իշխանականին գոյիւ պճնեցեր, ծնար հայրաբար, սընուցեր դայեկապէս, տածեր ստացողապէս, տնկեցեր զամբարիշտս ՚ի քումդ գաւթի, ջրովն կենաց ոռոգեցեր, աւազանին ցօղով մաքրեցեր, կենացն վտակաւ արմատացուցեր, հացիւդ երկնայնով ջամբեցեր, Աստուածային արեամբդ արբուցեր, անհպիցն և անհասանելեացն ընտանեցուցեր, զաչս երկրեղէն ՚ի քեզ համարձակեցեր, լուսովդ փառաց վերածածկեցեր, զհողանիւթ մատունս

անմաքուր ձեռացս 'ի քեզ
մատուցեր . զմոխիրս անարգ
մահացու՝ իբր զնշոյլ լուսոյ
յարգեցեր . զՀայր քո հզօր
ահաւոր օրհնեալ՝ մարդա-
սիրապէս և անարժանիս ի-
մոյ անձին կնքեցեր : Ոչ կի-
զեր զբերանս լցեալ նան-
րութեամբ 'ի ժառանգակի-
ցն կարդալ զքեզ , ոչ կըշ-
տամբեցեր զյանդգնեալս 'ի
քոյ կցօրդութիւն , ոչ ըստ-
ուերացուցեր զտեսիլ աչա-
ցրս 'ի քումդ ակնարկու-
թիւն , ոչ արդելանաւ կա-
պանաց ընդ մահապարտացն
տարագրեցեր , ոչ խորտա-
կեցեր զդաստակ բազկիս՝ որ
անմաքրապէս առ քեզ համ-
բառնայր , ոչ մանրեցեր զոս .

տրս իմոց մատանցս 'ի շօշա-
փելն զբանդ կենաց , ոչ պա-
տեցին զինեւ մառախուղք
'ի ձօնելն զքեզ՝ ահաւոր ,
ոչ փշրեցեր զպարս ատա-
մանցս յըմբօշխնելն զքեզ՝
անսահմանելի , ոչ գնացեր
բարկութեամբ խոտորնակ՝
խոտորնակի ընդ վրիպեալ
տունն իօրայէլի , ոչ խայտա-
ռակեցեր 'ի հարսնարանիդ
զանարժանս քումդ պարեր-
դութեան , ոչ 'ի գձուձ հան-
դերձին տեսիլ զանօրինեալս
յանդիմանեցեր , ոչ կապա-
նօքձեռացս և ոտիցս յարտա-
քին խաւարն հալածեցեր :
Գ. Չայս ամենայն մատունս
բարեաց և զներելոյդ եր-
կայնմտութիւն ընկալեալ 'ի

քէն՝ բարերար , օրհնեալ
 և յամենայնի միշտ երկայ-
 նամիտ , փոխադրեցի վնա-
 սակարս պարտեաց՝ անթիւս
 և բազմօրինակ անօրէնու-
 թիւնս , մարմնականաց և
 անձնականաց՝ ամենակիր
 բազմածուր խորհրդոց , յուզ-
 մանց երկրագարշութեանց :
 Զայսօսիկ քեզ Աստուած իմ
 և Տէր , ընդ այսքանեաց
 բարեաց փոխաբերեցի , զայս
 քեզ ինձէն հատուցի չարիս ,
 ըստ մովսիսեան յանդիմա-
 նութեանն առակի , մոռա-
 ցեալ գիմաստութիւն և սի-
 րողս յիմարութեան : Զայսց
 բարեաց երախտեաց կաճա-
 ռս՝ ընդունայնութեան
 գնացիւք՝ չարաչար ունայ-

նացուցի . զայս լուսաւորու-
 թիւն շնորհաց անճառից՝ ի
 բարձրելոյդ խնամոց բար-
 դեցեալ՝ մըրկաւն խելագա-
 րութեան ցնդեցի : Եւ թէ-
 պէտ բազում անգամ ծա-
 նուցար կարկառմամբ ձե-
 ոին քո այցելութեան ձգել
 զիս առ քեզ , ոչ հաւանեցայ
 ըստ մարգարէին որ զիսրա-
 յելէ ամբաստանութեան .
 և թէպէտ խոստացայ դաշ-
 նաւորեցի քեզ հաճոյանալ ,
 և ոչ ընդ այսմ սահմանա-
 ուխտիւ փակեցայ , այլ դար-
 ձեալ զնոյն նիւթեցի չարիս .
 անդստին յոճն առաջին
 մատեայ , փշոցն մեղաց հեր-
 կեցի զանդաստան սրտիոյ յո-
 րումանն արդիւնատրութիւն :

Առ իս ելանեն առած քաստուածարեալ սուրբ մարգարէիցն . քանզի մնացեր յինէն խաղողոյ . և ես ընդ այնորիկ փուշ շառաւիղեցի . դարձայ յանախորժ դառնութիւն պտղոյ՝ այգիս օտարացեալ . բուռն հարի զանհաստատ հողմոյ որովք միշտ տատանեալ այսր անդր տարաբերիմ . ըստ ձայնի երանելոյն Յորայ ընդ ճանապարհ իմն անդարձ գնացի . ՚ի վերայ աւազոյ շինուածս յիմարութեան կառուցի : Լայնատարր հետովք խաբեցայ կենացն անձկալեաց հասանել, փակեցի ինձէն զելիցն ուղեւորութիւն . բացի կա-

մաւ զկորստեան խորխորատըն : Խցի զպատուհան լըսելեացս իմոց առ բանիդ կենաց ընդունելութիւն . կափուցի զաչաց հողւոյս հայեցուած առ ՚ի զկենացն դեղնկատել : Ոչ ընդոստեայ ՚ի թմբութեանց լքմանէ մտացս ՚ի պատգամ փողոյդ ահաւորութեան . ոչ զգաստացայ ՚ի բողոք գուժի հըրափորձական աւուրն ընտրութեան . ոչ երբէք զարթեայ ՚ի նիրհմանէ քնոյն մահացուի, որ ՚ի կորուստն կարապետէ : Ոչ ետու հանգիստ քոյ հողւոյդ ՚ի մարմնեղէնս տաղաւարի, ոչ ընդ բնութիւն շնչոյս խառնեցի զմասն շնորհաց քումդ պար-

գ եւ ի . իմոյս ձեռօք կոչեցի
կորուստ , ըստ առակողին ,
զհոգիս կենդանի մահացու-
ցանեւ :

Դ. Եւ զինչ է ինձ սակաւս
և նուազագոյնս յօղել սահ-
մանս կսկծելիս չափաբերա-
կանս , մինչ անցեալ է ըստ
քանակութիւն և վրիպեալ
ըստ բժշկութիւն : Արդ քո
է ընձեռել կեանս հոգևով
մեռելոյս , և անսխակալու-
թեամբ մատչել առ այցե-
լութիւն դատապարտելոյս
որդի Աստուծոյ կենդանւոյ .
քեզ վառք յամենայնի
ամէն :



ԱՂՕԹԻՔ

ԱՌ ՀԱՅՐՆ ԱՍՏՈՒՄԾ

Փառք քեզ Աստուած հայր
ամենակալ՝ հզօր և ամե-
նայնի կարող , որ միայնդ ես
և ամենեցուն օգնես երկ-
նաւորաց և երկրաւորաց .
և առատապէս լնուս զպէտս
ամենեցուն : Տուր մեզ Տէր
աղաչեմք զքեզ՝ յաղթել
արին . և մի տար զմեզ ի

փորձութիւն . այլ փրկեա
յաներեւոյթ գաղանէն վա-
սըն անուանդ քում սրբոյ :



ԱՂՕԹՔ

Ի ԴԷՄՍ ՈՐԴԻՈՅ

Օրհնութիւն քեզ որդի Աս-
տուծոյ Տէր մեր Յիսուս
Քրիստոս՝ որ յայց ելեր մեզ,
և եկիր ՚ի փրկել զարարածս
քո . գթած և մարդասէր
Տէր՝ զքո սուրբ տնօրէնու-
թիւնդ առ քեզ բարեխօս
ունիմք , զոր կամաւորու-
թեամբ յանձն առեր : Զծը-
նունդն , զմկրտութիւնն ,
զխաչելութիւնն , զթաղում-
նըն , զյարութիւնն , և զաստ-
ուածապէս ամբարձումնն .
մի անտես առներ զմեզ , զոր
գնեցեր պատուական ար-
եամբդ քով սրբով :



ԱՂՕԹՔ

Ի ԴԷՄՍ ՍՈՒՐԲ ՀՈԳԻՈՅՆ

Գոհութիւն մատուցանեմք
բեզ սուրբ հոգի Աստուած

ճշմարիտ՝ արեգակն արդա-
րութեան, որ ծնար զմեզ
վերստին յարգանդէ սուրբ
աւազանին՝ յորդեգրու-
թիւն Հօրն երկնաւորի :
Ծագեա ՚ի սիրտս մեր և
լուսաւորեալ ջեռացո զհո-
գիս մեր ՚ի սէր սրբութեան
վաստակիլ ՚ի փրկութիւն
անձանց մերոց, ՚ի պատիւ
և յերկրպագութիւն սուրբ
երրորդութեանդ և մի Աստ-
ուածութեանդ : այժմ՝ և
միշտ և յաւիտեանս :





ԱՂՕԹԻՔ

ԱՌ՝ ՏԷՐ ԱՍՏՈՒԱՆԾ

Աստուած Աստուած իմ՝
որ քննես զսիրտս և զերի-
կամունս . հայեաց յերկնից
'ի սրբութենէ քումմէ . և
տես զտարակուսեալ անձն
Եղկելոյս . 'ի յանցանաց ա-

զատեա զպարտաւորս , և
'ի մեղաց մաքրեա զբազմա-
մեղս : Մի՛ ընկենուր զիս
յերեսաց քոց Տէր , և մի՛
ընդ վայր հարկաներ զիս
վասն մեղաց իմոց : Աղա-
չեմ զքեզ Տէր՝ զօր վախճա-
սին իմոյ 'ի պատշաճի արա ,
և զհրեշտակ խաղաղութեան
առաքեա առ ծառայս քո :
Չհոգեւորքն իմ թեթեւ ա-
րա , և զհոգիս իմ խաղա-
ղութեամբ անցո ընդ չա-
րութիւն այսոյն՝ որք են
'ի ներքոյ երկնից . խաւա-
րեցին աչք նոցա զի մի
տեսցեն , և զչարութիւն
նոցա կործանեա . սաստիկ
սաստիւ քո Տէր սպառեա-
ցին . սպառնալիք նոցա ըմ-

բըռնեսցին :

Զարհուրանք նոցա ընկրկեսցին . գնացք նոցա ըմբըռնեսցին . բռնութիւնք նոցա խափանեսցին . չարխորհուրդք նոցա տոչորեսցին . տարափք նոցա ջարդեսցին . ջոխրք նոցա կըռփահարեսցին . կռիւք նոցա ջնջեսցին . ջանք նոցա և բանակք բեկցին :

Զօրքն զարհուրեսցին . չըչընջմունքն շիջցին . պատերազմունքն պարտեսցին . յարձակմունքն արձանասցին . զէնքն խորտակեսցին . աղաղակքն աղարտեսցին . մեքենայքն մանրեսցին . ըսպառազէնքն սպառեսցին . ցասմունքն ցածասցին . մեկ-

նազէնքն մորմոքեսցին : Ամբարտաւանութիւնքն ամաչեսցեն . քաջքն քամահեսցին . չրբութիւնքն լլկեսցին , և միանգամայն ամենայն միաբանութիւնք նոցա 'ի սկզբանէ քակտեսցին . զի փառաւորեցից զամենազօր տէրութիւնդ այժմ և միշտ :





ԱՂՕԹՔ

ԱՌՍՈՒՐԲ ԽԱԶՆ ՔՐԻՍՏՈՍԻ

Տէր Յիսուս Քրիստոս նը-
շանի խաչի քո երկիրպա-
զանեմ, և աղաչեմ վասն
զօրութեան քո՛յ՝ զոր գոր-
ծեցեր 'ի սմա . զհոգի և
գմարմին իմ 'ի մեղաց և

յամենայն չարեաց պահեա
'ի խոտորմանց և 'ի նենգու-
թեանց թշնամոյն փրկեա ,
և արժանաւորեա յաւիտե-
նական ուրախութեանցն
արժանապէս :

Փրկիչ աշխարհի՛ մի թողուր
զիս . զի դու իսկ արժանա-
ւորեցեր ելեալ քո 'ի խաչ
վասն իմ . հովանասցիս և
փրկեսցես յաւուր նեղու-
թեան : Սուրբ խաչ Քրիս-
տոսի՛ որ քեւ փրկեալ եմ ,
քեւ լիցի թողութիւն և քա-
ւութիւն մեղաց իմոց : Սուրբ
խաչ ապրեցո զիս վասն նո-
րա որ կախեցաւ զքէն :
Սուրբ խաչ՝ պահեա զիս
վասն նորա որ զգեցաւ մար-
մին և չարչարեցաւ 'ի քեզ :

Փրկիչ Տէր՝ փրկեա զիս վասն
 զօրութեան խաչի քո, և
 յամենայն չարեաց պարըսպ-
 եա: Խաչ քո Տէր Յիսուս՝
 զոր ես երկիրպագանեմ. ե-
 ղիցի ինձ ՚ի փրկութիւն,
 կեանք, զէն յաղթութեան,
 և օգնականութիւն այժմ և
 ՚ի հանդերձեալն. և քեզ
 փառք յաւիտեանս:





Չէ աստ այլ յարեառ :



ԱՂՕԹՒՔ

ԱՌ՝ ՈՌԻՐԲ ԱՍՏՈՒԱՆՄԵՒԻՆՆ

Ով ամենասրբունի Աստուածածին պարծանք կուսութեան, ճրագ պայծառագոյն քան զարեգակն : Ով ջահ փայլուն քան զլուսին և զաստեղս : Ով աթոռ քերովբէական բարձրագոյն քան զերկինս : Ով սերովբէ հողեղէն վեհագոյն քան ըզհրեշտակս, և պատուականագոյն քան զանմարմին դասըս երկնաւորաց : Ով պարծանք կուսանաց և փառք ամուսնացելոց :

Դու ես հարսն անսկզբնա-
կանին, դու ես մայր մարմ-
նացելոյ միածնի որդոյն Աս-
տուծոյ. դու ես բնակարան

հոգւոյն սրբոյ:

Քեւ հաճեցաւ Աստուած
ընդ մարդկային բնութիւ-
նըս՝ որ մեղաւ. քեւ բացաւ
փակեալ դուռն դրախտին:

Քեւ օրհնեցաւ երկիր յա-
նիծից նախահօրն. քեւ
տնկեցաւ քաղցրութիւնն և
ճշմարտութիւնն յերկրի:

Քեւ ծանեաք զԱստուած.
քեւ անուանեցաք քրիտոն-
եայ. քեւ ընկալաք զապաշ-
խարութիւնն ՚ի թողութիւնն
մեղաց: Քեզ միայն տուաւ
համարձակութիւնն բարեխօ-

սել վասն ազգի մարդկան:

Ով որովայն աստուածակրող
մայր աստուածածնող: Աստ-
ուածաշօշափ ձեռն. աստ-
ուածահանգիստ գիրկք.
աստուածադիաց ըստինք.
աստուածաբարձ բազուկք.
աստուածամերձ բերան.
աստուածահամբոյր շըր-
թունք. աստուածահայեաց
աչք. աստուածախօս լեզու.
աստուածընկալ խորան.
աստուածաբնակ տաճար:
Մի՛ մոռանար զխոստովանու-
ղըս քո, որք քեւ փառաւո-
րեն զՀայր և զՈրդի և ըզ-
սուրբ Հոգին՝ այժմ և միշտ
և յաւիտեանս, ամէն:



ԱՂՕԹՔ

ԱՌ. ԵՐԿՆԱՅԻՆ ԶՕՐՄՆ

Սուրբք և սիրեցեալք յամենասուրբ երրորդութենէն, հոգիք հարկաւորք Գարրիէլ, Միքայէլ, Ուրի-

էլ, Ռափայէլ, հրեշտակք, հրեշտակապետք, պետութիւնք, իշխանութիւնք, տէրութիւնք, սերովբէք, քերովբէք, աթոռք հրեղէնք, բոցեղէնք, լուսեղէնք, և այլ ամենայն դասակարգութիւնքդ երկնաւորք, որոց առաջի անկանիմ՝ և զարգարողին ձերոյ Տեառն Աստուծոյ երկիրպագանեմ, և խնդրեմ՝ ի ձէնջ հայցել ՚ի Տեառնէ զթողութիւն յանցանաց և զքաւութիւն մեղաց իմոց քանզի ձեզ տուեալ է համարձակութիւն վասն բարեխօսութեան ամենայն մեղաւորաց ։

Դուք սուրբ էք՝ և առ ամե-

նասուրբսն մօտակացք ,
 դուք անմարմինքէք և ան-
 մեղանչականք , իսկ ես
 մարմնաւոր եմ՝ և մեղան-
 չական . դուք անմահ և ՚ի
 լոյս բնակեալ , իսկ ես մահ-
 կանադու և խաւարաւ մե-
 դաց ծածկեալ . դուք թե-
 թեւ ընթացք և քան զմիտս
 երազունք , իսկ ես ծան-
 րացեալ մեղօք և զառած-
 եալ յանցանօք : Վասնորոյ՝
 աղաչեմ զձեզ աղաչեցէք
 վասն իմ զՏէր, և հայցեցէք
 զթողութիւն բազում յան-
 ցանացս , քանզի յօժար է՝ ի
 փրկութիւն կորուսելոյս . մի
 անփոյթ առնիցէք զննդիր
 տարակուսելոյս , այլ միա-
 ւորեալ զաղաչանս մեղուցե-

լոյս ընդ ձեր ամենամաքուր
 մաղթանացդ՝ մատուցէք
 խնդրողին զկորուսեալս , զի
 փրկութեամբս իմով ուրա-
 խութիւն արացէ ձեզ Տէր
 ՚ի յերկինսդ . և ես ձեր միջ-
 նորդութեամբ սրբեցայց ՚ի
 մեղաց և ազատեալ յամե-
 նայն յանցանաց՝ փառա-
 ւորեցից ընդ ձեզ զամե-
 նասուրբ երրորդութիւնն
 զՀայր և զՈրդի զսուրբ Հո-
 գի . այժմ՝ և միշտ և յա-
 ւիտեանս յաւիտենից . ամէն :




ԱՂՕԹՔ

Մեծօրովբայ վարդապետին
վասն ճանապարհի :

Առաջնորդ կենաց և ճանապարհ՝ ճշմարտութեան ճէր մեր Յիսուս Քրիստոս, որ առաջնորդեցեր Յովսեփու յեգիպտոս, և իսրայէլացւոցն ընդ ծովն կարմիր, և Մովսէսի ՚ի լեառն Մինէական, և ժողովրդեանն յերկիրն պարզեաց, և կղէովպեանցն ճանապարհակից եղեր յԵմմաւուս : Աղաչեմ գրեզ ճէր՝ առաջնորդեա ինձ և եղբարց իմոց գնալ խաղաղութեամբ :

զառաջիկայ ընթացս . փրկեա յերեւելի և յանբեւոյթ թշնամւոյն, և բարի առաջնորդեա ՚ի գէմ եղեալ տեղին . զի դու ես ճանապարհ և ճշմարտութիւն և կեանք մեր . այժմ և միշտ և յաւիտեանքս . ամէն :





Խաչ քո եղիցի մեզ ապրահն :



ԱՂՕԹԻՔ

Յորժամ յորոգայթ անկանի
ոք , Ասացեալ է սրբոյն Գը-
րիգորի մերոյ լուսաւորչին :

Օրհնեալ է մարդասիրու-
թիւնդ քո Տէր իմ և վըր-
կիչ Յիսուս Քրիստոս , ըն-
դէ՞ր լքանես զիս . դու մի-
այն ես առանց մեղաց , և
անուն քո զանոխակալու-
թիւն և զմարդասիրու-
թիւն ցուցանէ . գթա յիս՝
վասն զի դու ես միայն
մարդասէր : Ապրեցո զիս
զանկեալս ՚ի մեղս . զի դու
ես միայն առանց մեղաց :
Հան զիս ՚ի տղմոյ անօրէ :

նութեան իմոյ, զի մի ընկղմեցայց յաւիտեանս յաւիտենից: Փրկեա զիս 'ի թշնամեաց իմոյ. քանզի ահա իբրեւ զառիւծ գոչէ և մունչէ կամելով կլանել զիս: Արդ Տէր իմ, փայլատակեա զփայլատակունս քո և կործանեա զզօրութիւն նոցա. երկիցեն և խաւարեսցին յերեսաց քոց: Քանզի անկար է և ոչ ունի զօրութիւն կալ առաջի քոյ, և ոչ առաջի երեսաց սիրողաց քոց: Տեսանէ զզօրութիւն նշանի խաչի քոյ Տէր և զարհուրի. և ամաչելով 'ի բաց հեռանայ յայնցանէ՝ որք կարդան առ քեզ: Այժմ Տէր կեցո և ապրե-

ցո զիս, վասն զի 'ի քեզ ապաւինեցայ. հան 'ի նեղութենէ զանձն իմ, զի մի իսս պառ կորուսցէ զիս նենգաւորն՝ որ մարանչի ընդիծածուկ հնարիւք: Որ խորհրդոց ես Տէր, և քննես զսիրտս և զերիկամունսս. սրբեա զսիրտ իմ և զխորհուրդս 'ի զազիր և 'ի պիղծ խորհրդոց: զի մի իսպառ կորեայց 'ի յաւիտենական կորուստն: Որ կարողդ ես ամենայնի, ողորմեա ինձ Աստուած իմ. տուր շնորհարտասուաց մեղուցեալ հոգւոյս, որպէս զի լուացից զբազմութիւն մեղաց. զի ապրեցայց 'ի ձեռաց անողորմ՝ հրեշտակաց՝ որ ար-

կանեն զամբարիշտն 'ի հուր
գեհենին . երանի թէ լայի
հանապաղ աղաչելով զքեզ
Աստուած , զի մի անարժան
գտայց 'ի ժամուն յորժամ
գայցես . և մի լուայց զա-
հաւոր զձայնն զայն , թէ
երթ 'ի բաց մշակդ անիրա-
ւութեան , ոչ գիտեմ ուս-
տի ես :

Աստուած բարձրեալ միայն
առանց մեղաց շնորհեա ինձ
մեղաւորիս յաւուր յայն-
միկ զբազում գթութիւն
քո . զի մի յայտնեսցին ծա-
ծուկ ամբարշտութիւնք իմ
առաջի տեսողաց հրեշտա-
կաց և հրեշտակապետաց ,
մարգարէից՝ առաքելոց և
արդարոց սրբոց :

Այլ ապրեցո զիս զամբա-
րիշտս շնորհօք ողորմու-
թեան քոյ . ընկալ զիս 'ի
դրախտն փափկութեան ընդ-
կատարեալ արդարսն . ըն-
կալ զաղօթս մեղուցեալ
ծառայիս քոյ բարեխօսու-
թեամբ սրբոցն որք հաճոյ
եղեն քեզ , Յիսուս Քրիս-
տոս տէրդ մեր . և քեզ ընդ-
Հօր և սուրբ Հոգւոյդ փառք
յաւիտեանս յաւիտենից .
ամէն :



ԱՂՕԹԻՔ

Վասն կապանաց դիւաց և
կախարդաց աղանդաւորաց :

Թագաւոր հզօր ապաւէն
ծարաւելոց՝ փրկիչ նեղե-
լոց՝ որ վասն մեր խոնար-
հեցար 'ի հայրական ծոցոյ ,
և առեր մարմին 'ի սրբոյ
կուսէն Մարիամայ . վասն
մերոյ փրկութեան մատնե-
ցար , ըմբռնեցար , չարչա-
րեցար , խաչեցար , թաղե-
ցար՝ և յարեար 'ի մեռե-
լոց՝ և համբարձար փառօք
առ Հայր : Չարթո զզօրու-
թիւն քո և եկ 'ի կեցուցա-
նել զգինս արեան քո Տէր .
և մի՛ տար գերել սատա-
նայի զքո փրկեալքս , և մի՛

տար բնակութիւն չարին՝
զտաճար անուանդ քում
սրբոյ . այլ գթա՛ի քո արա-
րածս արարչական սիրով քո,
և ողորմեա մեզ , զի՛ 'ի խաչ
քո պարծելով պարծեցաք .
և փրկեա զմեզ յաներեւոյթ
չար դժնդակ դիւաց , և 'ի
խաբեբայ եղեռնական գոր-
ծոց կախարդաց . և քեզ
փառք յաւիտեանս . ամէն :
Չար իշխանքն հալածին ,
որք ընդ ծառայս քո մար-
տընչին . երեւելով նշան խա-
չին , աներեւոյթքն կործա-
նեսցին :

ի բանից սրբոյն Գրիգորի
Նարեկացւոյ՝ ընդդիմամարտ
դիւաց այս նուագ աղօթից ,
և դիւասարսուռ ջերմատագ-
նապ ախտաւորութեան՝ Աս-
տուծով փարատիչ : Բա՛ն ի՛ն :

Ե. Արդ այսքանեացս ան-
բաւից հրաշից հանդերձիչ
Հայր ամենաստեղծ՝ անու-
նըդ ահաւոր , ձայն սար-
սափելի , կոչումն ընտանի ,
բան համբուրելի , ազդու-
մըն սքանչելի , հրաման սոս-
կալի , էութիւն անքննելի ,
գոյութիւն անճառելի , իս-
կութիւն անբաւելի , զօ-
րութիւն անզննելի , կամք
ամենաբարի , տէրութիւն
անսահմանելի , մեծութիւն

անչափելի , բարձրութիւն
անբովանդակելի , որքանու-
թիւն անկշռելի , առաւե-
լութիւն անհասանելի ,
պատճառ որդւոյ հայրու-
թեամբ , այլ ոչ նախադ-
րութեամբ . քեւ , և ՚ի ձե-
ռըն քոյդ անպարագիր զօ-
րութեանդ . սաստեա տագ-
նապող և դիւական տեն-
դիս ջերմութեան , որ սը-
պըրդեալ մուծաւ ընդ մե-
ղաց , զի փախիցէ ՚ի մարդոյս
զարհուրեալ ՚ի սխրալի և
յանբաւելի արեան վտակի
գառինդ երկնաւորի , որով
սրսկեալ միանգամ ՚ի մըշ-
տընջենաւորս համայն մաք-
րեցաք :

Զ. Եւ արդ յայսց պատկա-

ուելի խոնարհութենէ արարչակերտս խորհրդոյ, ամաչեացէ սատանայ 'ի գործս չարեաց իւրոցն հրեշտակաց, տանջեցի և հալածեցի, հեռացեալ և արտաքս առաքեալ 'ի շինուածոյ խորանէ քումի բնակութեան յարտաքին խաւարն : Եւ ջնջեալ մաքրեա զարտասուս ողբոցս 'ի դիմաց մերոց, և զհառաչումն ձայնիս հեծութեան 'ի սրտիս մերոց : Եւ յիշատակաւ հարման հեղուսիցն քսամնափուշտաժանատեսիլ ոգեպահանջից, որով պնդեցաւ միածինդ քո յաշտարակ խաչին, ցաւեցի չարին : Եւ 'ի կողահերձ սայրասուր սլաքէ

ուժգին բախմանէ, որով զվէրն մեծ ընկալաւ 'ի ըսպառ սատակեցի սկզբնարար մահուն : Եւ զի խոնարհեցոյց զգովեալն գլուխ յաւանդել զողին 'ի ծոց քո բարձրեալ, ապրտամբութիւն անբարի բարուցն Բելիարայ 'ի կոր կործանեցի, ամենայնիւ հերքեալ 'ի կորուստ : Եւ զի զողեալ ծածկեցաւ անմահըն իսկութիւն յորովայնի երկրի, այսու ամբարձեալն հպարտութիւն կարծեալ գոռողին 'ի յատակս մահու դժոխոց մթին ըստուերին յառեալ դիտեցէ, և յիշեցէ զառաջին հարուածն անբժշկական, որով

մահացու դիմամարտութիւն թիւնից վիշապին կենարարն կրիւք ամենազօրին : Վասն զի 'ի փառս քո Հայր ողորմութեան . իբր 'ի գովեստ որդւոյ քո հոգւովդ սրբով զայս խոստովանիմ . քանզի ոչ պիտակինչ սոսկ զօրութեանն ունի զմիւսէն առ մի խորհրդականն խորութեան , այլ զանսկիզբն բանդ անձնաւոր ընդ անժամանակդ Հօր փառաւորեմք : Եւ քեզ միայնոյ սուրբ Երրորդութեանդ , հաւատարապատիւ տէրութեանդ , համարուն անբաժին ինքնութեանդ օրհնաբանութիւն , գոհութիւն , զօրեղութիւն

և անճառ վայելչութիւն մեծութեան , բարեվիճակ հարթութեան , զուգակշիռ հաւասարութեան , յաւիտեանս ամէն :



Ի ԽՈՐՈՑ ՍՐԵՑ ԽՕՍԻ ԸՆԴ ԱՍՏՈՒԾՈՑ
ԲԱՆ Դ :

Ա. Բարեբանեալ Աստուած երկնաւոր , միայն արարիչ , Տէր ամենակալ . մեծութիւն ահեղ , գթութիւն օրհնաբանելի , ողորմութիւն խոստովանելի , բարերարութիւն երկրպագելի , խնամակալութիւն պաշտելի , մարդասիրութիւն տօնելի , պահպանութիւն խնկելի , բարձ-

րեալ անքննին, մերձաւոր
կամարար, ապաւէն անկաս-
կածելի, մխիթար սրտից,
փարատիչ վշտաց, ապաքի-
նիչ ցաւոց, սպառումն վը-
հատութեանց, բարձումն
պարտեաց, փոխարկիչ կա-
րեաց, կարգաւորիչ կրից,
յարմարիչ բանից, սանձար-
կու լեզուի, շրջադրութիւն
չնչոյ, կացուցիչ հագագի,
ամփոփիչ խորհրդոց, կըր-
թարան կամաց, արձանա-
ցուցիչ յուզմանց, հանդար-
տութիւն միրկաց, խաղա-
ղութիւն ծփանաց, որ ու-
նիս զթեւոց ամենընթաց իշ-
խանականիս, և իմաստու-
թեամբ նուաճեալ առ քեզ
դարձուցանես:

Բ. Գոհարանեալ միշտ ե-
րախտաւոր, որ հեղու-
թեամբ անհպարտութեան
երկայնամտեալ հանգչիս
տենչանօք անճառ հրաշ-
իւք յանձինս սրբոց: Թա-
գաւոր էից համայնից, ա-
մենայնիւ ծանուցեալ գը-
թած. սկզբնահայր և նա-
խաչաւիղ սիրոյն ընթացից.
ճանապարհ կենաց, որ
առաջնորդես քաղցրու-
թեամբ դիմելոյս 'ի լոյսդ
վերին: Չեւընկալու մեծ
վստահութեան, որ ոչ թո-
ղացուցանես գայթակղե-
լոյս 'ի վայր կործանել յու-
սոյ կերպարան, ճշմարիտ
առհաւատչէիւ աղաչողաց
մատանց յայտնի երեւեալ

ապաւինութիւն հանգըստեան, որ ոչ երբէք մատնես վտանգի դատապարտութեան: Ազատութիւն շքնորհածիր, որ տաս լիապէս առանց փոխատրութեան փրկանաց. առատութիւն աննախանձելի, որ քոյին փառաւորութեամբ զանարդ նիւթ հողոյս ճոխացուցանես: Պայծառութիւն անստուեր, որ ճառագայթիւք ահեղ բարձրութեան պարածածկեալ զթշուառս կրկին բարգաւաճ առնես: Քաւիչ մեղանաց բազմաց, որ զհերքեալս ՚ի փրկութենէ առաջնովս պայծառութեամբ նորոգեալ՝ վերբրատին վայելչացուցանես:

Հնարաւոր դիւրահաս առամենայն ամբաւ գերամբարձութիւն յաւէտ յառաջեալ. եւք վստահութեան առ խոստացելոցն վայելլ. երանութիւն անձկալի, յոր զկենդանութիւն շնչոյս լքանելն է ախորժելի, զի զքեզ գտից կենդանի: Կամք անփոխադրելի առ ՚ի քաւութիւն գերուոյս զօրացեալ ամենագովելի. անսխալելի դեղ կենաց, որ և մեռելոց բընաւին եղծելոց առնես զքանչելիս: Ամենաստեղծ աներկբայելի, որ զհուրբ կիզեալն և զհողմով հոսեալն և զժանեօք գազանաց ծախեալն ՚ի բթթել

ական նովին հիւթականու-
թեամբ անպակաս յարու-
ցանես : Անհաւասար համար-
ձակութիւն , յորում աստ-
ուածօրէն պարծանօք պար-
ծելն է իրաւացի :

Գ. Հայեաց , Տէր յերկնից
ղուարթ քաղցրութեամբ
յամենակործան վտանգ նե-
ղելոյս , և արա անդորր
հանգստական դիւրաւոր 'ի
բազմատազնապս հեծու-
թենէ : Եւ զյարուցեալ
գումարս սատակչացն , ե-
թէ սպառազէնք այսական
դժնեայ հնարաւորութեան
բուռն մարտակցաց պատ-
կանեալ զինուք . եթէ մե-
ղաց տգեղ և քո ատելի
կերպարանք , եթէ ցաւոյ

և լախտից վատնիչ և կորըս-
տական նշմարանք , մեր-
ժեցես հանցես հատցես
խափանեցես և հալածես-
ցես հեռի սահմանաւ 'ի ըս-
պառ տարագրեալ անդարձ
որոշմամբ վերստին կորըստ-
եանն , և կառուցես կա-
ցուցես նպատակ կենաց և
ամուր մահարձան գնչան
խաչիդ ապաւինելոյս 'ի քեզ
փրկութիւն : Եւ յայսմ ան-
պարտ և անպատիր և ան-
վանելի արուեստից ահա-
ւորիդ մեծութեան լուծ-
ցին որոգայթքն գաղտնա-
ժածուկ սատանայականք ,
կապտեցին մեքենայքն ,
վատնեցին գայթակղու-
թիւնքն , խայտառակեցին

հաղբիցն դրութիւնք, յայտ-
 նեսցին երեւոյթք որսոյն,
 գտցին նենդողին ծուղակք,
 վերասցին վարմին վերար-
 կուք, տոչորեսցին որոման-
 ցըն բոյսք, նզովեսցին բըռ-
 նաւորին չարաբանութիւնք,
 կտրեսցի լար խաբէութեան
 ՚ի մահ որսողին, պարսես-
 ցին պատրողին բանսարկու-
 թիւնք, պակասեսցին զէնք
 զրպարտողին, անկցին սու-
 սերք մահաբերին, սուզես-
 ցին սագրողին պատրաս-
 տութիւնք, արձակեսցին
 տոռունք տազնապողին :
 Այլայլեսցին սուտ կերպա-
 րանք կեղծաւորին, սատա-
 կեսցին խրոխտականացն
 յսիստ յարձակմունք, ցըր-

ուեսցին կցորդութիւնք
 կերչացն, բաժանեսցին ա-
 զինք աւաղակացն, քայքա-
 յեսցին բոյլք բարբարոսա-
 ցըն, քանդեսցին ամբոցք
 ապստամբողացն, արդելցին
 ամպրոպք յանդգնելոցն,
 փարատեսցին փորձողին
 անձրեւք, հալեսցի և ցա-
 մաքեսցի եղեամն աղանդա-
 ւորին : Խորտակեսցի եղ-
 ջիւր գոռողին, մանրեսցին
 ամբառնալիք դրոշիցն կեր-
 պարանաց, փշրեսցին ամ-
 բարհաւաճութիւնք հպար-
 տացելոցն, նահանջեսցին
 դիմեցմունք ճակատելոցն,
 քակտեսցին միաբանու-
 թիւնք զօրացն Բելիարայ՝
 թէ անմարմինք և թէ մարմ-

նաւորք , փախիցեն ընդ
նոյն ճանապարհ 'ի մի շաւ-
ղաց հետոց յիօթն տարա-
կոյս . 'ի գուբն ինձ փոր-
եալ ինքեանք ընկեսցին :
Յեղանակեսցին ձմերունք
ձանձրացուցին , հատցի կա-
պըն կցորդութեան մշտա-
ջան աւազակին , նողկացի
մտացս կայից համբոյր շո-
ղոքորթին , ընդմիջեալ մեկ-
նեսցին նետաձգութիւնք
նեղչին , կացցէ 'ի սասան-
ման նաւ խարդախողին ,
խլեսցին յարմատաց անտի
ատամունք խաժանողին :
Դ. Ս անն փայտիդ օրհնու-
թեան կենաց՝ յորում պր-
կեցար Աստուածդ անըմ-
բունելի , յիշատակաւ բե-

ւեռացդ՝ որով 'ի գործի մա-
հուն մածուցար արարիչդ
երկնի և երկրի , արեամբդ
տէրունականաւ՝ որով զվի-
շապն մեծ կարթիւ ածեալ
որսացար , լեղևոյն դառնու-
թեամբ՝ զոր արբեալ զդե-
ղատուութիւն կորուսին
արտաքս հեղեր , պատմա-
բանութեամբ ըղձական
ճառիւք կրիցն սարսափել-
եաց՝ որով զըբութիւն հա-
կառակողին ըմբերանեալ
ամաչեցուցեր , անուամբդ
անհասականաւ ամենայնիւ
անթարգմանելոյդ՝ յորմէ
դողան և դատապարտին
սոսկացեալ սաստիկ սար-
սափմամբ բնութիւնք ա-
մենայն երեւութից և անե-

րեւութից, եզիցին այս ամենայն պարզ եւք շնորհաց խոստովանելոյս 'ի պաշտպանութիւն, 'ի բժշկութիւն և 'ի քաւութիւն: Եւ մահաբեր դառնաթոյն օձին, և որ 'ի նմա ազգեաց տիեզերադաւ չարութիւնն, 'ի սատակումն եզիցի նորին. նոյն ինքն 'ի կորուստ և յանբժշկական հարուած տանջանացն սովաւ մատնեսցի, կապեսցի և ըմբռնեսցի: Եզիցի ողորմութիւն սաեղծողիդ ընդ իս, և շունչ ոգւոյս իմ' ընդ քեզ անբաժանօրէն կապաւ միացեալ 'ի մի:

Ե. Եւ որ ոք ընթերցցի զայս աղերս ձայնի մաղթանաց

գոչման աղօթից հայցման ծերոյ և տղայոյ, կուսի և երիտասարդի, և եթէ յաղանեսաց ոք պաղատեսցի աստուածսիրաբար, հաւասարապէս անաչառութեամբ ընկալցին 'ի քէն մասն երանութեան պարտուց ազատութեան, հաստեալ վերջստին յանարատութիւն նորոգ մաքրութեան, նրկարեալ դարձեալ զքոյդ կերպարան անփոփոխելի: Ահա տիրապէս հնարաւոր, զօրեղ, անպատում, անհաս, անիմանալի, տեսցես աստանօր 'ի հառաչանս կողկողանաց այսր հեծութեան, որ 'ի բոլորից շրթանց ընծայեալ քեզ մատուցանի,

վասն Հօր քո երկնաւորի և բարերարի, և հողւոյդ սրբոյ փառակցի և կենդանատուի, Աստուածածնիդ բարեխօսութեամբ և խնդրուածովք ամենայն Սրբոց: Ձի դու ստեղծեր զամենայն, և 'ի քէն եղեն ամենայնք, և դու տիրես ամենայնի. և քեզ փառք յամենեցունց, միդ յիսկութենէ անժամանակ երրորդութեանդ զուգակցապէս փառաւորեալ յանբաւս, և յաւիտենից յաւիտեանս. ամէն:

Ի ԽՈՐՈՅ ՍՐՏԻՑ ԽՕՍԻ ԸՆԴ ԱՍՏՈՒԾՈՅ
ԲԱՆ ՂԱ:

Ա. Տէր Տէր գթութեանց և Աստուած ողորմութեանց անուն մեծութեան, ձայն ահաւորութեան, կոչումս սաստկութեան, լուր անհասութեան, բարբառ դողութեան, հնչումս հիացման. յուսադրութիւն բարերարութեան ամենողորմքաղցրութեան, յորմէ երկուցեալ սասանին ամենայն բնութիւնք եղելոց 'ի քո սպառնալեաց ահիդ պակուցման, սաւառնին սերովբէք, ամփոփին քերովբէք. պարուրին պարք լուսակեր:

պիցն , երկնչին հիացմամբ բոլոր պետութիւնք վերնոցըն , նոյնք ցնծան դողութեամբ մեծաւ 'ի մի նաւակատիս բերկրութեան , զարհուրին դեւք , ընկրկին չարութեանցն գունդք , պակասին խաւարասիրացն հոգիք : անդնդոց մատնին հըրեշտակք օտարին : կապին նշանաւ խաչին յարձակմունք դիմամարտին , փակին 'ի ստորին բանտի քինաւոր Ամաղեկացիքն , անխղելի հանգուցիւք պաշարին խումբք հակառակորդին , արգելին անզերծ զընդանաւ մահազինացն կաճառք , պնդին 'ի մետաղս Թահեղ հրամանիդ այսակա :

նացն գումարք , պապանձին կարկեալ ընդդիմաբանիցն դասակցութիւն , պարաւաւանդին հիւժմամբ կորըստեան աներեւութիցն ժողովք , անլոյծ շղթայիւք նեղին առաքելութիւնք դեռաքրիստոսին :

Բ. Ահա կարկառեմ մատամբք ձեռինս զտեառնագրութիւն նշանիդ 'ի ժամ գիշերիս , որ ոչ միթանաս խաւարաւ անգիտութեան , ամենեւին տեսականութիւն , քան թէ 'ի լոյս անմատոյց հանգուցեալ բնակես : Ընկալ զաղաչողս վտանգաւոր գոհաբան ընդ պահպանութեամբ թեւոց հզօրիդ , փրկեա 'ի ցնորից եկամուտ :

պղտորութեանց, սուրբ արա զգայարան հայելեաց սրտիս նկատմանց. ամբացո փայտիւղ կենաց 'ի տխրական անընց, արեամբ քս սրսկեա զըջարկութիւնս կայիցս. զհետս ելումտիցն կաթուածով կենարար կողիդ գծագրեա. երգոցն պահպանարան քառակերպիդ ձեւակերպութիւն եղիցի, հանդէպ տեսութեան աչացս ամբարձման քո կրից խորհուրդ առ դիցի, ընդ բարաւոր յարկիս չարչարանաց քոց գործի հաստիցի, զծառայդ օրհնութեան հաւատք յուսոյ իմոյ կախեսցի: Արգել, Տէր, սովալ զսատակիչն հոգւոց, մտցէ

անխափան պաշտպանն լուսոյ, և ընդ սաստիկ ծանրութեան ցաւոցս և զբեռն պարտեացս թեթեւացո, զոր 'ի լռարանի մտացս ամփոփման մահճացս անկողնի ուշաբերեալ զյուսահատութեանցն դառն պտղոցն՝ խոստովանիմ ամենագիտիդ զանհամար մասունս գործոց չարաչար անօրէնութեանցս: Գ. Հանգո զվաստակեալս 'ի բազմածուբս աշխատութեանէ, բարձ զտագնապ տարակուսանաց ոգւոյս կործանման զդառնութիւնն ընդ կարեացն, զանձկութիւնն ընդ թշուառութեանցն, զհառաչմունսն ընդ խորտակմացն, զբեկութիւնսն

ընդ ապշութեանցն , զթրմ-
 րութիւնսն ընդ շրամանցն ,
 զարբեցութիւնսն ընդ յի-
 մարութեանցն , զթերամը-
 տութիւնն ընդ խեղագրու-
 թեանցն , զսառումն սիրոյն
 և զհրային ջերմութիւն աղ-
 ուական ախտին : Օժանդակ
 լեր տկարութեան բազմա-
 տխուրս տարտամութեան ,
 բարեգործ աջովդ շնորհի ,
 ձեռամբդ նորոգողի , մա-
 տամբդ կենսաբաշխի , փա-
 ռօքդ մշտափայլի , յարա-
 կայութեամբ անեղծի , երե-
 սօքդ զուարթականի , իսկու-
 թեամբ էիդ պաշտելի , բարձ-
 րութեամբդ երկրպագելի :
 Հատո զչարաչար հեծու-
 թիւն կորստականս խեղդ-

ման , զնոր գիւտ չարին ,
 զհին խարդախութիւն բան-
 սարկուին , զօտար ազդեց-
 մունս 'ի մահ կրթողին ,
 զանյարմարական երեւոյթս
 հանապազորդեան եղեռնա-
 գործին , զառ աչս հնարա-
 դրութիւնն դժնդակ դի-
 ւին , զողոքական բոցաչըն-
 չութիւն ձգող կախարդին :
 Պահեա 'ի տեղուջ հանգըս-
 տեան մեռօրինակ այսր դա-
 դարման յաներեւոյթ մը-
 տածութեանց , 'ի մասնա-
 ւոր սխալութեանց , 'ի մե-
 ծագոյն գայթակղութեանց ,
 'ի փոքրագոյն ոտնառու-
 թեանց , 'ի խաբեբայ չար
 ձանձրութեանց : Հեռացո
 զանհանդէպ մտածութիւնն

'ի զգայութեանց ծառայիս
 յանցաւորի, զկիրս բասրե-
 լիս, զվարս թշնամանելիս,
 զդիպուածս պատկառելիս,
 զհետս վրիպելիս, զպատիրս
 ձաղելիս, զխորհուրդս ան-
 գոննելիս, զյաւելարանու-
 թիւնսն նշկահելիս: Անսխալ
 հոգւով և անշաղխ մարմ-
 նով զապաւինեալս 'ի քեզ
 հանդերձեա, 'ի շնչմանէ
 հոգմոց, 'ի զարկմանէ բըռ-
 նութեանց, 'ի բախմանէ
 փոթորկաց, 'ի յոստմանէ
 միրկաց, 'ի յարձակմանէ
 գազանաց: Ի փակման աչա-
 ցըս հայեցուած սրտիս մի-
 ստուերասցի, այլ զուար-
 թասցի պայծառասցի վա-
 յելչասցի՝ ընդ քեզ փայլես:

ցի • Տէր Յիսուս Քրիստոս,
 լուսաւոր վառմամբ անշի-
 ջանելեալ: Բանիւ քո սըր-
 բեա զպատասպարանս բազ-
 մականիս 'ի խորամանկու-
 թեանց, 'ի զբաղմանց, 'ի
 քո ատելի յիշատակաց, 'ի
 վերնամարտ մտածմանց,
 քրէական մորոսութեանց,
 'ի տիրանենդ անշորհու-
 թեանց, յաստուածընդ-
 դէմ հերձուածութեանց:
 Գնդիւք վերնայնոցդ վերա-
 կացու ինձ լիցիս, պետու-
 թեամբք, իշխանութեամբք
 զօրաւորօքն անյաղթակա-
 նաց մաքուր մատակարարաց
 սուրբ աստուածութեանդ .
 առաքեալքն աւետեաց ա-
 ւետարանաւն, մարգարէքն

կտակարանօքն , մաղթանք
երջանկացն 'ի կատարածի
աւուրն ընծայեալ : Որովք
նիրհեցից երկիւղիւ ըստ
քեզ տրտմութեամբ , և
զարթեայց շնորհօք քո կըր-
կին ուրախութեամբ , եթէ
վհատութեամբ ննջեցից ,
յարեայց դարձեալ հոգե-
ւորական բերկրութեամբ .
եթէ ընկողմնեցայց մեղա-
նօք , կանգնեցայց վերստին
զատեալ 'ի խղճէ անաղտ
անբծութեամբ :

Ե. Լուր խնդրուածոց ամե-
նահառաչ ձայնիս հեծու-
թեան , միայն բազմագութ ,
բարեխօսութեամբ սրբոյ
Աստուածածնիդ և ամե-
նայն արդարոց և նահատա-

կաց ընտրելոց : Եւ քեզ
փառք յամենեցունց իմովս
գոչմամբ վերառաքեցեալ
սրբովք զուարթնոցն ան-
մահականաց դասուց , 'ի
գովեստ հօր քոյ Աստուծոյ
մերոյ և Հոգւոյդ սրբոյ բը-
նաւից հաստողի և նորոգո-
ղի , յաւիտեանս յաւիտե-
նից . ամէն :



Ի ԽՈՐՈՅ ՍՐՏԻՑ ԽՕՄԲ ԸՆԴ ԱՍՏՈՒԾՈՅ

ԲԱՆ ԶԵ .

Ա. Արեգակն արդար , ճա-
ռագայթ օրհնեալ , լուսոյ
կերպարան , փափաք անձ-
կութեան , բարձրեալ ան-
քրննին , զօրեղ անպատում ,
բարւոյ բերկրութիւն , յու-

տոյ տեսութիւն , գովեալ
երկնաւոր , թագաւոր փա-
ռաց , Քրիստոս արարիչ ,
խոստովանեալ կեանք : Եւ
արդ զթերութիւն վրիպա-
նաց բազմասխալ ձայնի եղ-
կելոյս ամենազօրդ բանիւ
լցեալ մատուցես յաղերս
հաճութեան Հօր քում
բարձրելոյ : Որ վասն իմ 'ի
փորձ եկիր անիծից , կեր-
պարանեալ զիմ նմանու-
թիւն , ամենեւին կենաց
օրհնութիւն , վերնոց , և
ներքնոց բարեխնամող տե-
սուչ համայնից : Զի թէ
յանձն առեր մեռանիլ վա-
սըն իմ , Աստուած և Տէրդ
բոլորեցուն , ո՞րչափ հաճես-
ցիս առաւել և այժմ վր-

տանդաւորս կրից կարեկ-
ցել , ընդ իմ պարտաւորիս
միշտ աղօթելով ազգակցաւ
մարմնոյդ առելոյ 'ի մէնջ'
առ համապատիւդ քո Հայր :
Բ. Եւ վասն արեանդ պատ-
ուականի միշտ մատուցելոյ
'ի հաճութիւն կամաց ա-
ռաքչիդ՝ բարձցին վտանգք
մեղուցեալ դատապարտե-
լոյս , թողցին պարտիքն , ա-
պաքինեսցի ամօթն , մոռաս-
ցին պատկառանքն , բարե-
գործեսցին դատակնիքն ,
սատակեսցին որդունքն , վե-
րասցի լալն , հանդարտեսցէ
կրճումն ատամանց , սպա-
ռեսցին ողբքն , հատցին ար-
տասուզն , մերժեսցի սուզն ,
հալածեսցի խաւարն , վատ-

նեսցի հուրն սաստկութեան,
հերքեսցին տանջանարանքն
բազմօրինակք :

Գ. Եկեսցեն գթութիւնք
կամողիդ և պարգեւողիդ
կենաց ամենից, ծագեսցի
լոյսդ, արագեսցէ փրկու-
թիւնդ, հասցէ օգնութիւ-
նդ, ժամանեսցէ այցելու-
թիւնդ, կանխեսցէ ցօղդ
ողորմութեան, յառաջես-
ցէ արբուսցէ զանդաստա-
նըս պասքեալ՝ անկեալ ոս-
կերացս թշուառութեամբ
ի վիհն մահու. ծաղկեցուս-
ցէ պտղաբերեսցէ բաժակդ
երկնաւոր արեան կենարա-
րիդ զերկինս խնամեալ ա-
ւուրն լուսոյ, որ անծախս
պէս միշտ պատարագի յի-

շատակ կենաց փրկութեան
հոգւոյ ննջեսցելոց : Զի ա-
մենայնիւ մահացեալ հոգիս
մարմնովս մեղաց՝ շնորհօք
քո, գթած, ՚ի քեզ զօրա-
ցեալ քեւ նորօգեցայց,
զատեալ ՚ի մեղաց անմահ
կենդանութեամբ ՚ի յարու-
թեանն արդարոց, Հօր
քում օրհնեսցեալ : Ընդ ո-
րում քեզ փառք, և Հոգ-
ւոյդ սրբոյ բարերանու-
թիւն վայելչական գոհու-
թեամբ, այժմ և միշտ և
յաւիտեանս յաւիտենից .
ամէն :

ՍՈՒՐԲ ԱՒԵՏԱՐԱՆՍ ՈՐ ԸՍՏ
ՄԱՏԹԻՈՍԻ

Եւ մինչդեռ անցանէր ընդ
այն Յիսուս, զհետ եղեն
նորա կոյրք երկու, աղա-
ղակէին՝ և ասէին. ողոր-
մեաց մեզ որդի Դաւթի :
Եւ իբրեւ եկն ՚ի տուն,
մատեան առ նա կոյրքն .
և ասէ ցնոսա Յիսուս. հա-
ւատա՞յք՝ եթէ կարող եմ
առնել ձեզ զայդ, ասեն ցը-
նա՝ այո՛ Տէր : Յայնժամ
մերձեցաւ յաչս նոցա՝ և
ասէ. ընդ հաւատոց ձերոց
եղիցի ձեզ : Եւ բացան աչք
նոցա . և սաստեաց նոցա
Յիսուս՝ և ասէ, զգոյշ կա-
ցէք՝ մի՛ ոք գիտացէ : Եւ

նոքա ելեալ համբաւեցին
զնա ընդ ամենայն երկիրն
ընդ այն : Եւ յելանելն նո-
ցա արտաքս, ահա մատու-
ցին առ նա այր մի՛ համբ
դիւահար : Եւ յելանել դի-
ւին՝ խօսեցաւ համբն . և
զարմացան ժողովուրդքն՝ և
ասեն . թէ և ոչ երբէք ե-
րեւեցաւ այսպիսի ինչ յիս-
րայելի : Իսկ փարիսեցիքն
ասէին, թէ իշխանաւն դի-
ւաց հանէ դա զդեւս :



ՍՈՒՐԲ ԱՒԵՏԱՐԱՆՍ ՈՐ ԸՍՏ
ՄԱՐԿՈՍԻ

Եւ ել լուր նորա ընդ ամե-
նայն կողմն Գալիլեացոց :

Եւ վաղվաղակի ելեալ 'ի
 ժողովրդենէն, եկն 'ի տուն
 Սիմոնի և Անդրեայ՝ Յակո-
 բաւ և Յովհաննու հան-
 դերձ: Եւ զօքանչ Սիմոնի
 դնէր ջերմացեալ, և վաղվա-
 ղակի ասենցնա վասն նորա:
 Եւ մատուցեալ յարոյց ըզ-
 նա՝ կալեալ զձեռանէ նորա,
 և եթող զնա տենդն՝ և պաշ-
 տէր զնոսա: Եւ իբրեւ երե-
 կոյ եղեւ 'ի մտանել արե-
 դականն, բերէին առ նա
 զամենայն հիւանդս և զգի-
 ւահարս, և էր ամենայն
 քաղաքն ժողովեալ առ դը-
 րունսն: Եւ բժշկեաց բա-
 զում հիւանդս 'ի պէս պէս
 ախտից, և դեւս բազումս
 եհան, և ոչ տայր խօսել

դիւացն, զի գիտէին զնա
 թէ Կրիստոսն:



ՍՈՒՐԲ ԱԻԵՏԱՐԱՆՍ ՈՐ ԸՍՏ
 ՂՈՒԿԱՍՈՒ

Եւ եղեւ ընդ աւուրսն ընդ
 այնոսիկ ել 'ի լեառն կալ
 յաղօթս, և հանէր զգիշերն
 'ի գլուխ յաղօթսն Աստու-
 ծոյ: Եւ իբրեւ այդ եղեւ՝
 կոչեաց զաշակերտան իւր,
 և ընտրեաց 'ի նոցանէ եր-
 կոտասանս զորս և առաքեա-
 լըս անուանեաց: զՍիմոն
 զոր և Պետրոս անուանեաց,
 և զԱնդրէաս զեղբայր նո-
 րին, և զՅակովբոս և զՅով-
 հաննէս, և զՓիլիպպոս և

զբարդուղիմէոս , և զՄատթէոս և զԹովմաս , և զՅակովբոս Սլփեայ , և զՍիմոն զկոչեցեալն նախանձայոյզ , և զՅուդա Յակովբայ , և զՅուդա Իսկարիովտացի՝ որ եղեւ Իսկ մատնիչ : Եւ իջեալ նոքօք հանդերձ ՚ի տեղի մի տափարակ , և ժողով աշակերտացն նորա՝ և բազմութիւն յոյժ ժողովրդեանն , յամենայն Հրէաստանէ և յերուսաղեմէ՝ և յայնրմ կողմանէ՝ և ՚ի ծովեզերէն Տիւրոսի և Սիդոնի . որ եկին լսել ՚ի նմանէ՝ և բռժըչկել ՚ի հիւանդութենէ իւրեանց , և նեղեալքն յայտոց պղծոց բժշկէին : Եւ ամենայն ժողովուրդն խնդրէր

մերձենալ ՚ի նա , զի զօրութիւն բազում ելանէր ՚ի նրմանէ՝ և բժշկէր զամենեօին :

ՍՈՒՐԲ ԱԻԵՏԱՐԱՆՍ ՈՐ ԸՍՏ
ՅՈՎՀԱՆՆՈՒ

Յետ այսորիկ տօն էր Հրէից , և ել Յիսուս յերուսաղեմ : Եւ էր յերուսաղեմ ՚ի Պրոպատիկէ աւազանին , որ կոչէր Եբրայեցերէն Բեթհեզդա , հինգ սրահ : Յորս անկեալ դներ բազմութիւն յոյժ հիւանդաց՝ կուրաց կաղաց գօսացելոց , որ ակնունէին ջրոցն յուզելոյ : Եւ հրեշտակ Տեառն իջանէր ըստ ժամանակի յաւազանն

և յուզէր զըւերսն , և որ նախ 'ի շարժումն ջուրցն ի ջանէր՝ բժշկէր , ոչ ունելով նշան հիւանդութեան : Եւ անդ էր այր մի , որոյ երեսուն և ութ ամ էր 'ի հիւանդութեան իւրում : Չնա իբրեւ ետես Յիսուս՝ զի անկեալ դնէր , և գիտաց եթէ բազում ժամանակք են այնուհետեւ , ասէ ցնա . կամիս ողջ լինել : Պատասխանի ետ նմա հիւանդն , Տէ՛ր՝ ոչ զոք ունիմ , թէ յորժամ ջուրքն յուզիցին՝ արկցէ զիս յաւազանն , և մինչ ես դանդաղիմ , այլ ոք քան զիս յառաջագոյն իջանէ : Ասէ ցնա Յիսուս . արի՛ ա՛ռ զմահիճս քո՝ և գնա : Եւ ողջա-

ցաւ այրն , և յարեալ՝ առ զմահիճս իւր՝ և շրջէր , և էր շաբաթ յաւուրն յայնմիկ :





Պատմութիւն վարուց սրբոյն
Կիպրիանոսի եպիսկոպոսին :

Կիպրիանոս էր այր մեծ ազ-
գի ազնուական և մեծատուն
յոյժ , ուսեալ էր և ամե-
նայն հանճարս իմաստու-
թեան , և հմուտ լեալ մու-
զութեանն՝ որով ամենայն
աղանդաց գիտուն էր : Եւ
կոյս աղջիկ ոմն էր ՚ի մեծ
քաղաքին Անտիօքայ՝ անուն
Յուստիանիա , քրիստոնեայ
կրօնիւք՝ դուստր Եղեսիոսի
քրմի կուոց , ուսեալ զհա-
ւատն ՚ի Բրելիոսէ սարկա-
ւագէ , և դարձոյց զճնողսն
իւր , յաստուած գիտութիւն ,

և մկրտեցան յՈփտատոսէ
եպիսկոպոսէ : Իսկ հեթա-
նոս ոմն Ազգիադոս անուն
սիրեաց յոյժ զՅուստիա-
նիայ , և կամէր առնուլ զնա
՚ի կնութեան , և ջանացեալ
բազում պատգամաւորօք և
խոստամարք՝ և ոչ կարաց
հաւանեցուցանել : Յղեաց
առ նա Յուստիանիա և ասէ .
եթէ ես Գրիստոսի եմ հարս-
նացեալ , և մարդոյ երկրա-
ւորի ոչ ամուսնանամ : Եւ
պատահեալ նմա ՚ի ճանա-
պարհին բուռն հարեալ ըզ-
նմանէ՝ ոչ կարաց ըմբռնել ,
այլ մանաւանդ անարգանօք
և ամօթալից դարձոյց ՚ի
տուն իւր : Եւ երթալ առ
Կիպրիանոս մոգ , և խոստա-

ցաւ տալ նմա երկուս տա-
ղանդս ոսկւոյ և արծաթոյ՝
եթէ մոգուլթեամբ նորա
առցէ զՅուստիանիա կին :
Եւ կոչեաց Կիպրիանոս ՚ի
գիշերին յայնմիկ դեւ մի և
արձակեաց առ Յուստիա-
նիայ . և երթեալ դեւն ե-
գիտ զերանելի կոյսն զի ա-
ղօթէր զերրորդ ժամու գի-
շերոյն : Եւ գիտացեալ ըզ-
գալուստ գիւհին արար ընդ-
դէմ նորա զնշան թաչին և
փչեաց ՚ի նա . և դեւն եր-
կիւղիւ մեծաւ փախստա-
կան եղեալ գնաց առ Կիպ-
րիանոս :

Եւ նա առաքեաց այլ դեւ ,
և նոյնպէս և զնա նշանաւ
թաչին հալածեաց : Եւ ա-

ռաքեաց երրորդ անգամ
այլ դեւ , և այնպէս դար-
ձաւ երկիւղալից որպէս ՚ի
հրոյ փախուցեալ : Եւ Կիպ-
րիանոս խոշտանգեաց զդե-
ւըն՝ և սաստելով նմա հար-
ցանէր , եթէ է՞ր վասն
փախեան և ոչ կատարեցին
զհրամայեալսն : Եւ նոքա
ասեն , նշան խաչելոյն Յի-
սուսի ոչ միայն զմեզ հալա-
ծէ , այլ եթէ և իշխանն մեր
ինքնին գնացէ ամենայն
աներեւոյթ զօրօք իւրովք՝
ամօթալից փախստական յի-
նի ՚ի նմանէ :

Եւ լուեալ Կիպրիանոս ա-
նէժ զգեւսն , և հալածեալ
զնոսա յինքենէ՝ հաւատաց
՚ի Քրիստոս . և առեալ զա-

մենայն գիրս մոգութեան
և կախարդանաց հրով այր-
եաց : Եւ երթեալ առ սուր-
բըն Անթիմոս եպիսկոպոսն՝
և պատմեաց խոստովանա-
բար զամենայն զոր ինչ գոր-
ծեաց մոգութեամբն :

Եւ ՚ի մեծի շքաթուն մը-
կրրտեցաւ յեկեղեցւոյն ,
և յութերորդ աւուրն ե-
ղեւ ընթերցող . և ՚ի քսան
և հինգ օրն եղեւ կիսասար-
կաւագ : Եւ յետ տարւոյ
միոյ ձեռնադրեցաւ քահա-
նայ , և զվեչտասան ամ ար-
ժանապէս կատարեաց ըզ-
կարդ . քահանայութեանն :
Եւ յորժամ հանգեաւ ե-
պիսկոպոսն ՚ի քրիստոս՝ նըս-
տուցին զնա հատուցեալ

բըն յաթող եպիսկոպոսու-
թեանն : Եւ ձեռնադրեաց
զՅուստիանիայ սարկաւա-
գուհի , և անուանեաց զնա
Յուստինիայ . և ուսուցա-
նէր և լուսաւորէր զամե-
նեսեան՝ զհեռաւորս հրո-
վարտակօք , և զմերձաւորս
վարդապետութեամբ :

ՎԵՐՋ

ՅԱՆԿ ԱՂՕԹԻՑ

ՀՐԱԺԱՐՈՒՄՆ

Հրաժարիմք 'ի սատանայէ ԷՁ
5

ՉՂՁՈՒՄՆ

Մեղայ ամենասուրբ եր- 10

ԱՂՕԹԻ ԱՌԱՒՕՏԵԱՆ

Հայր մեր որ յերկինս 21
Տէր եթէ զըթունս իմ 23
Տէր զի բազում եղեն 23
Փառք քեզ Աստուած 34
Հաւատամք 'ի մի Աստ. 38
Փառք 'ի բարձունս Աս. 43
Ողորմեա ինձ Աստուած 50
Տէր ամենակալ Աստուած 55
Եկեալքս' ի խոստովա. 61
Տէր Աստուած փրկութեան 62
Հայր բազումողորմ 64

ԱՂՕԹԻ ՀԱՆԳՄՏԵԱՆ

Առաքեա Տէր զւրյս քո 71
Եկեսցէ 'ի վերայ իմ 72
Մեծացուցէ անձն իմ 86
Անձն իմ 'ի ձեռս քո է 88
Ընկալ քաղցրութեամբ 101
Որդի Աստուծոյ 105
Աստուած և Տէր կեանք 108
Աստուած յաւիտենական 110
Հաւատով խոստովանիմ 114

ԱՂՕԹԻ ԵՕԹՆՕՐԷԻՑ

Յաւիտենից Աստուած և 133
Բարերար և ամենակալ 141
Արարչագործ Աստուած 149
Հաստիչ ամբաւազոր 157
Որ արարչական զթով 163
Էապէս բարի և ամե. 175
Աստուած ամենակալ 183

Ի ԴԷՄՍ ՍՈՒՐԲ ՊՍՏԱՐԱԳԻ

Տէր իմ անքննելի է 193
Գառն Աստուծոյ Տէր իմ 249

Եւ քանզի ընդ ողբած.	255
Եւ արդ ես երկրածինս	269
Ով Ամենասրբուհի Աստ	291
Օրհնեալ է մարդասիրու.	301
Բարեբանեալ Աստուած	313
Տէր Տէր զթութեանց	327
Արեգակն արդար ճա.	337

ԱԻԵՏԱՐԱՆՔ

Եւ մինչդեռ անցանէր	342
Եւ ել լուր նորա	343
Եւ եղեւ ընդ աւուրոն	345
Յետ այտորիկ տօն էր	347

ՊԱՏՄՈՒԹԻՒՆ ԿԻՊՐԻԱՆՈՍԻ

Կիպրիանոս էր այր մեծ.	350
-----------------------	-----

ՎԵՐՁ ՅԱՆԿԻՍ

ՀՐԱՄԱՆԱԻ ՄԷԱՐԻՖԻ

ՄՄ Հայագիտական գրադարան



MAL033755

